




4.5 213





10-10-1911

Li. 5. 213

T. 5



16. 11. 173

IO. GOTTLIEB HEINECCII,
IC. ET ANTECESS.

DICTATA

AD

ELEMENTA

IVRIS CIVILIS

SECUNDVM ORDINEM

INSTITVTIONVM

ADORNATA.



BEROLINI

IMPENS. IO. ANDR. RVDIGERI

clō lō cc xxxiiii.

H. 213

LECTORI AEQVO

S. P.

QVi tibi ab aliquo tempore, beneuole lector, quosdam celeberrimi HEINECCII libellos obtulit, bibliopola honestissimus, Rudigerus, idem nouum dare, eoque gratiam tuam mereri, constituit. Multi id petierunt, atque emtorum numerus docuit, non ingrata quoque esse

PRAEFATIO.

celeberrimi uiri opuscula postuma.
Hic, qui oculis lectoris subiicitur, libellus continet *dictata ad Elementa iuris ciuilib secundum ordinem Institutionum adornata.*
Titulus statim admonere unumquemque potest, non contineri eo usibus uirorum doctorum inferuientia, uerum tyronum tantum, adeoque male omnino calculos positurum fore; qui concludere uellet, libellum doctis non esse scriptum, ergo indignum qui publicaretur. Non equidem credidissem unquam fore, ut talia publice dicerentur, nisi res ipsa mihi persuasisset contrarium. Parco nomini

uiri

PRAEFATIO.

uiri cuiusdam, quem ne anonymus sit, Mathanasium interim adpellabimus. Is quum in *novis litterariis iuridicis*, quae Ienae imprimuntur, Heineccianas animaduersiones ad Schilteri Institutiones iuris feudalis recenseret, tam absurda proferre non erubuit. Equidem si haec ratiocinatio procederet, eodem iure omnes doctorum uirorum praelectiones, quas Collegia uocant, essent proscribenda. Nemo non uidet, inania haec esse, magnamque gratiam omnino mereri eum, qui tyronibus regiam uiam ad solidam doctrinam libellis

PRAEFATIO.

talibus monstret. Libellum, cuiusque linguae elementa continens, doctis non scribi, quilibet fatetur, et tamen eo carere non possunt tyrones. Igitur qui sanum de quoque libello iudicium proferre uult, ante omnia ad scopum auctori propositum attendere necesse habet, ex eoque demum concludere, num fini fecerit satis, necne: alias facile foret, unumquemque libellum proscribere. Exemplo rem declarabimus. Cognita sunt ill. Newtoni in rem mathematicam merita. Quaecumque beatus ille uir scripsit, ita sunt comparata, ut magnos

PRAEFATIO.

gnos progressus in ea arte fecisse debeat, qui usum inde capere uelit. Si ergo iudicium hoc interponere uelim: liber non inferuit usibus tyronum, ergo ad minimum superfluous, absque uero foret. Contra qui grammaticas alicuius linguae dant, tyronum usibus scribunt, quis uero inde concluderet, libellum nullius momenti esse, eoque famam uirilaedi, qui tam bene de iuuentute mereri uoluerit. Vides hinc, beneuole lector, quam bene de proposito nostro uiri docti praelectiones publicandi iudicauerit Mathanasius ille, cui facile condona-

PRAEFATIO.

bimus, si in posterum faniora dederit. At sane, dicit porro, haec somniabundus in praelectionibus protulit diuus uir. Risum sane continere non potui, quum haec legerem, atque felicem praedicaui Heineccium, qui somnians talia protulerit, quae Mathanasius omni diligentia licet adhibita non posset dare. Eo abripere quemquam inuidia potest, ut quum personae cuidam male cupit, omnia uituperet etiam sana, quae ab ea aguntur. Sed satis querelarum! Tu interim, beneuole lector, uale, atque propediem Heinecciana dictata ad Pandectas exspecta. Scribeb. Berolini a. d. X. Iul. C1515 CCXXXIII.

PRO-



PROOEMIUM.

§. 2.

Imperator) Neque assentimur tamen v l r.
 HVBERO, qui in *Auspiciis domesticis* existimat, melius consultum fuisse iurisprudentiae, si aut Cicero aut Caesar manum huic operi admouissent. Nam tunc elegantius quidem ius haberemus, at minus moribus nostris accommodatum, quia illis temporibus ius antiquum adhuc in uiridi obseruantia erat. Add. ill. BYNKERSHOEK. *Praetermiss.* ad L. 2. D. de orig. iur. ubi Ciceronem parum praestitisse in iurisprudencia demonstrat.

§. 5.

Theodosianum) Sed hi Codices in foro nullius amplius auctoritatis sunt, quamuis in iure interpretando maximam omnino adferant utilitatem. Vid. *Const. Summa reip.* §. 3. de Cod. *Iust. confirm.* ubi iste dicitur falsi crimen admittere, qui hos Codices in foro allegat.

§. 6.

Digesta) HENR. DODWELLVS in *Dissertationibus Cambden.* obseruat, nullum in Digestis

existare fragmentum, quod Hadriani temporibus sit antiquius. Sed id falsum esse, observandum. Habemus enim fragmenta Q. Mucii, Alfeni Vari, nec non S. Aelii, qui omnes ante Hadrianum floruerunt.

§. 7.

Decisiones) Equidem in Codice nostro multo plures, quam centum eius generis constitutiones occurrunt. Sed ratio est, quia una decisio saepe in duas vel tres particulas scissa est a Iustiniano, et sub diuersos titulos relata. Vid. MERILL. *Comm. ad L. Decision. in proleg. c. ult.*

§. 8.

Theophili) Caue ergo existimes, Theophilum hunc esse recentiorem scriptorem, quod sibi olim persuaserat CUIACIUS. Vixisse enim illum sub Iustiniano, manifestum est ex *tit. Inst. de usucap.* ubi Iustinianum, eiusque coniugem, vocat principes suos.

§. 12.

Versionem) Nouam eamque adcuratissimam uersionem ex ipso Graeco textu adornauit IO. FRID. HOMBERGK ZVM VACH, quae in primis eo nomine commendanda, quod non modo admodum perspicua est, sed simul etiam continet ANTON. AVGVSTINI *Paratitla Nouellarum.*

§. 13.

Subiuncta) Quum enim in Nouellas nulla

lae tum haberentur praelectiones: uoluerunt hi Icti lectoribus Codicis statim repraesentare ea, quae Nouellis essent emendata, adeoque Codicem et Nouellas simul et uno labore interpretari.

§. 14.

Patriis) Quoties ergo controuersia feudalis occurrit, primo omnium dispiciendum est, an instrumenta inuestiturae (*die Lehen-Briefe*) illum casum definiant? si haec nihil definiant, confugiendum est ad mores et leges patrias, his denique deficientibus, tum demum ad hoc ius commune recurrimus.

Feudalia) Sed quid fiet de iure feudali Alamannico et Saxonico. Num illud omni usu destituitur in Germania? Responsum cape. Non recepti sunt hi libri tamquam norma decidendi: sed receptae tamen doctrinae ibi propositae, quia moribus et consuetudinibus multarum prouinciarum semel uim iuris obtinuerunt. Id probe obseruandum contra *HARPRECHTI feudalis Alamannici, Speculi Sueuici, et praesertim iuris feudalis Alamannici in foris uicariatus Sueuo - Franconico - Palatini non - usum modernum, Kilon. 1723. 4.*

§. 16.

Leges) Possunt quidem priuati leges scribere: idque fecerunt Solon, Lycurgus, Zaleucus, et alii: sed non possunt leges ferre, uel auctoritate legislatoria promulgare. Ceterum,

terum, quod ad Authenticas attinet, contro-
uerfia est inter uiros doctos; an istae nonnum-
quam a Nouellis dissentiant. Negat enim hoc
PAGENSTECHERVS, in *Irnerio iniuria ua-
pulante*. Sed eiusmodi quaestiones oculorum
iudicio quam optime deciduntur.

§. 17.

Praeferantur) Medium ergo hic tenendum
est, ne uel ius Romanum mores patrios in ex-
silium egisse putemus, uel eius plane nullam
esse utilitatem, concedamus simpliciter, at
sapientissime rem expresserunt ueteres hac
iuris paroemia: *Stadtrecht bricht Land-
recht, Landrecht bricht Kaiserrecht*, de quo
uidendus est HERTIVS.

* * * * *

LIBER I.

TIT. I.

DE IVSTITIA ET IVRE.

§. 19.

Voluntas) At haec tamen proprie non est
finis iurisprudentiae, quia Icto non in
promptu sunt media alia, quam poenae et proe-
mia. *L. 1. §. 1. D. b. t.* Atqui his mediis non e-
mendatur mens, sed tantum cohibetur impro-
bitas, ne uaga profiliat frenis natura remotis.

§. 20.

Possunt) Iure perfecto exigimus, quae ex
lege

lege debentur, et hinc coactionem admittunt haec officia, quia legis est imperare, punire, cogere, *L. 7. D. de legib.* Contra obligationes imperfectae oriuntur ex uirtute, quae uirtus esse definit, si cogatur.

§. 22.

Praecepta) Non ergo hic assentiendum est. **HVBERO**, et aliis ICris, qui existimant, has tantum esse elegantes sententias, non autem talia principia, ex quibus totum ius nascatur. Nulla enim fingi potest iuris doctrina, quae non ex uno horum principiorum prono alueo fluat.

§. 23.

Distributiuam) Priorem locum habere dicunt in contractibus et pactis: posteriorem in praemiis et poenis. Sed utrumque fallit. Nam praemium ob bene meritum promissum elargitur respublica sine respectu personae. Et in concursu creditorum non omnes creditores pro rata creditum suum accipiunt, cum istis teneantur ex contractu.

§. 25.

Notitia) Caue credas, iurisprudentiam esse disciplinam philosophicam. Cum enim philosophia nullum aliud agnoscat principium cognoscendi, quam rectam rationem, iurisprudentia autem maximam partem nitatur legibus scriptis et positiuis: facile patet, ei definitionem philosophiae non competere.

§. 26.

§. 26.

Adplicandique) Nota ergo tres partes, uel tria officia I Cti, leges scire, easdem interpretari, ac denique adplicare in praxi forensi. Qui primum potest sine reliquis, est *leguleius*; qui primum et secundum, et tertio destituitur, *iurisperitus* audit; qui omnia haec coniungit, *ICtus*; denique qui omni theoria destitutus crude studia in forum propellit, *rabula* audit. Vid. THOMASII *Orat. de iurisprudentiae corpore, scelecto, et umbra.*

§. 28.

Perfpicitur) Non tamen confundenda est legis ratio cum praetextu. Saepe enim imperatores prae se ferunt, se ob certam rationem aliquid praecipere uel prohibere, cum tamen plane aliam rationem mente repositam habeant. Exemplo esse potest *lex celeberrima 17. D. de stat. hom.* quam ill. EZ. SPANHEMIVS singulari commentario, quem *Orbem Romanum* notauit, illustrauit.

§. 31.

Rerumpublicarum) Ex quo facile patet, non confundi debere ius publicum uniuersale, quod rebus publicis omnibus commune est, et particulare, quod huic uel illi reipublicae est proprium. Sane haec differunt etiam ratione principiorum. Nam ius publicum uniuersale fluit ex iure naturae et gentium: particularia autem deriuantur praecipue ex legibus

gibus fundamentalibus singulorum imperiorum.

§. 32.

Gentium) Immo haec tria ad duo reduci possunt ex ea ratione, quod ius naturae et gentium non sint diuersa iura, uti ueteribus uisum est, sed ius unum idemque, quod diuersa nomina sortitur ab applicatione.

TIT. II.

DE IVRE NAT. GENT.
ET CIVILI.

§. 35.

Positium) Posterius hoc I Cti subdiuidunt in uniuersale et particulare. Illud uocant, quod indistincte omnes homines obstringat: hoc, quod certam tantum gentem, ueluti Iudaicam. At ius uniuersale positium nostra aetate profigare uoluerunt THOMASIVS, BVDDEVS et alii.

§. 36.

Deriuabant) Natura autem hominis nihil aliud erat, quam recta ratio solis hominibus competens. Communis contra natura illis erat instinctus naturalis, qualis etiam in brutis animantibus reperitur. Ex quo patet, errare illos, qui existimant, Stoicos I Ctos bruta animantia pro rationalibus habuisse.

§. 39.

§. 39.

Introductum) Quemadmodum enim vulgo docent philosophi, necessitatem plerasque artes inuenisse, ita uerum est, eandem uaria quoque iura inuexisse, qualia permulta recensentur *L. 4. §. D. de iust. et iur.*

§. 41.

Adplicatum) Luculento specimine hoc demonstratum dedit *BVDDEVS* in *Elem. philos. pract.* ubi, dum ius naturae tractat; illud semper comparat cum iure gentium, et utrumque ex iisdem principiis deducit. Vnde vel eo nomine hic libellus commendandus est.

§. 42.

Leuit. XVIII. et XX.) Circa haec tamen capita quaeri solet, gradusne Deus numerarit, an personas tantum? Posterius ideo probabilius est, quia gradus eo modo, quo iure Romano numerantur, ignoti fuere uetustis Hebraeis, ceu singulari, eoque pererudito responso docuit *IO. SCHILTERVS* in *Exercit. ad Pand.* sub finem libri *XXIII.*

§. 43.

Constituit) Et quidem prout id exigit forma et finis reipublicae, nec non salus populi. Hinc facile reddideris rationem cur iura ciuilia non ubique sint eadem, immo cur in singulis rebus publicis illa saepissime mutantur: cuius rei respublica Romana exempla innumera praebet.

§. 44.

§. 44.

Tacite) Et expresse quidem per promulgationem, siue illa fiat per edictum siue per uocem praeconis. Sufficit enim ad ius scriptum, legem aliquam esse promulgatam. Contra si uel maxime consuetudo in scripturam redigitur, tamen illa manet ius non scriptum, quia non promulgatur.

§. 45.

Rei publicae) Quoties enim haec mutatur, toties mutatur imperans. Hoc uero mutato non eadem manere potest potestas legislativa. Ex principiis politicis erudite hoc demonstrauit CONRINGIUS in *Dissert. de mut. rerum publicar.*

§. 46.

Romanus) Differentia populi et plebis non alia est, quam generis et speciei, uel totius et partis. Populus enim complectitur omnes Romanos, tam patricios, quam plebeios: plebs autem solos istos, qui non sunt patricii. Vnum addimus, non confundendos esse patricios et nobiles: nobiles enim et plebei esse poterant.

§. 47.

Hortensiam) In *glossa ad §. 4. Inst. b. i.* habetur, legem hanc latam esse a rege quodam Hortensio. Sed cum talis rex Romae numquam imperarit; sciendum est, auctorem legis fuisse

B

Hor-

Hortensium dictatorem, de quo diximus in *hystor. nostr. iur. civil.*

§. 49.

Constitutum) Recitata illa oratione praecipui senatores dicebant sententiam uiua uoce. Quo acto deinde consul proclamabat: QUI HOC SENTITIS, IN HANC PARTEM, QVIALIA OMNIA, IN EAM PARTEM SECEDITE, QVACVM SENTITIS. Quo facto surgebant senatores, et pedibus ibant in aliquam sententiam.

§. 50.

Regiam) Dubitarunt quidam eruditi, in primis MART. SCHOOCKIUS *de lege regia*, an talis lex umquam exstiterit. Sed exstitisse talem legem, id est congeriem SCtorum factorum in honorem principis, solide demonstrauit GER. NOODT. in *Orat. de lege regia*.

§. 52.

Trabuntur) Itaque priuilegia non admittunt interpretationem extensiuam, nec in iis regula ualet: *ubi eadem est ratio legis, ibi eadem est iuris dispositio*. Humanitatis tamen causa priuilegia extendi solent ad uiduas et liberos; quamdiu nondum patria domo egressi sunt.

§. 54.

Fert) Id quod imperator uel solus faciebat. uel adhibitis in consilium Ictis. Prioris generis exemplum elegans exstat in *L. 13. D. quod met. causf.* quod integrum perlegi meretur.

§. 55.

§. 55.

Diriguntur) Quo pertinent etiam commissiones, quas uocant, quae adeo stricti iuris sunt, ut commissarius nihil possit, nisi quod commissum est. Vnde et semper obligatus est ad producendum commissoriale, si id partes exegerint.

§. 56.

Nitantur) Quod adeo praesupponitur, ut et si non inserta sint uerba: *Daserne sichs nun angebrachter Massen verhält*, ea tamen semper subintelligantur. *c. 2. X. de rescriptis*. Vnde et tunc locus est exceptioni sub- et obreptionis, si principi quid contra ueritatem suggestum sit.

§. 57.

Iubeat) Huius quoque rei exemplum praebet *L. 13. D. quod met. caus.* siquidem ibi Antoninus imperator in genere de casibus futuris pronunciat, eos ius crediti non habituros, qui, quod sibi debeatur, ui extorserint.

§. 60.

Ordinem) Quale quid fecisse uidemus Hadrianum in *L. 2. sub fin. D. de his, qui sunt sui, uel al. iur.* Vocare id solemus exemplum, statutum, quoties princeps eo maioris metus incutiendi causa atrocior poenam irrogat, quam leges statuerunt.

§. 61.

Infligitur) Id quod prohibitum nouimus

notissima lege 12. Tab. PRIVILEGIA NE IRROGANTO. Vnde procul dubio falluntur, qui Tribonianum haec priuilegia per errorem inuexisse existimant.

§. 62.

Transcunt) Sed quale in dubio praesumitur priuilegium? Distinguendum est, titulo oneroso quaesitum sit, an ex sola gratia principis. Priore enim casu in dubio praesumitur reale, quia quisque pro se et herede contraxisse censetur, alias personale tantum est.

§. 63.

Beneficii) An etiam reuocare priuilegium? Id affirmandum, si datum sit ad beneplacitum, (bis auf Wiederruf,) non, si titulo oneroso quaesitum sit, nisi manifesto uergat in detrimentum rei publicae. Ita et successor singularis recte reuocat priuilegium ab antecessore datum, non autem successor uniuersalis uel heres. Vid. *Obseru. Hall. P. III, c. 15. 16. 17.*

§. 64.

Honorarii) Quicumque enim Romae honoribus fungebantur, ii edicta reddere poterant de rebus ad curationem suam pertinentibus. Hinc etiam reperimus edicta censorum apud CORN. NEP. *Cat. cap. 2.* Immo et edicta sacerdotum adlegauimus in *Hist. nostr. iur. civil.*

§. 65.

§. 65.

Corrigendi) Immo et euertendi leges. Id quod facile praestabant, partim inuentis nouis uocabulis, partim datis exceptionibus, partim promissis restitutionibus in integrum, partim denique inuentis fictionibus uariis, quae omnia adcuratius explicauimus in *Antiquit. nostr. Rom. h. t.*

§. 66.

Suspiciatur) At luculenter potest demonstrari, utrumque edictum unum idemque esse. Vnde CAIVS, si quando hoc edictum citat, modo scribit: *ait proconsul*, modo: *ait praetor*, ceu pluribus demonstraui in *Praef. ad EZ. SPANHEMII Orbem Romanum.*

§. 67.

Respondere) Quamuis ergo hi non sint legislatores: responsa tamen eorum primum per tacitam populi adprobationem auctoritatem iuris non scripti obtinuerunt. *L. 2. §. 47. D. d. orig. iur.* Postea, ubi publicatae sunt a Iustiniano in Pandectis, ius scriptum esse coeperunt. *§. 8. Inst. b. t.*

§. 68.

Interpretamentis) Illa interpretamenta nihil aliud erant, quam nouae conclusiones, quas per regulas bonae interpretationis ex legibus eruebant. Itaque non mirum est, illa iuris auctoritatem accepisse, si quidem et illa

legibus insunt, quae per bonam consequentiam inde eruuntur.

§. 70.

Auctoritate) Ne quis me accuset, quod hic de re nullius usus agere sustinuerim : paucis adde, ipsas quidem actiones legis et actus legitimos nullius hodie usus esse, conclusiones tamen inde natas in iure nostro utramque facere paginam, ut adeo multorum iurium rationes reddere non possemus, nisi perspectum nobis esset, quid sint actiones legis, uel actus legitimi.

§. 71.

Introducendum) Introducitur consuetudo a populo, uim uero ac auctoritatem consequitur tacito consensu legislatoris. Quid enim interest, tacite hanc approbet princeps, an expresse. *L. 32. §. 1. D. d. legib.*

§. 72.

Temporis) Illa diuturnitas non definita est iure communi : iure uero Saxonico probandum est, illam in re publica uiguisse per triginta annos, annum et diem.

TIT. III.

DE IVRE PERSONARVM.

§. 76.

Familiae) Nec plures status ciuiles norunt Romani. Quod uel inde patet, quod tria tantum

tum habuerunt capitis deminutionis genera, ut recte possim argumentari: *quot status amitti possunt, totidem habemus: iam amittere possumus non nisi tres; ergo totidem habemus.*

§. 78.

Libertinos) Ad intelligendam uero hanc differentiam semper opus est, ut supponamus seruitutem legitimam et iustam. Aliud enim est in seruitute esse, quod et libero homini contingere potest per iniuriam, aliud seruum esse. Prius est facti, posterius iuris. Hinc et prior manumissus manet ingenuus, posterior libertinus tantum.

§. 80.

Redig batur) Et ita quidem, ut non amplius possit agere, quidquid placeret in utilitatem suam, sed potius omnia agere teneretur in utilitatem populi, quemadmodum e. g. equus, quia res est, non sibi lucratur, sed domino, ita seruus omnia acquirit domino, quia non persona, sed res est.

§. 81.

Nostris) Serui enim non uiuunt in matrimonio, sed in contubernio tantum. *Lex uero naturae haec est, ut qui nascitur sine legitimo matrimonio, matrem sequatur, nisi lex specialis aliud inducat, L. 24. D. de stat. hom.*

§. 83.

Sunt) Cuius rei elegantissimum exemplum exstat apud PLAT. in *Persa*. Cum ergo haec

haec fraus tum admodum frequens esset, non mirandum sane est, illam seuera hac lege fuisse coërcitam.

§. 84.

Habebant) Eorum hac maxime in re paullo tolerabilior erat conditio, quod, si deliquissent, non seruili afficiebantur supplicio, sed puniebantur tamquam liberi homines, uel ideo, quia libertatem sperarent.

§. 85.

Exuias) Si domino in hereditate hominis proprii ius optionis competit, ut eligere possit, quidquid uelit, uocatur hoc *ius curmeticum*, de quo singularem dissertationem scripsit I. O. PET. a LVDEWIG, quae addita est *Reliquiis de iure colonario*.

§. 86.

Tractu) Multoque magis in Palatinatu Rhenano et uicinis prouinciis Elector Palatinus exercet ius Wildfangiatus, quamuis hoc superiore saeculo occasionem dederit bello periculosissimo, et hinc postea restrictum sit admodum laudo Heilbronnensi.

TIT. IIII.

DE INGENVIS.

§. 90.

Fuit) Receptum hoc est in fauorem libertatis. Alias enim si solam analogiam iuris consideremus, respiciendum erat tantum ad tem-

tempus partus, et momenta intermedia nemini prodesse poterant.

§. 91.

Ingenui) Nimirum quamvis leges permitterent, ut liberi uenundarentur, noxae uedarentur; nec non ut obaerati creditoribus in neruo addicerentur: nihilominus tamen Romani hanc seruitutem pro iniusta maluerunt habere, ut fauerent libertatibus, manumissisque potius ingenui essent, quam libertini.

§. 92.

Patrono) Nam de huiusmodi delato iureiurando ualeat regula: *Iusiurandum pro ueritate habetur*, quia est instar transactionis. Quae ratio cum non quadret iuriurando, quod iudex defert ex officio, ueluti purgatorio et suppletorio: haec iuraiuranda etiam non obstant, quo minus lis ab integro possit inchoari.

TIT. V.

DE LIBERTINIS.

§. 94.

Abdicare) Una addenda est exceptio, quae habetur in §. 2. *Inst. Qui et ex quib. caus. manumitt. non poss.* puta, interesse rei publicae, ne quis re sua male utatur. Hinc et manumissiones restringuntur per leges Aeliam Sentiam et Fufiam Caniniam, de quibus Tit. 6. et 7. agetur.

§. 96.

Filiis) Ceterum hi modi non modo ratione formae differunt, uerum etiam ratione effectus, siquidem modis minus sollemnibus manumissi ad iura ciuitatis Romanae non adspirabant, sed tantum Latini fiebant, uel dedititii.

§. 98.

Signarent) Simul etiam quatuor ecclesiae portae solebant aperiri, ut sciret libertinus, se non amplius esse glebae adscriptum, sed uadere posse, quo liberet. Vnde a patentibus uel passis portis ortum est uocabulum: ein Passe-port.

§. 99.

Manumittit) Et tunc libertus eiusmodi eleganter in iure nostro uocatur *orcinus*, uel *charoneus*, quia patronum non haberet, nisi in orco uel in cymba Charontis.

§. 100.

Explicanda) Edidit CHRISTIVS libellum elegantem sub titulo: *Noctes Hallenses*, in quo etiam aeri incisum sistit momentum antiquum, quo haec manumissio elegantissime repraesentatur. Nos addimus, ritus istius uestigia superesse in modo creandi equites (im Ritterschlag) nec non in consuetudine dimittendi pueros nobiles (wenn die Pagen wehrhaft gemacht werden) similibusue ritibus.

§. 101.

Subscriptionem) Quamvis uero hic modus hodiernum sit usitatissimus in manumissione hominum propriorum: moribus tamen receptum est, ut sufficiat subscriptio et sigillum domini, neque quinque testium requiratur praesentia.

§. 104.

Sufficeret) Ad manumissionem enim hanc sufficebat quaecumque signum libertatis, adeo, ut et puerum liberum pronunciatum reperiamus, cui dominus fisci defraudandi causa bullam auream e collo suspenderat. Vid. SVE TON. *de claris rhetorib. cap. I.*

§. 106.

Dediderant) Vocabuntur hi etiam sub iugum missi. Ex tribus enim hastis fiebat iugum seu patibulum, per quod deinde singuli ire iuebantur. Quemadmodum uero hi dedititii parum a seruis differebant, quippe magno tributorum onere pressi: ita et liberti dedititii exsortes erant iuris testamenti factionis, connubii et contractuum, adeoque parum a seruis distabant.

§. 107.

Consequerentur) Hi eatenus erant melioris conditionis, quam prouinciales, quod haberent ius contractuum et testamenti factionis, nec tamen tamquam ciues ad honores adspirare possent.

§. 110.

§. 110.

Dedit) Immo nonnullis promisit restitutionem natalium, seu, ut ipse uocauit, regenerationem, quae in hoc consistebat, quod libertini etiam a iuribus patronatus liberi pronuntiabantur, quae de re singularis tit. agit in *Dig. de restitut. natal.*

§. 111.

Solebant) Et quidem praenomen et nomen gentilitium; cognomina enim retinebant, quae antea in statu seruitutis gesserant. Hinc Tiro manumissus a Cicerone, se uocabat Marcum Tullium Tironem.

§. 112.

Fabriles) Quemadmodum officiales uocantur operae, quae tantum ex reuerentia fluunt, ita fabriles sunt, quae ad liberti cuiusque pertinebant opificium. Sic e. g. pedissequum esse opera, est officialis, calceos consuere, fabrilis

§. 113.

Sunt) Nam et manumissi rustici et operas et census praestare debent, adeoque re uera seruiunt. In eo tantum benignior est eorum conditio, quod non amplius sint glebae adscripti, adeoque ex fundo emigrare possint cum familia sua.

TIT.

TIT. VI.

QVI ET EX QVIB. CAVSS.
MANVM. NON POSS.

§. 115.

Conditionibus) Vera huius rei causa erat, quod iuvenes adhuc in patria potestate constituti, plerumque seruorum ope utebantur in contrahendo aere alieno, defraudandis parentibus, conciliandis amoribus, et pro hac egregie nauata opera illis promittebant libertatem. Qua insania cum iuvenes sese ad egestatem et paene mendicitatem redigerent: mirum sane non est, ademptam hac lege ipsis esse licentiam pro lubitu manumittendi.

§. 117.

Esse) Quid si ergo plures seruos manumiserit et ob unius tantum manumissionem contigerit, ut manumittens non amplius soluendo esset? Resp. tunc priores libertatem retinent, et eius tantum nulla manumissio, cuius causa soluendo esse desit. Sin de prioritatem temporis non constet, omnes pro seruis habentur, arg. §. 125.

§. 119.

Amoliendi) Maxime enim ignominiosum habebatur, si mortui bona per uocem praconis proclamarentur, tamquam uenalia futura. Vnde eleganter comicus ait, obaerato eiusmodi iterum funus duci. Hanc uero ignominiam

miniam facile effugiebant, qui seruum instituebant, quia heredis, non defuncti nomine, bona uenibant.

§. 120.

Retrahebatur) Decretum enim magistratus praeuia causae cognitione interpositum instar rei iudicatae est: haec autem pro ueritate habetur, adeoque retractari non potest, licet causa postea falsa reperiatur.

§. 121.

Sororesue) Contingere potest hic casus, si dominus Stichum seruum instituat heredem, eiusque parentes, fratresque uel sorores adhuc uiuant. Tunc enim hi omnes ipsi seruiunt, quia tamquam heres in uniuersum ius defuncti domini succedit.

§. 122.

Annum) Enimuero id concedendum tamen non est, nisi adhibito consensu curatoris, qui non facile nec sine periculo consentiet, si animaduertat, minorem ad mendicitatem ruere.

TIT. VII.

DE LEGE FVRIA CANINIA TOLLEND.

§. 123.

Prosequerentur) De ritu hoc funebri praecleara multa obseruauit KIRCHMANN. in
quan-

quantivis pretii libello: *de Funeribus Romanorum*, ubi ostendit, hoc pro maxima pompa habitum fuisse, si plures eiusmodi pileati letitiam sequerentur.

§. 124.

Ad fin.) De his cost. quorum prior tantum in fastis habetur, eleganter egit EPHR. GERARD. in *Dissert. Ienensi de lege Fusia Caninia*.

§. 125.

In orbe) Hoc saepissime faciebant ueteres, etiam in heredum institutione, si nulum heredem alteri praeferre uellent, sed omnes aequae honorare. Quod ergo in heredis institutione licitum erat, id in fraudem legis fusiae Canipiae perperam producebant ad manumissiones.

§. 126.

Vivis) At haec conclusio non procedit. Non enim tam facile homines inter vivos res suas iactant, metu paupertatis impediti, quam moribundi, quo in statu et avarissimi homines liberales esse solent. Sed bene se res habet, quod in Germania manumissiones per testamentum rarissimae sunt.

TIT. VIII.

DE HIS, QUI SVI VEL ALIE-
NI IVRIS SVNT.

§. 128.

Subsunt) Non ergo huc pertinet potestas tutorum. Icti enim distinguunt inter potestatem acquisitivam et directivam. Tutoribus potestas posterioris generis conceditur, nos autem hic loquimur de prioris generis potestate, qualis etiam olim erat maritalis, quia uxores, quae in manum conuenerant, maritis erant instar filiae familias. Vid. *Antiquit. nostr. Rom. tit. de nupt. §. 5.*

§. 130.

Servos) Neque tamen existimandum, concessam fuisse dominis promiscuam occidendi licentiam; sed sensus hic est, dominos fuisse iudices domesticos servorum suorum, adeoque et supplicium capitale illis infligere potuisse, qui tale quid meriti essent. Vide GROT. de iur. bell. et pac. III, 14.

TIT. VIII.

DE PATRIA POTESTATE.

§. 133.

Potestati) Haec id nomen obtinet, quia iure Romano omnis potestas in liberos penes solum patrem est. Interim negari nequit, liberos

ros adstrictos fuisse ad obsequium etiam matri praestandum. Quod adeo uerum est, ut in digestis exstet singularis titulus *de obsequiis parentum et patronorum*.

§. 135.

Mancipi) Adeoque in dominio sunt liberi, aequae ac serui, ex quo etiam facile potest reddi ratio, cur cessante educatione apud Romanos non cesset patria potestas, et cur ad nepotes quoque proferatur. Cuius enim ipse pater est, eius et liberi esse censentur.

§. 136.

Quiritarium) Facile equidem ad existimandum est, etiam prouincialibus, qui non erant ciues Romani, ius aliquod in liberos competiisse: sed ea non erat patria potestas Romanorum, sed uel secundum leges patriae, uel secundum ius naturae liberis imperabant.

§. 138.

Ter quidem) IAC. GOTHOFREDVS in *Not. ad XII. tabb.* legem hanc intellectam fuisse putat tantum de uenditione imaginaria, qualis fiebat in emancipatione et adoptione. Enim uero cum in *L. 2. C. de patrib. qui fil. distrax.* ius antiquum restringatur ad filios sanguinolentos, eaque lex non agat de uenditione imaginaria, sed uera: consequens est, ut et leges istae antiquae de uera uenditione egerint.

§. 139.

Obligatio) Hinc quamvis e. g. pater filio aliquid donet, non tamen ex ea donatione transfertur dominium, sed res donata fit peculium profectitium, cuius dominium semper penes patrem manet.

§. 140.

Sententiam) At hodie ipse iudex regulariter fert sententiam causa cognita, ne pater aut iusto seuerior sit, aut iusto indulgentior. Id tamen adhuc obseruatur, ut magistratus petente patre decernat disciplinam domesticam, e. g. ut filius contumax ad tempus in ergastulo habeatur.

§. 141.

Frequentetur) Immo obseruandum, iam tum tempore Iustiniani recentiores existisse leges, quibus uenditio illa uetita fuit, permisumque parentibus, ut alimenta ex aerario petant. Vid. *L. 1. 2. C. Tb. de aliment. quae parent. ex publ. pet. deb.*

§. 143.

Constat) Agitur enim hodie aduersus ipsum filium, eoque condemnato uel actio de peculio instituitur aduersus patrem, ut ex peculio soluat, aut si non habet in aere, in corpore illum luere oportebit.

§. 144.

Procreantur) Iustum hoc tempus est septimus mensis a nuptiis, idque propter auctoritatem

tatem doctissimi uiri Hippocratis, *L. 12. D. de Stat. hom.* Contra si de uidua quaestio sit, iustus habetur partus, qui decimo mense a morte parentis in lucem prodit. *Vid. L. 3. §. penult. D. de suis et legit. hered.*

TIT. X. DE NVPTIIS.

§. 146.

Ineunda) Itaque procreatio sobolis est finis primarius, ad quem respicitur, quoties quaestio est de matrimonio ineundo. Quod si autem de eodem conseruando quaeritur, tunc sane sufficit finis secundarius. Hinc et senum matrimonium conseruari solet, quamuis finis primarius amplius sperari nequeat.

§. 147.

Considerabant) Hinc quamuis leges impedimentum non obicerent: non permittebatur tamen matrimonium, si honestati uideretur repugnare. Exempla elegantissima sunt in §. 9. *Inst. b. t.*

§. 148.

Oporteat) Neque tamen nuptiae ideo dici possunt contractus consensualis, uti uisum est DONELLO in *Comment. iur. ciu. x111, 18.* Contractus enim supponunt obiectum, quod in commercio est, cum hic super personis liberis contrahatur.

§. 149.

Primaciam) Quamvis enim loca allegata agant de diuortio, non de polygamia: tamen ob identitatem rationis eadem concludendi ratione inferre possum: Deus ita instituit matrimonium, ut duo sint in carnem unam, ergo noluit, ut plures uxores uni viro simul nubarent.

§. 150.

Nuptias) Quod etiam plerique putant consentaneum esse iuri diuino, ob *Genes. XXI, ult.* ubi uxores duxit Esauus inconsultis parentibus, nec tamen rescissum ideo legitur istud matrimonium. Vid. GROT. *de iur. bell. et pac.* II, 5, 10.

§. 152.

Familiam) Inter utriusque ergo coniugis familias nulla plane est affinitas. Hinc e. g. sponsi frater est quidem affinis sponsae, sed non ideo est affinis sororis sponsae, quod in schemate facile potest ostendi, si obseruetur regula: *quoties curua linea est inter duas lineas rectas, toties nulla adest affinitas.*

§. 155.

Canonici) Et hic computandi modus in ipsa etiam scriptura sacra uidetur obseruatus. Vnde non mirum, protestantes saltem in materiis nuptialibus eundem computandi modum obseruare.

§. 157.

Sunt) Non itaque statim adesse censetur respectus parentelae, si una persona propius abest a communi stipite, quam altera, (sic enim omnes nuptiae in linea inaequali essent prohibitae), sed semper exigitur, ut alterutra immediate communi stipiti subsit, e. g. patris, aui, proaui soror, uel matris, auiae, uel proauiae frater.

§. 158.

Prohibentur) Id quod ita declarare solent, Adamum, si uiduus factus esset, non reperturum fuisse alteram coniugem, quam saluis legibus ducere posset, quia omnes mulieres eius descendentes sint.

§. 159.

Imperante) Vocatur id dispensatio, eaque facile indulgetur, modo iusta allegetur causa, cur quis hoc potissimum matrimonium inire uelit. Si dubium oritur, sitne hic gradus prohibitus, necne, consuli solent facultates theologicae et iuridicae, earumque responsis potissimum stat princeps. Plura huius generis responsa collegerunt in primis DE DEKEN. in *Consil. theologor.* et BRVCKNER. in *decis. matrim.*

§. 160.

**Viduam*) Maxime hic oritur controuersia de nuptiis cum defunctae uxoris sorore. Sed cum istae *Leuit. cap. 18.* non absolute prohibeantur, sed addita restrictione: *ihc zu*

wider, weil sie noch lebet, is casus hodie ple-
risque locis pro dispensabili habetur. Opti-
mum hac de re scriptum exstat **WAGENSEI-
LII**, von der **Heyrath mit der verstorbe-
nen Frauen Schwester**, quod habetur post
tractatum: **Hofnung Israels**.

§. 161.

Contracta) Vbi addendum, in linea recta ne
tunc quidem permitti matrimonium, quando
secuta est emancipatio. In collateralis autem
frater potest ducere uxorem adoptiuam, mo-
do haec sui iuris per emancipationem facta sit.
L. 55. D. de rit. nupt.

§. 162.

Damnata) Si uel maxime eiusmodi per-
sona in thorum recepta esset ingenui, nihilo
minus tamen non pro uxore, sed pro concu-
bina habebatur, *L. 1. pr. D. de concub.* Roma-
ni enim nuptias non ex intentione contra-
hentium, sed ex personae qualitate diiudica-
bant.

§. 163.

Contra) Nec discrimen hic est inter Iudae-
am et Mahometanam. Quamuis enim haec
non soleat conuiciis proscindere Christum:
nihilominus tamen idem subest metus cor-
ruptionis, saltim liberorum, qui ab huius-
modi matre facile a Christo alieniores reddi
possent.

§. 164.

§. 164.

Ad finem) Hoc sane contra fundamenta legum est, quae id, quod contra leges, uel in earum fraudem factum, pro nullo declarat, *L. 5. C. de legib.* Nihilominus tamen praxis contraria recepta est ideo, quia matrimonium secundum principia iuris canonici pro sacramento habitum est. Vid. STRYKII iun. *Dissert. de reliquiis doctrinae de sacramento in causis matrimonialibus.*

DE LEGITIMATIONE.

§. 165.

Successoribus) Quod enim nonnulli antiquiorem legitimationis originem exsculpunt ex *L. 57. de rit. nupt.* et ex *L. fin. D. de adopt.* id perperam fit. Prior enim lex complectitur priuilegium, non modum aliquem ordinarium legitimandi. Posterior autem agit de arrogatione, non de legitimatione.

§. 166.

Nati) Haec definitio eo maioris fieri debet, quod inde fluit principium, qui coniuges fingi non possunt, eorum liberi quoque non possunt legitimari, quia fictio semper supponit terminos habiles. Sic e. g. filius ex concubitu cum matertera natus legitimari nequit, quia cum matertera fingi non potest matrimonium.

Inuentus) Quartum quidem modum addit IUL. PACIVS in *Analyſi Inſtit. b. t. §. ult.* nempe per instrumentum publicum, propter *Nov. 117. c. 2.* Sed ipſe textus ſatis demonſtrat, inde naſci tantum praefumptionem legitimi matrimonii, non autem tradi diuerſum modum legitimandi.

§. 170.

Curialibus) Quam dura fuerit curialium conditio, non ſolum in ſcholio oſtendimus, ſed et luculenter probari poteſt ex BRISSONII *Antiqu. ſelect. III, 18.* ubi docet uir doctiſſimus, ipſos chriſtianos a perſecutoribus ad curias damnatos eſſe, tamquam ad triremes. Quod cum hodie aliter ſeſe habeat, non mirum ſane eſt, hunc modum plane ceſſare.

§. 171.

Impetrauerat) Apud nos tutiſſimum eſt, non ſolum principis, ſed et ipſius imperatoris impetrare oraculum, quia tunc legitimatio ualet per totum imperium. Imperator autem legitimare ſolet per comites palatinos, de quibus exſtat elegantiſſimus tractatus GEORG. SCHVBARTI, Profeſſ. olim lenenſis.

§. 173.

Ad ſin.) Quin hodie ne ob opificia quidem et collegia opificum admodum frequens eſt legitimatio, quia legibus imperii publicis cautum, ne illegitime nati excludantur collegiis et corporibus. Omnium minime hodiernum obti-

obtinet antiquus mos Germanorum liberos legitimandi, qui sub pallio matris latitauerint tempore hierologiae ecclesiasticae. Vnde dicti sunt *Mantelfinder*, de quibus CAR. du FRESNE in *Glossar. med. et infim. Lat.* sub uoce: *pallium*, BESOLD. in *Thef. pract.* sub uoce: *Mantelfinder*, et nos in den *vermischten Anmerkungen*, num. I.

TIT. XI.

DE ADOPTIONIBVS.

§. 174.

Adoptio) Et hinc illa iuris quidem gentium est, ac proinde etiam Aegyptiis, Hebraeis, Graecis nota. Multa tamen quoad formam et effectum adoptionis adiecerunt leges civiles. Vnde eatenus dici etiam potest iuris ciuilis esse adoptionem.

§. 175.

Sollemnis) Hoc ipso enim adoptio distinguitur ab eo actu, quo alumnum uel alumnam domum recipio. Alumnus enim non est adoptiuus, nec tamquam filius hereditatem potest sperare, quia deest sollemnitas.

§. 176.

Annis) Sufficere etiam inchoatum esse annum XVIII. obseruat HVBERTVS *posit. 7. ad b. r.* Neque huic iuri opponendum exemplum Elagabali, qui anno aetatis XIII. Alexandrum puerum annorum XII. adoptauit,

uit, teste HERODOT. V, 7. Quodenim princeps de facto facit, istud non potest pro norma esse, ubi de iure quaeritur.

§. 179.

Potestatem) Quod in adoptione speciatim sic dicta non semper fieri solet, datur enim etiam adoptio minus plena uel imperfecta, destituta hoc effectu, de qua infra §. 186. dicemus.

§. 180.

Fieri) I. e. consentire debere; rationem iam adduximus §. 172. quia scilicet tum ex homine sui iuris fit homo alterius potestati subiectus, ceu praeclare docuit THOMAS. *de usu pract. tit. Inst. de adopt. c. 1.*

§. 181.

Suorum) Durissimae hae sunt conditiones, adeo, ut uix sit probabile, quemquam impuberem arrogare uoluisse sub his conditionibus, ceu praeclare docuit THOMASIVS *cit. loc.*

§. 182.

Imaginum) Id quod hodie cessat, quia nobilitas non est arbitrii priuatorum, sed a solo summo imperante conceditur. Id quod etiam obseruandum est de successione in feuda. Vid. 2. *Feud. c. 26.* Conf. I. PETR. de LVDEWIG. *Dissert. de nobilitate adoptiua.*

§. 184.

Sufficiat) Filii consensus ideo non requiritur, quia nec deteriore facit conditionem suam, quippe qui iam antea patris potestati sub-

subiectus, et praeterea in dominio patris constitutus est. Dominum autem etiam inuitum rem alienare posse, nullum est dubium.

§. 185.

Fiebat) Immo nec procurator poterat interuenire, ob ea, quae de legis actionibus et actibus legitimis adnotauimus supra §. 70. Quamuis ergo hodie actiones eiusmodi legis fere ignoremus: conclusiones tamen, quae inde promanant, etiamnum in uiridi sunt obseruantia.

§. 186.

Extraneos) Sequutus est Iustinianus praesumptionem naturalem, secundum quam in auum non cadit suspicio, eum liberos priuatos uelle hereditate. Extranei contra paullo frigidius amant aliorum liberos, adeoque facilius adduci possunt, ut eos emancipent, uel exheredes scribant. Eo casu uero adoptiuus plane excideret utriusque parentis hereditate.

§. 187.

Alumnos) Quod falsum esse uel inde apparet, quod eiusmodi adoptiui et in Germania ab intestato succedunt, et non pro arbitrio expelli possunt domo et familia, cum utrumque in alumnis plane aliter sese habeat. Inde dicendum, per adoptionem apud nos non quidem patriam potestatem iuris Romani, sed tamen iuris Germanici omnino transferri.

§. 188.

§. 188.

Cognitione) Ex quo patet, eiusmodi unionem prolium fieri non posse priuatim, multo minus coram parocho uel notario, sed semper requiri competentiam iudicis, quia causae cognitio et decretum sine tribunali non intelligitur.

TIT. XII.

QVIBVS MODIS IVS PATRIAE
POTESTATIS SOLVITVR.

§. 190.

Quiritarium) Id non sine ratione additur, quia dominium non solum modis naturalibus amittimus, sed et modis lege ciuili definitis, e. g. capitis deminutione, mancipatione, cessione in iure, quos modos omnes ius naturae ignorat.

§. 191.

Recidere) Conferri hic meretur *L. 198. §. 2. D. de uerb. signif.* ubi ex instituto docetur, quomodo mortuo parente, singula capita singulas familias inchoent. Ceterum cum apud nos filii ducentes uxorem tacite plerumque exeant patria potestate, rarior apud nos casus est, quod nepotes sint in potestate aui, et mortuo demum auo in patris potestatem recidant.

§. 191.

Filii) Tunc uero amittitur quidem patria potestas iuris ciuilis, non autem iuris gentium.

um. Quin et illa restituitur, si quis a republica plenam restitutionem impetrarit. *L. 1. C. de sentent. pass. et restit.*

§. 192.

Soluat) Quamvis enim filius familias in causis publicis pro patre familias habeatur *L. 9. D. de his, qui sunt sui uel al. iur.* magna tamen differentia est inter duas hasce locutiones, *in causis publicis pro patre familias haberi*, et *propter dignitatem uel causam publicam patrem familias fieri*. Prius uerum est, non autem posterius.

§. 193.

Patriciatus) Cum enim patricii essent primarii Imperatorum administri, quos ueluti patres uenerabantur principes, parum conuenire eorum dignitati uidebatur, quod adhuc subesse tenerentur patriae potestati. Ludit in hanc fictionem *CLAUDIAN. in Eutrop. II, 49.*

Ereptas quid plangis opes, quas natus habebit?

Non aliter poteris principis esse pater.

§. 194.

Liberos) Et quidem ter, quia ter uenumdatus et manumissus deinde immunis a patria potestate erat. §. 138. Ut tamen non emtor filii imaginarius, sed pater naturalis iura patronatus retineret, hic tertiae uenditioni addebat pactum, ut emtor sibi filium remanciparet, quo facto ipse pater illum remanumittebat.

§. 197.

§. 197.

Voluit) Tales emancipationes hodiernum fiunt non modo in camera imperii, si e. g. pater aduersus filios uelit actionem instituere, sed et in emporiis potissimum, ubi patres plerumque emancipant liberos, si ab his officinam uel tabernam mercatoriam uelint institui.

§. 198.

Poenam) Quemadmodum enim in poenam ipsa bona in fiscum redigi possunt, ita et non mirum, si parentes dominio priuentur poenae causa. Quin aliquando euenit, ut et per restitutionem in integrum patria potestas soluatur, si impubes adrogatus, pubes desideret emancipari. L. 32. D. de adopt.

§. 199.

Oeconomiam) Filiae nimirum patria potestate exeunt regulariter per nuptias, quia transeunt in aliam familiam, filii autem per seperatam oeconomiam, si sua quadra uiuere incipiunt, quia tunc finis patriae potestatis cessat, nempe educatio.

§. 200.

Actis) De his liberis MEVIUS commendat axioma: *liberi separati pro mortuis habentur*. Id quod intelligendum ratione reliquorum liberorum non separatorum. Nam quod ad reliquos agnatos et cognatos attinet, iis non minus succedunt, ac non separati.

TIT.

TIT. XIII. DE TUTELIS.

§. 202.

Tutela) De hac perpetua feminarum Romanarum tutela dissertationem edidit E. V. OTTO, ubi simul originem et naturam tutelae feminarum Germanicarum illustravit.

§. 203.

Potestas) Potestatem hic non intelligimus adquisitivam, ceu uocant I Cti, sed administratoriam, adeoque sensus non est, pupillos ita in potestate tutorum esse, ut hi per pupillos adquirant, sed ut actiones et bona eorum dirigere et administrare possint. Vid. L. 215. D. de verb. signif.

§. 204.

Publicum) Non uero officium, siquidem hoc et sponte obimus, et illud consequuti dignitate quadam augemus, et denique salari-um consequimur, quae omnia secus se habent in muneribus publicis, de quibus eleganter differit C. VIACIVS Paratitl. D. tit. de mun. et honor.

§. 205.

Suscipiant) Obstare hic uideri posset L. 21. D. ad leg. Iul. de adult. ubi dicitur, in sua potestate non uidet habere, qui non est suae potestatis. Sed facilis est responsio ex iis quae

quae monuimus ad §. 201. tutelam nempe esse potestatem tantum administratoriam, cum textus loquatur de potestate adquisitiua.

§. 206.

Loquendi) Cum uero haec uitia uel coniuncta sint, uel discreta, hic intelligitur coniunctum, adeoque nihil impedit, quo minus surdus tutor esse possit, modo loquendi facultate polleat.

§. 207.

Detur) Hinc facile patet, impuberi sponsalia celebraturo auctorem fieri debere tutorem, cum in sponsalibus minorennium consensu curatorum non sit opus. Quin ex eo quoque colligendum, si pacta dotalia celebrent impuberes et minores, tum tutorum tum curatorum consensum requiri, quia tunc de re agitur. Vid. *L. 8. C. de nupt.*

§. 209.

Ad fin.) Vnde iure Romano exultat tutela pactitia, quia omnia pacta successoria eo iure prohibita erant *L. ult. C. de pact.* Nec obstat §. 9. *Inst. de excus. tut.* Non enim ibi dicitur tutorem pacto posse constitui, sed si testatori patri promiserit se tutorem fore, nullam tunc admitti eius excusationem.

TIT. XIII.

QVI TESTAMENTO TUTORES DARI POSSINT.

§. 210.

Confirmatio) Quamvis enim alias heres institui non possit codicillis, ac proinde colligendum inde uideatur, nec tutorem hoc modo dari posse: aliud tamen propterea placuit, quia haec tutela quodammodo fideicommissum aequiparari potest, quod codicillis quoque relinqui posse, nemo dubitat.

§. 212.

Futuri) Fluit hoc ex regula notissima, quae in *L. 2. D. de stat. hom.* occurrit, nasciturum, quoties de eius favore agitur, pro iam nato haberi. Si tamen pater generatim liberis tutorem constituerit, plures existimant, non ideo statim intelligendos etiam esse postumos, quia his per praetorem prospici potest.

§. 213.

Incerta) Quamvis enim hereditas hodie relinqui possit personae incertae, dummodo ex post facto certior fieri possit: in tutoris tamen datione id indulgere noluerunt legislatores, quia personae industria eligi debet, id autem fieri nequit in persona incerta.

§. 215.

Magistratus) Confirmatio hic accipitur pro eo actu, quo defectus, quo laborat alias negotium,

tium, a magistratu tollitur. Quo sensu hoc uerbum accipitur in *L. 57. D. de rit. nupt.* itemque in *L. 38. D. de adopt.* Vnde haec confirmatio a nostri temporis confirmatione plane differt.

§. 216.

Dederit) Pater enim semper praesumitur optimum consilium pro liberis capere: ea uero praesumptio non statim cadit in matrem uel extraneos. Vnde non mirum, datos ab his tutores non nisi cum inquisitione confirmari.

TIT. XV.

DE LEGITIMA AGNATORVM TUTELA.

§. 218.

Agnati) Solon hic aliter philosophabatur, et tutelam cognatis, administrationem bonorum agnatis deferrebat, quia hi facile ueniunt in suspicionem, quod habere hereditatem malint, quam exspectare. Vid. SCHILTER. *Prax. iur. Rom. ad b. t.*

§. 220.

Gentiles) Hi ita differunt, quod agnati sint ex eadem linea, gentiles ex eadem gente, sed ex diuersis lineis: unde agnati habebant unum cognomen; gentiles contra unum tantum nomen, a gente nimirum, ex qua descenderunt.

Nanciscantur) Quod tamen secus se habet in Saxonia, ubi iidem agnati excludunt cognatos, ex pluribus tamen eiusdem gradus senior reliquis praeferitur.

§. 221.

Soleat) Beneficiis enim suis iuratō non renūciat mulier, nisi quoties pro marito intercedit contra *Auth. Si qua mulier C. ad p. C. Velleian.* Necessaria tamen est certioratio, quam uocant practici, ut mulier doceatur, in quonam iura mulierum consistant.

TIT. XVI.

DE CAPITIS DEMINVTIONE.

§. 224.

Mutatio) Caue uero hic intelligas statum dignitatis, (eo enim amisso nemo capite minuitur) sed statum libertatis, ciuitatis et familiae DONATVS ad TERENT. *Eunuch.* III, 7, 35. obseruat, Terentium hos tres status eleganter coniungere in uno hoc uersu.

Dico eam esse liberam, ciuem Atticam, meam sororem.

§. 225.

Oportet) Sunt tamen loca, ubi duplex tantum statui uidetur capitis deminutio.

D 2

Sed

Sed iam GER. NOODT. *Probabil. I, 12. et Obseru. II, 21.* obseruauit, saepe ueteres tri-
membrés diuisiones commutare in bitem-
bres, et tunc duo priora membra in unum
contrahere.

§. 226.

Poenae) Cum enim lex Porcia et uerbera
et supplicia capitalia a ciue Romano abesse
iussisset, teste LIV. X, 9. fingeabant Roma-
ni, eos, quos capitis damnabant, per ipsam
feralem sententiam libertate priuari, fernof-
que poenae fieri, ut supplicio affici possent.
Vid. GER. NOODT. *Probabil. III, 12.*

§. 227.

Relegati) Hi ergo et ciues manebant,
omnesque facultates saluas habebant, cum
utrumque secus sese haberet in exsulibus.
Hinc de edicto Augusti Caesaris OVID.

Quippe relegatus, non exsul dicor in illo.

§. 229.

Idem sit) Minimam ergo adhuc patiuntur
arrogati et legitimati, quia homines sui iuris
esse desinunt: non autem emancipati, quia
apud nos cessat imaginaria ista uenditio, ob
quam capite minui dicuntur iure ueteri in L.
3. §. 1. D. de capis. minus.

TIT. XVII.

DE LEGITIMA PATRONO-
RVM TUTELA.

§. 232.

Extra usum est) Si enim hominibus propriis, eorumque liberis, tutore opus est: id munus non ipse nobilis suscipere solet, sed alium ex propriis hominibus constituit tutorem, tamquam dominus iurisdictionis: unde haec tutela apud nos nullius usus est.

TIT. XVIII.

DE LEGITIMA PAREN-
TVM TUTELA.

§. 235.

Fiducia) Fiducia haec erat pactum tertiae uenditioni uel mancipationi adiectum, quo pater ab emtore filii sibi stipulabatur, ut uenditum filium sibi remanciparet, id est, retro uenderet, ut ipse potius manumitteret, quam emtor, et sic in filium iura patronatus retineret. Conf. celeb. CONRADII *Dissertat. de pacto fiduciae.*

§. 236.

Reliquiis) Cuius fundamentum reuera est successio, quae patri debetur tamquam proximo agnato. *Nou. CXVIII. c. 2.* Id uero singulare est in Germania, quod ibi pater possit esse

esse tutor filii etiam non emancipati, quoties hic habet bona materna uel alia aduentitia.

TIT. XVIII.

DE FIDUCIARIA TUTELA.

§. 238.

Ad finem) Frater fratrum uel sororum tutelam hodiernum aliquando suscipit. Nec negandum est, tutelam tunc esse legitimam: attamen non fiduciaria est, quia non proficitur ex iure patronatus, sed legitima agnatorum.

TIT. XX.

DE ATILIANO TUTORE, ET EO, QUI EX LEGE IULIA ET TITIA DATVR.

§. 239.

Dantur) Vnde rectius dicitur, tutorem testamentarium, a magistratu confirmatum, manere testamentarium, quia per confirmationem tollitur uitium testamenti: sublato uero uitio tutor testamento iure datus censetur. Qui iure testamento dati sunt testamentarii. L. 3. §. 1. D. de testam. tutel.

§. 204.

§. 240.

Lege) Neque enim omnes magistratus dabant tutores, sed illi demum, quibus speciali lege hoc demandatum erat. Vnde etiam tutoris datio dicitur actus iurisdictionis extraordinarius. Vid. infra §. 1324.

§. 241.

Ad finem) Differunt hae leges in eo, quod Atilia pertineret ad pupillos urbanos, Iulia et Titia ad prouinciales. Illis tutores dabant cum maiore parte tribunorum plebis, his prouinciarum praesides, praeter Siciliam, cui ipsi quoque praetores praeesse solebant, quod et de Sardinia, Hispania, et Gallia dicendum. L. 2. §. 32, D. de orig. iur.

§. 242.

Data est) Hodie tutoris datio ordinariae iurisdictionis est, adeoque cuius magistratui competit in territorio suo, quamuis non omni sed civili saltem iurisdictione polleat.

§. 243.

Mandari) Ratio est, quia actus extraordinariae iurisdictionis mandata iurisdictione non transferuntur. Obiici posset §. 4. *Inst. b. t.* ubi magistratus dicuntur tutores dare iussu praelidum: sed satis notum est, iussum a mandato quam maxime discrepare. Hodie experientia docet, iustitarios, quos uocant, etiam tutores dare, quamuis mandatam tantum habeant iurisdictionem.

§. 244.

Ad finem) Vnde praeclare HUBERVS in *Praelect. ad b. t.* §. 2. hanc tutelam datiuam distinguit in perpetuam et temporariam, quorum illa locum habet, quoties nec testamentarius, nec legitimus adest; haec, quando adest quidem, sed ita, ut administrare non possit propter aliquod impedimentum.

§. 245.

Conditione) De conditione tamen hic non habetur, quod exprimit praetor, cum per se iam intelligatur, e. g. do te tutorem si satis dederis. Quin hodie haec tam scrupulose non solemus obseruare.

§. 246.

Constituendi) Est haec conclusio ex principio Germanorum, quod principes et magistratus sint supremi pupillorum tutores. Interest ergo eorum, ne inhabiles suscipiant administrationem.

TIT. XXI.

DE AVCTORITATE
TUTORVM.

§. 248.

Agit) Nondum enim infans pro persona haberi potest, quia nondum pollet usu rationis. Contra infantia maior dimidia saltem persona est. Id uero, quod deest personae, omnino

omnino supplendum est per tutorem, quod dum facit, auctoritatem ab augendo dictam interponere dicitur.

§. 250.

Ad finem) Hodie cum non amplius haereamus actibus legitimis, tutores auctores etiam absentes fieri possunt, etiam per epistolam, immo et eo intervallo per ratihabitionem, modo uerus adsit tutoris consensus, qualis etiam an sit obdormientis, eleganter disquiritur *L. 14. D. b. t.*

§. 251.

Licet) Ceterum meliorem hic facere conditionem suam dicitur, cui alius obligatur, deteriorem, qui se alteri obligat. Vnde facile patet, cur pupillus sine tutoris auctoritate ne tunc quidem adire possit hereditatem, quando ista lucrosa est. §. 1. *Inst. b. t.*

§. 252.

Pupillum) Nec interest, in bona fide sit pupillus, an in mala. Vna tantum est exceptio, si pupillus ex huiusmodi contractu factus sit locupletior: tunc enim omnino tenetur ex regula quasi contractuum: *nemo debet cum alterius damno locupletior fieri.* Vid. *L. 5. D. b. t.*

§. 253.

Legatariis) Habes hic duplex obligationis fundamentum. Creditoribus enim heres obligatur ex uero contractu, quem defunctus iniit, e.g. mutuo, deposito, legatariis autem

et fidei commissariis ex quasi contractu aditionis. Vnde nascitur actio personalis ex testamento. Vid. infra §. 985.

§. 255.

Pupillum) Quod hodie fieri non potest, quia lis inter tutorem et pupillum est iusta causa et excusationis, et remotionis, etiamsi lis tantum imminet.

§. 256.

Proximus) Immo hodie uix ullum discrimen est inter tutorem et curatorem, quia maiores nostri inter hos non distinxerunt, immo ne uocabula quidem habuerunt, quibus hos distinguerent. Vid. G. BEYER. Dissert. eleg. de bodierna tutor. et curat. differrent.

TIT. XXII.

QVIBVS MODIS TVTELA FINITVR.

§. 258.

Succedant) Quod uel inde patet, quia heredes a tutore testamento instituti eius tutelam non accipiunt. Id quod fieri necesse esset, si tutela transfiret ad heredes.

§. 259.

Media) Minima non item, quia et filius familias ratione munerum publicorum pro patre

patre familias habetur, et sic tutor esse potest. Nec obstat *L. 29. D. de excusat.* nam ibi sermo est de excusatione necessaria, quae tutelam impedit, si uel maxime uelit tutor esse.

§. 261.

Finiatur) Non autem legitima, quia illi in lege nulla conditio, nullusque dies adiectus est. Multoque minus hoc pertinet ad tutelam datiuam, quae est actus legitimus, adeoque nec diem, nec conditionem admittit. §. 255.

§. 263.

Ad finem) Quamuis ergo hae actiones ratione finis et effectus maxime differant: tamen in eo conueniunt omnes, quod sint famosae, adeoque tutor ob dolum admissum infamis fiat, quia et quasi contractus tutelae famosus est. *L. 1. D. de his, qui not. infam.*

§. 264.

Cognatorum) Ergo rarior apud nos est actio tutelae, nec ea tamen penitus exoleuit, sed et hodie institui potest, si tutor finita tutela rationes nondum reddidit, quod magistratuum conniuentia saepissime accidere solet.

TIT. XXIII.
DE CVRATORIBVS.

§. 265.

Procurator) Differunt tamen hodie, quod procurator non intelligitur sine mandato domini, cum curatorem accipiant, etiam qui non possunt mandare, e. g. furiosi, immo etiam ignorantes, ueluti absentes.

§. 267.

Curator) Cum tutorem habenti tutor dari non possit. Ratio est, quod quia ista officia circa obiecta diuersa uersantur, omnino simul et una locum habent, quo personae defectus suppleatur. Ceterum supra uidimus, eiusmodi curatorem dari debere, si pupillo cum tutore controuersia intercedat Vid. §. 255.

§. 268.

Furiosi) Quamuis uero curatorum horum auctoritas cesset, quoties dilucidum sit furoris interuallum, *L. 6. C. de curat. furios.* non tamen durante hoc interuallo statim tollitur curatela, sed tantum suspenditur, si fortassis suspicio sit, furorem latitare sub specie inumbratae quietis.

§. 269.

Furiosorum) Hinc cautio haec disertis uerbis in XII. tabb. non erat instituta. Icti tamen eam inde elicuerunt per interpretationem

nem extensiuam, quia et prodigi furiosum rerum suarum exitum facere solent.

§. 270.

Curatorem) Hinc minores inuiti olim curatorem non accipiebant, quamuis lege Laetoria cautum esset, ut praetores petentibus adolescentibus curatores darent causa cognita. Vid. IUL. CAPITOL. *Marc. Antonin. c. 12.*

§. 271.

Potest) Vere ergo et iure nouo adolescentes non nisi petentes curatorem accipiunt, quamuis callide Antoninus inuenerit rationem adolescentes per indirectum cogendi, ut curatores peterent, dum scilicet illis rerum administratio non committebatur, priusquam curatorem petiissent *L. 1. §. 3. D. de minor.*

§. 272.

Omnes) HUBERVS in *Praelect. ad b. t. §. 1.* obicit nobis *L. 7. §. 2.* itemque *L. 3. C. de in integr. restit. min.* ex quibus pateat, minores non numquam sine curatore fuisse; sed quamuis id aliquando de facto fiat, nondum tamen statim inde concludendum est ad ius. Conringere enim potest, ut et pupilli sine tutoribus sint, si forte cognati paulo negligentiores sunt in petendis tutoribus.

§. 273.

Confirmatur) Cumque confirmatio sit actus, quo defectus rei tollitur, consequens est,
ut

ut facta hac confirmatione eius modi curator uere sit testamentarius, ob ea, quae diximus supra §. 215. *in fine*.

§. 274.

Tutores) Si tamen curator datur ad bona immobilia administranda, illum dabit non iudex domicilii, sed rei sitae, quia curator non personae, sed rei datur.

§. 275.

Impetraverit) Quae concedi solet adolescentibus, scilicet XVIII. annis non minoribus, qui testimonium a magistratu obtinuerunt uitae frugalis et modestae. Ceterum etiam, qui ueniam aetatis sunt consequuti, aliquando petere possunt restitutionem in integrum, si in alienatione rerum immobilium grauiter sunt laesi.

§. 276.

Utiles) Quemadmodum actiones, quas praetor per interpretationem legis introducit, actiones in factum appellantur. Insigne eius rei exemplum habemus infra *libr. IIII. tit. 3. §. 1094.*

§. 277.

Distinguitur) Vnde hic actor personam suam legitimat non modo mandato a curatore accepto, sed et ipsius curatoris curatorium ad acta dare tenetur. Vnde formula: *Er wolle zur Legitimation seiner Person nicht nur beygehende Vollmacht sub A, sondern auch*

auch seines Constituenten curatorium sub B. ad Acta gegeben haben.

TIT. XXIII.

DE SATISDATIONE TUTORVM
VEL CURATORVM.

§. 279.

Aestimatio) Illud mirabile, in *Recessibus imperii de ann. 1548. et 1577.* non modo exigi cautionem fideiussoriam, sed et simul iuratoriam, cum tamen alias duplici cautione nemo soleat onerari.

§. 281.

Creduntur) Sed obiici posset *L. s. D. de confirm. tut.* ubi legimus, tutorem testamento datum nihilo minus cauere. Sed resp. illo textu tutorem non esse datum a patre, sed a patruo, in quem non cadit tanta praesumptio diligentiae, quantam adhibere solet pater, quoties de filii salute agitur.

§. 282.

Honorariis) Distingue itaque tutores, in gerentes, qui administrant, honorarios, qui inspectionem in reliquos habent, et ad notitiam datos, qui gerentes et honorarios tantum instruunt, quales inter personas illustres sunt consiliarii uiduae adiuncti, die Vormundschafteräthe.

§. 283.

§. 283.

Stipulatur) Cum uero apud nos pactum tantumdem ualeat, quantum stipulatio, et hinc fideiussores non amplius se obligare solent stipulantibus, sed data ad acta obligatione: facile patet, hanc iuris Romani subtilitatem nullius amplius usus esse.

§. 284.

Fideiussores) Et quidem dati semper uidentur in solidum, ac proinde etiam in solidum conueniuntur, nec habent beneficium diuisionis, quod alioquin fideiussoribus competit. Vid. *L. 7. seqq. D. de fideiuss. et nominat.*

§. 285.

Minor) Maior non tenebatur, quia tutores dabat cum inquisitione, ac proinde plane non admittebat fideiussores. Ex quo patet, hodie hanc actionem locum habere aduersus omnes magistratus, qui fideiussores minus idoneos admiserunt.

§. 286.

Vsum esse) Quia scilicet hodie fideiussores non solent dari. Interim actio subsidiaria tunc hodie locum habet, quando magistratus ipsum tutorem parum idoneum dedit, e. g. immobilia non possidentem, uel multo aere alieno oppressum.

TIT. XXV.

DE EXCUSATIONE TUTORVM
VEL CURATORVM.

§. 288.

Prohibet) Verum ergo discrimen in hoc potissimum consistit, quod excusationibus uoluntariis potest renuntiari, necessariis non potest. Sic e.g. ob numerum liberorum potest aliquis tutela excusari, non prohibetur tamen renuntiare huic priuilegio suo. Contra si minorennis uelit tutor fieri, prohibetur omnino, si uel maxime excusatione ista uti nolit.

§. 289.

Sunt) Atqui nascituri alias pro natis habentur. Resp. regulam hanc procedere, quoties de ipsorum nasciturorum commodo quaeritur, hic autem de commodo non liberorum, sed parentum quaestio est.

§. 290.

Principalis) Haec excusatio apud ueteres Romanos erat uoluntaria tantum, quia, quamuis bona fisco iam oppignorata essent, pupillo tamen prospici soleat per fideiussores datos. Hodie autem cum rari sint fideiussores a tutoribus dati, haec excusatio merito pro necessaria habetur. Vid. HUBER. *Praelect. Inst. b. t. et Pand. ad tit. de iur. fisc. §. 2.*

E

§. 291.

§. 291.

Reuerterunt) Vocatur hic annus uacationis, qui etiam ueteranis dabatur, postquam missionem honestam obtinuerant. Immo durante hoc anno uacationis etiam testamentum militare ualebat, ceu ostendimus infra *tit. de milit. testam.* §. 506.

§. 292.

Medici) Etiam circulatores: per quos tamen non intelliguntur circumforanei, sed isti, qui praxin medicam exercent, eiusque causa per urbem circulantur. Eleganter hanc *L. 6. §. 2. b. t.* explicauit AEGID. MENAG. in *Amoenit. iur. ciu. c. 35.*

§. 293.

Paupertas) Et talis quidem, ut periculum sit, ne esuriat tutor, si tempus tutelae administrandae impendere deberet. Cum uero olim haec excusatio esset uoluntaria, quia quis dare poterat fideiussores, hodie pro necessaria habetur, quia ipsi non sunt facultates, in quibus pupillus habere posset tacitam hypothecam.

§. 294.

Cupiant) Facile enim est ad existimandum, tutorem eiusmodi hominibus sermonem de se daturum, ac si ideo tantum tutelam suscepissent, ut uindictam capiat a pupillo, quam intercepit mors parentis. Quin facile posset contingere, ut quis ideo eum suspecti accusatione fatigaret, quod itidem famam honesti uiri sugillat.

§. 295.

§. 295.

Suscipiat) Immo ne sponsus quidem sponsae curator potest fieri, *L. i. §. ult. b. t.* Iure Germanico maritus est regularis curator uxoris suae, et ab hac ipsa curatela est, quod usu fructu gaudeat in omnibus bonis paraphernalibus uxoris suae.

§. 296.

Gesta) Etiam in prouinciis Prussicis per dispositionem *ordinationis tutelaris*. Alias in Germania qui tutor fuit, administrationem etiam tamquam curator continuare solet, ob ea quae diximus §. 278.

§. 297.

Reiiciantur) Aliud ergo, si pro sufficientibus postea declarentur: tunc enim nec periculum ad eum pertinet. Semper enim hic sententia retrahitur ad tempus, quo tutor est constitutus.

§. 298.

Reiectionis) Ratio est, quia appellationi non est locus, nisi ubi quis per sententiam grauatus sit. Sola autem tutoris datio neminem grauatur, sed decretum reiectionis.

TIT. XXVI.

DE SUSPECTIS TUTORIBVS
ET CURATORIBVS

§. 301.

Officio) Obseruatum iam est ab *HYBER. Prael. ad b. t. §. 5.* fidem hic denotare officium.

E 2

Et

Et quamvis alii obiiciant §. 5. *Inst. b. t.* tamquam suspectum remoueri posse, etiam qui nondum tutelam susceperit, resp. tamen, et id contra officium esse, quia ad officium tutoris pertinet gerere.

§. 303.

Mandatam) Proprie ergo uel ideo non est publicum delictum, quia 1.) nec securitas publica laeditur; nec 2.) supplicium publicum imminet, nec 3.) res in foro criminali tractatur. Quandoquidem tamen promiscue omnes etiam, quorum non interest, suspectum tutorem accusare possunt, merito dicitur quasi publicum crimen.

§. 304.

Contutores, liberti) Et hi quidem ex necessitate tenentur accusare, quia illi alioquin participes sunt periculi, hi tamquam inofficiosi emendantur. In reliquorum arbitrio positum est, accusare uelint, an nolint.

§. 305.

Possint) At non tamen in testamentarios et a maioribus datos magistratibus suspicio cadit. §. 281. Tu responde: non cadere in illos praesumptionem perfidiae et negligentiae, cadere tamen in eos actionem suspecti, si contrarium probari possit, quia omnis praesumptio cedit ueritati.

§. 306.

§. 305.

Reus sit) Nec noua est haec thesis, nec auctori huius libelli propria, quippe quam dudum defenderunt, tum alii, tum HVBERTVS in *Prael. ad b. t. §. 6.* Ratio quoque, cur hoc statuamus, non tantum quaerenda est in *L. 226. D. de uerb. sign.* uerum etiam in eo, quod haec causa proprie non sit criminalis, sed ex tali delicto descendat, in quod ciuilitur animaduertitur. In his uero delictis culpam latam pro dolo esse, locumque habere infamiam, patet ex *L. 11. §. ult. D. de his, qui not. infam.* nec non ex *L. 1. §. 2. D. si is, qui testam. lib. esse iuss.*

§. 307.

Admissum sit) Hoc etiam in aliis causis ciuilibus obtinet, ut quotiescumque incidit quaestio criminalis, res remittatur ad iudicem criminalem, et tantisper suspendatur causa ciuilis, dum criminalis quaestio finita sit, e. g. si in causa cambiali incidat quaestio de falso.

§. 309.

Accusationes) Immo hodie uix per modum accusationis haec causa tractatur, sed plerumque magistratus procedit ex officio, si quis rem per modum denunciationis ad illum deferat.

LIBER II.

TIT. I.

DE RERVM DIVISIONE, ET
ADQVIRENDO EARVM
DOMINIO.

§. 311.

Refertur) Eo sensu et Graeci omnes hominis facultates, quae pecunia aestimari possent *χρηματῶς* uocantur, obseruante hoc ARISTOT. *ad Nicomach.* III, 1.

§. 313.

Iuris) Res diuini iuris pertinebant ad notionem pontificum, humani iuris ad notionem magistratus. Sic e.g. si de uendendo agro in usum sepulturae quaestio esset, ea a magistratu decidebatur. Sin de transferendis reliquiis quereretur, res referenda erat ad pontifices, quorum munia postremis temporibus princeps ad se traxit.

§. 314.

Consecratae) In hoc consistit essentia rerum sacrarum. Hinc est, quod is pro sacrilego non fit habendus, qui pecuniam in templo reconditam suffuratus est, quia pecunia ita consecrari non solet. Contra pro sacrilego habetur, qui rapuit calicem, uel alia uasa sacra, quia ista ex principiis iuris canonici consecranda sunt.

§. 315.

§. 315.

Liberata sint) De qua superstitiosa sacrorum euocatione ritibusque in ea obseruatis elegantes exstant dissertationes HENR. COCCÉI esto G VIL. BERGERI.

§. 316.

Faciebat) Vnde recte obseruat GELLIVS *Noct. Attic. IIII, 9.* religiosum dici locum a relinquendo, quia ager, in quantum religione occupabatur, non colendus, sed relinquendus erat. Hinc in epitaphiis Romanorum certum designari uidemus pedum numerum, quantum locus religiosus sit in porrectum et in frontem.

§. 317.

Posse) Quae hodiernum solet institui in consistoriis nostris, si quis in alterius sepulcro hereditario cadauera sua sepelierit, cum nec possessionem, nec ius pro se allegare possit.

§. 319.

Plectendos) At mitiora sunt nostra saecula, quibus distinguitur, munimenta quis uiolarit, an alterius oppidi moenia, itemque utrum id hostili animo fecerit, an alia de causa. Immo quod apud nos etiam principum palatia, aliaque aedificia publica, poenali quadam sanctione muniri solent, quam uocant den fürstlichen Burgfrieden. Vid. IOH. SAMSTRYKII *Dissertatio de sanctitate residentiarum Principis.*

§. 321.

Cognitione) Pro alienatione etiam habetur infeudatio. Ex eoque colligunt canonistae, ne episcopum quidem sine capituli consensu infeudare posse praedium ecclesiasticum, nisi sit res infeudari solita.

§. 323.

Commercio) Hinc frequentissime uideas, sepulcra hereditaria titulo emtionis a familia in familiam transferri, quamuis non temere quisquam eius modi sepulcra in alium usum concessurus sit, ipsa suadente quodammodo pietate, ne sepulcorum ibi cadauerum cineres minus reuerenter habeamus.

§. 324.

Singulorum) Fundamentum huius diuisionis in philosophia Stoica quaerendum, secundum quam ciuitates uel respublicae diuidebantur in *uniuersalem maximam* Deorum et hominum; *maiores* integrarum gentium; et *minores* denique societatum minorum, uel uniuersitatum. Cum ergo ciuitates debeant habere sua bona, eaque ad uniuersalem pertinebant, uocabant *res communes*; quae ad maiores, *publicas*; quae ad minimas, *uniuersitatis*.

§. 326.

Maris) Id tamen hodie omnino mutatum, quia et maria sunt in dominio principum et rerumpubl. et littorum usus non promiscue
omni-

omnibus conceditur, adeo ut Angli a Batauis retia exsiccantibus canonem aliquem exigere soleant in recognitionem domini.

§. 327.

Vniuersitate) Saltem non gratuitus; sic saepe et molae pertinent ad patrimonium vniuersitatis, et singuli ciues uti quidem mola possunt, immo non numquam tenentur; sed obstricti tamen sunt ad mercedem praestandam.

§. 328.

Vindicant) Populus enim pleraque haec imperantibus concessit, partim quia commode diuidi non potuerunt, partim quia si singuli his rebus uti uoluissent, procul dubio tunc in abusum degenerasset, periculumque fuisset, ne integrae species creaturarum extingueretur.

§. 329.

Fictionem) Quia ideo opus fuit, ne, si hereditates iacentes plane extra dominium esse censerentur, quilibet sibi sumeret libertatem, illas pro arbitrio expilandi.

§. 330.

Ignorat) Quod uel ex eo patet, quod illud ius civile de actionibus tum personales, tum reales. Plerumque tamen ius in re uocat potius *ius in rem*, ius ad rem uero uocat *ius in personam*.

§. 333.

Possidentem) Idem attributum quibusdam etiam actionibus personalibus competit, quae tunc uocantur *in rem scriptae*. Recensuimus illas infra §. 1146. in *schol.* Sunt nempe tales actiones, Paulliana, quod metus causa, noxales, ad exhibendum, et aquae pluviae arcendae.

§. 334.

Nequeat) Quin recte obseruauit BORNIVS in *dissert. de iure in re*, absurde quaeri, sitne possessio ius in re, an ad rem, cum haec diuisio proprie pertineat ad iudicia petitoria.

Nihilominus tamen facile demonstrari potest, analogiae iuris repugnare thesin, quae possessionem iuribus in re accenset, modo conferas §. 333. et consideres, an possessio ista attributa habeat.

§. 335.

Disponendi) Haec uero dispositio tria potissimum iura complectitur, 1.) ius alienandi, 2.) ius omnes fructus percipiendi, ac 3.) ius excludendi alios usu eiusdem rei. Quod ultimum differentiam specificam facit inter dominium et communionem.

§. 336.

* *Quiescens*) Exceptus tamen est casus, si maritus ad inopiam uergat. Tunc enim et constante matrimonio uxor potest dotem repetere.

petere, ea tamen lege, ut non modo se ipsa exhibeat, uerum etiam marito usumfructum non deneget, si ad meliorem fortunam peruenerit.

§. 337.

Dicitur) Differunt haec iura, quoad uasallus obstrictus est, ad fidelitatem, emphyteuta ad canonem soluendum, superficiarius denique ad solarium praestandum, et quidem non tamquam mercedem, sed in recognitionem dominii; unde et haec pecunia non solet fructibus proportionata esse.

§. 339.

Habilis) Praeterea etiam requiritur causa perpetua et irreuocabilis, adeoque dominium transferri non potest per mortis causam donationem, quam diu donator uiuit. *L. 13. pr. D. de mort. caus. donat.*

Adiudicato) Hic distinguendum, an mihi res adiudicata sit ex iudicio familiae heriscundae, communi diuidendo, et finium regundorum, an uero ex alia actione. Priore casu statim sum dominus etiam sine traditione; posteriore adiudicatio mihi tantum attribuit titulum, non ipsum dominium.

§. 340.

Nanciscimur) Vnde modi acquirendi iuris naturae et gentium sunt uniuersales, et apud

apud omnes gentes iidem: contra qui ex iure ciuili nascuntur, aequae uariant, ac ipsum ius ciuile, quod uel exemplo usucapionis patet.

§. 341.

Traditio) Ex quo simul patet, iure naturae ne posse quidem esse, plures acquirendi modos. Aut enim rem adquireo nullius, aut iam in dominio constitutam. Si nullius: tunc uel substantiam adquireo, uel incrementa; priore casu erit occupatio, posteriore accessio; et si dominium ab uno in alterum transfertur, traditio.

§. 342.

Abiecta) Intelligitur hic uoluntas rem derelinquendi. Nam si quis intellectu suo ratiocinatur, se rem numquam recuperaturum, ac proinde omnem spem abiicit, non ideo statim rem pro derelicta habuisse censendus est. Quod in primis obseruandum circa bona naufragorum.

§. 343.

Simul) Et tali quidem, qui rei naturae conuenit. Hic cum Antrii et Chalcidenses occupare uellent Acanthum, et illorum legatus iaculum prior misisset in portam, horum uero legatus prior portam ipsam occupasset, et Antrium exclusisset, merito dicendum est, Chalcidenses occupasse urbem. Historia

storia est apud PLVTARCH. in *Quaest. Graec.* 30.

§. 345.

Nullius sunt) Nisi leges publicae obstant. Plerisque enim locis ferae, adeoque et ius uenandi illas, cesserunt principi, adeoque nemo uenari potest, nisi cui princeps concessit, siue per inuestituram, siue per modum priuilegii.

§. 346.

Alienis) Quod hodie non amplius obtinet, nisi quod uulneratam feram etiam in alienum fundum persequi possum. Ceterum ius in hac 2. conclusione propositum etiamnum locum habet in persecutione examinum.

§. 347.

Recuperare) Adqui seruus fugitiuus non dicitur recuperare libertatem pristinam, sed potius furtum sui ipsius admittere. Ratio in promptu est, quia fugitiuus scit, se ad alium pertinere, ac proinde fraudulenter se subtrahit alterius dominio: de fera autem bestia haec dici nequeant.

§. 348.

Ceperint) Quo etiam pertinent naues, quae sumtibus priuatorum armantur, ut res hostiles intercipient, quae uocantur hodie *Capers*, *Commissahrer*. Quidquid enim in suam redigunt potestatem, istud iure sibi uindicant, modo

modo legitimam portionem praestent collegio nautico.

§. 349.

Postliminii) Id probabiliter inde nomen habet, quia bello capti, si sese in libertatem vindicassent, domum reuersi, non per fores ingrediebantur aedes, (quippe quod mali ominis uidebatur) sed per influuium post limina sese in aedes immittebant. Vid. PIVTARCH. *Quaest. Rom.* 5. it. MENAG. *Amoenit. iur. civ. c.* 39. Vnde non minus probabilis est etymologia Iustiniani, quati postliminium dicatur a *post* et *limen*, §. 5. *Inst. quib. mod. ius patr. pot. solu.*

Obtinet) Et quidem non modo in personis, sed et in rebus, et omnibus quidem, praeterquam armis, quippe quae turpiter amitti a militibus censebantur.

§. 350.

Inuenta) Immo et alia in dominio alterius nondum constituta, quo et metalli fodinas pertinuisse iure Romano, patet ex *L. 7. §. 3. seqq. D. solut. matrim.* sed hodie haec maximam partem in principis fiscum influunt, ex quo receptum est principium Iuris publici, omnia *adversaria* ad principem pertinere.

§. 351.

Inuentus) Quid uero si operarii ad cellam excauandam conducti thesaurum in fundo meo repperint? hi quoque dimidiam partem suo iure sibi uindicant, partim ob *L. 66. D. de rer. diuis.* partim quia eorum operas non ad inueniendos thesauros, sed ad cellam euacuandam conduxit. Vid. BYNKERSHOEK. *Obseru. II, 4.*

§. 352.

Auth. Nauigia C. de furt.) Haec authentica non est ex iure Romano, sed lex Friderici II. imperatoris; cum enim ante eius tempora pleraeque gentes sibi uindicarent ius colligendi bona naufragorum: hic Imperator illud abrogauit in Germania, nec non in Italiae prouinciis plerisque, quae sub eius potestate erant.

§. 353.

Venationes) Obseruauit auctor *Speculi Saxonici II, 6.* quod in feris, piscibus, auibusque non possit admitti eius modi furtum, quod laqueo puniatur, eiusque rei rationem hanc reddit, quod Deus sub mundi primordia potestatem homini dederit in omnia animalia; enim uero eodem modo probare posses, nullum plane furem capitis esse damnum. Vera ergo ratio haec est, quia fures ferarum, auium, pisciumque alienam custodiam non inuadunt.

§. 354.

Diuiditur) Equidem binembrem hanc diuisionem multi faciunt, ac proinde omitunt mixtam. Vid. HUBERVS in *Pract. ad b. t. n. 32.* Sed cum mixta ab industriali, et causa et effectu differat, merito singularem accessionis speciem constituit.

§. 355.

Nata) Ergo huc non pertinet casus, si ager, qui iam antea existit, diuergente fluuio in insulae formam redigitur, sed si noua insula in flumine emergit, quae antea non apparebat.

§. 356.

Nati) Generalis enim est regula, extra matrimonium semper respiciendum esse ad matrem, quia leges nostrae patrem non statuunt, nisi quem iustae nuptiae demonstrant, *L. 19. D. de stat. hom.*

§. 357.

Accedere) Hodie tamen potius princeps, cuius flumen est, insulam quoque sibi uindicare solet. In Geldria, teste LAMB. GORIS *Aduersar. III, 24.* unusquisque potest nouam insulam occupare, modo cum onusto plaustro in illa exscendat, ibique poculum uini hauriat.

§. 358.

* *Arcifiniis*) Agrum aliquem non esse arcfinium et inde discimus, si inter illum et flumen sint aggeres, uel uiae publicae. Tunc enim

enim quod per alluuiionem accedit, pertine
uel ad rempubl. ueluti in Frisia die Billante,
uel ad uniuersitatem.

§. 359.

Mutare) Interim per inundationem exer-
citiū domini suspenditur, ac proinde do-
minus ne piscari quidem potest in illa inunda-
tione. *L. 3. §. 17. D. de adquir. uel amitt. possess.*

§. 360.

Derelicto) Veluti in Ducatu Magdeburgi-
co et Marchia Brandenburgica, ubi non rara
est in litteris inuestiturarum mentio Albis ue-
teris, (*der alten Elbe*), per quod nihil aliud
intelligitur, quam alueus derelictus.

§. 363.

Dignitatem) Enimuero nullum est dubi-
um, quin scriptura saepe multo maioris pre-
tii sit, quam pictura. Ac proinde in praxi
hodie res eius modi adiudicamus illis, quibus
probabiliter ob affectionem res pretiosae sunt,
eosque condemnamus, ut alteri pretium per-
soluant, quia in rebus fungibilibus tantum-
dem est idem. Vid. THOMASII *Dissert. de
pretio affectionis in res fungibiles non cadente.*

§. 364.

Exhibendum) Qui ergo gemmam e. g. in-
clusit annulo, eam debet exhibere, et quidem
in eadem caussa, adeoque non inclusam an-
nulo, sed separatam, simulac uero facta sepa-
ratio,

F

ratio,

ratio, gemma poterit a domino vindicari.
Vid. HUBER. *Pract. ad b. t.* §. 38.

§. 365.

Induplum) Duplum istud exigitur, siue quis bona fide aedificauerit, siue mala, eo tamen obseruato discrimine, quod bonae fidei possessor soluto duplo fit dominus materiae, cum contra malae fidei possessor dominium ideo non consequatur, ac proinde tignum vindicare possit, simulac aedificium iterum dissolutum est.

§. 366.

* *Militat*) Fundamentum uero huius aequitatis est, quod nemo debeat cum alterius damno fieri locupletior. Id quod tamen necessario fieri oporteret, si bona fide aedificans pretio excideret.

§. 369.

Retineret) Et quidem facile est ad existimandum, quid Iustinianum in hanc sententiam adduxerit. Cum enim priore casu forma non ita inhaereat materiae, ut separari nequeat, materiam praeualere existimauit, cum contra formam praetulerit eo casu, ubi ista constanter materiae inhaeret, et deleri nequit, ut non simul deleatur materia.

§. 371.

Vindicentur) Ita Iustinianus ex ea ratione, quod singulae particulae commixtae, in sua substantia durent, aeque ac si pecora Titii
tuis

tuis pecoribus mixta sint. *Dict. §. 28. Inst. b. t.* Enimuero cum pecora mixta facile separari queant, non autem materiae aridae commixtae, ueluti piper et zingiber: aequius est, commiscentem fieri dominum, eumque contemnari ad pretium rei alienae soluendum.

§. 373.

Aestimatur) Quia per radicem arbor succum nutritium attrahit, adeoque re uera substantiae suae incrementum ex terra capit. Ceterum Germani magis respiciunt ad ramos et truncum, quorum situs in sensus quoque incurrit.

§. 374.

Impensis) Et hic quidem nihil interest, siue bona, siue mala fide factum sit. *L. 36. §. ult. D. de heredit. pet.* Nam ne ipse quidem dominus, si fuisset in possessione, messem potuisset percipere, nisi impensas in sationem fecisset.

Egerit) Scilicet in agro uel horto nostro. Alioquin si infita sit amphorae uel urnae, facile una cum ista reddi potest, restitutis tamen impensis.

§. 375.

Iudicant) Hinc si rami communis arboris mihi officiant, et solem intercipiant: arborem subluere possum ex ea parte, qua mea est.

§. 376.

Nostro) Itaque dici potest, naturalem possessionem niti tantum significatione uocabuli grammatica; ciuilem autem iuridica. Nam nec fructus adiudicant Icti, nec interdicta aliaque beneficia dant, nisi ciuiliter possidentibus, i.e. animo sibi habendi.

§. 377.

Faciat) Percepisse autem dicitur naturales, simulac a fundo separati sunt, pensiones praediorum rusticorum, si dies iam uenerit: denique locaria praediorum urbanorum pro rata temporis percipiuntur.

Percipiat) Quamuis enim in §. 35. *Inst. b. t.* bonae fidei possessor fructus suos facere dicatur, *pro cultura et cura*: tamen et naturales curam quamdam exigunt. *Lex* autem 45. *D. de usur.* quam quidam hic urgent, huc plane non pertinet, quia maritus in re a coniuge donata non habuit iustum titulum.

§. 380.

Transfert) GROTIUS *de iur. bell. et pac. II, 12. 15.* docet, solam uoluntatem domini etiam sine traditione transferre dominium. Sed id quidem uerum est iure naturae et gentium, non autem iure ciuili, quod iam ipse imperator obseruauit §. 40. *Inst. b. t.*

§. 382.

Symbolica) Talis etiam est, quae fit per effestationem, de qua singularis exstat tractatus

FRID.

FRID. & SANDE, nec non per scotationem,
cuius mentio fit in c. 2. X. de consuetud.

§. 383.

Facta) Frustra ergo obiiicitur exemplum
creditoris pignus distrahentis. Illa enim di-
stractio non fit nomine creditoris, sed debito-
ris, adeoque dominium omnino transfertur,
si debitor illud habuit. Inde etiam est, quod
euictio non praestanda est a creditore, sed a de-
bitore.

§. 384.

Certae sint) Sed accuratiores negant, mis-
silia adquiri per traditionem, cum commo-
dius haec adquisitio per occupationem expli-
cari possit, ceu patet ex scholio huic §. subiecto.
Quis enim dixerit, pecuniam manere adhuc
in dominio archithesaurarii Electoris, ante-
quam unus ex plebe illam occuparit.

TIT. II.

DE REBUS CORPORALIBVS ET INCORPORALIBVS.

§. 386.

Non possunt) Scilicet quoad rem ipsam in
sensus non incurrunt; nam quod ad usum et
exercitium rerum incorporalium attinet, iste
omnino sensibus percipitur. Vid. HVB. GI-
PHAN. Not. ad Inst. b. t.

F 3

§. 387.

§. 387.

Incorporalis est) Haec observatio insignem utilitatem habet in doctrina de legatis; si enim alicui legata sit pecunia in arca, ea pereunte legatum exspirat; si legata certa pecuniae summa, non exstinguitur legatum, si uel mille fuerint furto subtracti.
L. 30. §. 6. D. de legat. 1.

§. 389.

Constituunt) Quo in primis pertinent fixa iuncta, quibus opponuntur ruta caesa, quae non in usum fundi perpetuum destinata sunt, e. g. sterquilinium in praedio urbano. Quin analogice etiam res incorporales pro immobilibus habentur, si iunctae sunt et inhaereant rebus immobilibus.

§. 390.

Continentur) Adeoque errat, qui universalem sibi hypothecam putat constitutam oppignoratis rebus mobilibus et immobilibus. Aut enim iurium quoque et actionum expressa facienda est mentio, aut praestat, sine enumeratione partium, constituendam sibi curare hypothecam omnium bonorum praesentium et futurorum.

TIT. III.

DE SERVITVTIBVS PRAE-
DIOR.

§. 392.

Tenetur) Iure ergo Romano numquam seruitutes in faciendo consistunt, sed quoties quis se quid facturum promisit in alterius utilitatem, est haec tantum obligatio personalis. Iure tamen Germanico in faciendo consistunt seruitutes, quae uocantur iura bannaria, qualia sunt die Zwangmühlen, Zwangschenken, Zwangbacköfen.

§. 393.

Praedio) Et quidem uel uicino, uel contiguo; seruitutes pleraeque urbanae praediorum exigunt contiguitatem, cum in rusticis aliquando uicinitas sufficiat; contiguitas autem est, quando praedium unum alterum immediate contingit.

§. 394.

Areae) Obseruandum hoc est propter NOODTIUM, qui in *Comment. ad Pand. b. t.* differentiam praediorum rusticorum et urbanorum desumendam putat ex *L. 3. D. de seruit.* ut urbanae sint, quae in superficie uel aedificio consistunt, rusticae, quae in solo. Enimuero cum hortus tam urbanum, quam ru-

sticum praedium esse possit, *L. 198. de verb. signif.* facile patet, non esse hanc genuinam praediorum rusticorum & urbanorum differentiam.

§. 395.

Individuas) Possunt equidem servitutes ad certum modum concedi, et sic diuidi ratione exercitii, e. g. ut alicui ius pascendi sit alternis diebus. Ipsa uero servitus tamquam res incorporealis diuisionem non admittit, hinc frustra desiderant coheredes, ut servitus uiae inter eos diuidatur.

§. 396.

Nascatur) Duae tamen sunt exceptiones, 1) si servitus mihi constituta per ultimam uoluntatem, 2) si ea sit negatiua. Vtroque enim casu ius in re adquiri sine traditione, ostendimus supra §. 339. *schol. 2.*

§. 397.

Reficiendum) Ratio est, quia alioquin servitus in faciendo consisteret, id quod naturae servitutum repugnare iam supra diximus. Excipiunt quidem uulgo servitutem oneris ferendi quam ideo uocant irregularem uel anormalam, sed ne hanc quidem a regula discedere, ostendemus §. 401.

§. 400.

Tenetur) Non ergo confundenda est haec servitus cum altera tigni immittendi, quia
hac

hac constituta tantum aliquot tigna, illa ipsum aedificium in pariete meo requiescit.

§. 401.

Ordinarie) Itaque obseruandum, *L. 13. D. de seruit. praed. urb.* in qua reficiendi onus penes dominum praedii seruientis esse dicitur, intelligendam esse de casu, si tale pactum inter contrahentes intercesserit. Lex enim aedum in hac lege idem est, ac pactum uel conditio, quae contrahentibus placuit.

§. 402.

Tignum) Per tignum autem hic non solum trabs intelligitur, sed quaelibet materies, qua ad aedificandum uti solemus, e. g. lapides, ferrum, cet. *L. 1. §. 1. D. de tign. iunct.*

§. 404.

Relinquere) Qua seruitute maxime opus est iis locis, ubi aquae est penuria, quale exemplum de Africa et aqua ibi uenali habemus *L. 14. D. de alim. uetrib. leg.*

§. 405.

Nequeat) Falsa ergo est aedificatio glossatorum, quod uicinus teneatur aedes suas altius tollere, (sic enim seruitus consisteret in faciendo.) Falsa etiam sententia *PAGENSTECH.* quasi uicinus pari teneatur, ut aedibus eius contignationem imponam, ita enim esset seruitus oneris ferendi; sed sola ista explicatio, quae in paragrapho data est, principis iuris consentanea habetur.

F 5

§. 406.

§. 406.

Servitus) Non intelligi possunt hae servitutes tamquam exceptiones, nisi prius intelligamus regulam. Haec autem talis est: *quisque potest in pariete suo tot fenestras aperire, quot lubet; sed et vicino licet contra aedificando eas pro lubitu obstruere.* Si ergo fenestras in alieno pariete habere uelim, opus est servitute luminum: sin impedire uelim, ne alter obstruat; constituenda est servitus, ne luminibus officiat.

§. 407.

Ad finem) Differunt ergo hae servitutes a superioribus, quia hic licet fenestras apertas habere, ibi clausas tantum, item quod servitus prospectus constitui etiam possit ab eo, qui aedes suas remotiores a nostris habet; luminum autem a vicino tantum; denique tertio quod servitus luminum arboribus non impediatur, prospectus autem impediatur. *L. 16. D. de servit. praed. urb.*

§. 408.

Ius uebundi) Vnde etiam Germanice vocatur: *Der Fahrweg.* In quibusdam editionibus est: *eundi*, quod tamen uel id eo falsum, quia sic nulla esset differentia inter iter, actum, et uiam.

§. 409.

§. 409.

Iri anfractum) Additur in L. 7. D. *de seruit. praed. rustic.* hastam porrectam eo referri posse. Sed prouerbialis haec est locutio, qua indicatur, tantam esse debere viae altitudinem, ut hasta porrecta uel plaustrum onustum eo duci possit, adeoque et rami arboris eo usque recte coerceantur.

§. 411.

Ius pascendi) A quo quam maxime differt ius compascui, (*die Koppeltweide*), quippe quod non est seruitus, sed mutuum precarium tantum, ac proinde pro lubitu potest reuocari. Id quod de iure conueniendi, (*der Koppeljagd*), similibusque obseruandum.

§. 413.

Impedit) Et quidem in perpetuum, e.g. si quis aedificium eo loco exstrui passus est, quo uehere solebat. Opus enim temporarium non statim sufficit ad eius modi remissionem praesumendam.

Absentes) Obseruanda adhuc duo: 1) quod in seruitutibus praediorum urbanorum non sufficiat non usus, sed ex altera parte etiam requiratur usucapio libertatis, 2) quod hodie in praxi plerumque distinguatur inter seruitutes continuas et discontinuas, et hae immemoriali demum tempore expirare dicantur.

TIT.

TIT. III.
DE VSVFRVCTV.

§. 415.

Fructum) Potest etiam haec differentia constitui, quod uti dicimur re non fungibili, abuti autem fungibili tantum, i. e. ea, quae mensura, numero et pondere constat.

§. 416.

Fruendi) Hinc ususfructus cum dominio plane non est coniunctus, quemadmodum emphyteusis, feudum, superficies. Nihilominus tamen observavit SCHILTER. *Exercit. XIII. ad Pand. §. 19.* iure Germanico uetere ususfructum non fuisse meram servitutem, sed vere dominium utile; unde et feudum nonnumquam ususfructus dicitur.

§. 417.

Capit) Perperam tamen hoc producitur ab HARPRECHTO ad uasallos, quasi et isti thesaurum non capiant in feudo inuentum. Enimuero, cum uasalli non habeant meram servitutem, sed dominium utile, sane ab usufructu ad feudum non ualet consequentia.

§. 418.

Cautionem praestare debeat) Quae cautio fructuaria probe discernenda est a quasi fructuaria. Illam non praestat usufructuarius, hanc quasi usufructuarius. Illa promittitur, usufructuarium re usum fructurum boni iuri

iuri arbitrato, et finito usufructu rem eandem restitutum. Hac contra finito quasi contractu, rem se restitutum esse eiusdem generis.

§. 419.

Restitutum iri) Hinc eleganter dicebant Icti, in uero usufructu rei substantiam saluam manere physice, in quasiusufructu iuridice tantum, propter cautionem interpositam, qua securus praestatur proprietarius, se rem eiusdem generis recepturum.

§. 420.

Ad finem) An uero et aes alienum soluere tenetur usufructuarius omnium bonorum? Negant HUBERVS in *Prael. ad b. t. §. 7.* et DONELLVS *Commentar. iur. X, 13.* Recte omnino, quia usufructuarius non est successor universalis, sed legatarius tantum. Quin tamen soluere teneatur usuras, nullum plane est dubium.

§. 421.

Transcunti) Immo hodie constante etiam matrimonio maritus gaudet usufructu in bonis uxoris paraphernalibus. Enimuero id non est a iure Romano, quemadmodum nonnulli probare conantur ex *L. ii. c. de pact. conuent.* (ibi enim, teste ipsa rubrica, agitur de casu, quo uxor merito hunc usumfructum pacto constituit,) sed ex iure Germanico. Vid. GAERTNERI *Dissert. de differentia bonorum dotalium*

talium, paraphernalium, et receptitiorum iuri Germanico non congrua.

§. 422.

Comparatur) Quaeritur, an et ciuitas hoc modo amittere possit usumfructum? Videri posset quod non, quia ciuitas capite non minuatur. Sed omnino pro mortua habetur, si aratrum inducitur, quod factum Carthagini. Vid. *L. 21. D. quib. mod. ususfr. uel us. amitt.*

§. 423.

Ad finem) Modo utendi fuerit occasio. Absurdum enim est, non usu aliquem excludi iure suo, quod exercere nullo modo potuit. Hinc procul dubio calamitas belli hic usufructuario fraudi esse non posset.

§. 424.

Constituentis) Si nempe adsit successor singularis, qui non succedit in omnia iura defuncti. Heres enim facta defuncti praestare omnino tenetur.

TIT. V.

DE VSV ET HABITATIONE.

§. 425.

Vtendi) Hinc usus pro necessitate aut augetur, aut minuitur, e. g. antequam ampla alicui familia sit, pauca tantum cubicula ei concedentur in usum, aucta familia plura. *L. 2. §. 1. D. b. t.* Immo si duobus usus legatus sit, contingere potest, ut uni plus, quam alteri indulgeatur.

§. 428.

§. 428.

Recipere) Quae locutio in iure nostro frequens est, et indicat, quaestionem olim hanc controuersam fuisse, et hanc sententiam aegre demum obtinuisse. Licet ergo hospitem recipere, sed ita, ut modeste eo iure utatur usufructus.

§. 429.

Destinatae) Primus hoc animaduertit THOMASIVS in *scholiis ad HUBERI Prael.* ex qua animaduersione simul patet, cur ueteres dixerint: plus esse in habitatione, quam in usu; minus uero in usu, quam in usufructu.

§. 430.

Percipit) Quaeritur, an ius habitandi tantum, an solum usum habeat parochus in aedibus parochialibus? Adfirmant hoc nonnulli. Sed quia parochus omnibus aedium partibus utitur fruitur, magis est, ut usumfructum illi competere dicamus.

§. 431.

Potius) Clarior erit haec ratio, si addideris, *in facto* potius, quam *in iure Quiritium*. Quae enim iura non solis ciuibus, uerum etiam peregrinis competeabant, illa magis in facto consistere dicebantur. Cum ergo et peregrini de facto possent Romae habitare, nulla erat ratio, cur capitis deminutione ius habitationis exspiraret, immo et non usus habitationem

nem finire non poterat, quia et usucapio erat iuris Quiritium.

§. 433.

Ad finem) Sed haec servitus hodie rarissima, quia extra praedia servos proprios non habebit, operae autem rusticorum ad praedium tantum pertinent, nec in extraneum transferri possunt.

§. 434.

Ignoramus) Multoque magis eas ignorant maiores nostri, quibus ne vocabula quidem in promptu erant, quibus has servitutes distinguere. Verba enim *Mißbrauch, Gebrauch, Wohnung im Hause*, noviter recepta sunt a doctoribus, et ex ipsis vocabulis iuris Romani formata.

TIT. VI.

DE VSVCAPIONIBVS, ET LONGI TEMPORIS PRAE- SCRIPTIONIBVS.

§. 435.

Adquirimus) Ergo qui acquirit titulo universali, ad omnia tenetur, ad quae tenebatur antecessor, adeoque et aes alienum solvere debet: quod secus se habet in eo, qui titulo singulari acquirit. Exemplum videmus in herede feudali et agnato.

§. 437.

§. 437.

Donatio) Athodie merito negatur, donationem esse modum acquirendi. Ex ea enim non nascitur ius in re, sed tantum ius ad rem, nisi sequatur traditio. Sed olim tempore Caii donatio omnino erat modus acquirendi, quia res donata in continenti tradenda erat.

§. 439.

Habita) Accedit et altera ratio, puta quod interfit rei publicae, dominia rerum aliquando certa esse. Vnde CIC. *Orat. pro A. Caecinn. c. 5.* usucapionem eleganter uocat *finem sollicitudinis ac periculi litium*. Quia ipsa S. S. hunc acquirendi modum adprobare uidetur *Judic. II, 26.*

§. 440.

Possessas) Id est furtiuas et ui inuasas: cum alias omnis possessio uitiosa habeatur, ubi quis *ui, clam*, uel *precario* possidet.

Queant) Non quidem ut adquiram dominium, in quo res incorporalis nullo modo esse potest, sed ut excludam alterius ius agendi. Simulac enim iste negatoria experitur, ego illi oppono exceptionem praescriptionis, eaque tutus sum.

§. 441.

Auctoritas erat) Per hostem intelligitur hic peregrinus. Quem enim nos hodie hostem uocamus, illum ueteres uocabant perduellem. Vid. P A R A E I. *Lexic. crit.* sub uoce: *hostis*.

§. 442.

Exigitur) Et hoc in praxi receptum. Vnde et per litis contestationem aliquis statim in mala fide constitui dicitur, qui scire incipit, rem esse alienam.

§. 443.

Causae) Vnde donatio inter coniuges non est titulus ad usucapionem sufficiens *L. 1. §. 2. D. pro donat.* praeterquam si res aliena a coniuge donata sit. *L. 25. D. de donat. int. uir et uxor.*

§. 444.

Ad finem) Immo et si nullum adsit uitium, in quibusdam tamen rebus usucapio cessat, quia illae sunt merae facultatis, i. e. ita comparatae, ut in meo arbitrio non sit positum, utrum alterum in possessione relinquere, an illam reuocare uelim. Vid. *L. 1. 2. C. de seruut.*

§. 445.

Observauit) Vnde simile temporis spatium etiam extra Saxoniam multis locis obseruatur, in primis in Belgio, ubi ad usucapionem rerum immobilium requirunt tertiam partem saeculi. Vid. *LAMB. GORIS Aduersf. III, 9.*

§. 446.

Inceperit) Ita iure Romano, quia ibi mala fides superueniens non nocet, uti diximus §. 442. Cum uero hodie ius canonicum magis receptum sit, heredis etiam bonam fidem exigi facile intelligitur.

§. 447.

§. 447.

Oblationem libelli) Modo sequuta sit citatio, quippe qua possessor statim constituitur in mala fide, adeoque possessio procul dubio interrumpitur, etiamsi id brevissimo tempore ante adimpletam usucapionem contingat.

§. 448.

Veluti in subsidium) Ergo regula ordinarie sic sese habet: *quae non possumus usucapere, uel longo tempore praescribere, ea omnino praescribere possumus longissimo tempore*; sic e. g. tertius b. f. possessor non potest usucapere rem furtivam ob uitium cum re ambulans, sed potest tamen praescribere longissimo tempore.

§. 450.

Malam fidem) Ast hodie et in hac longissimi temporis praescriptione bona fides exigitur ex principiis iuris canonici, *c. ult. X. de praescript.* attamen haec bona fides tamdiu hic praesumitur, donec probetur contrarium.

§. 451.

Interpretatione doctorum) Quae tamen uere fundamento destituitur, quia priuilegia interpretationem extensiuam non admittunt; unde et recte dicitur, ea ad exemplum non trahi. *L. 1. §. 2. D. de constit. princip.*

Oppignoratam possideat) Nam si tertius possideat, et quidem mala fide, haec actio durat XXX. annos, si bona fide X. annos inter praesentes, XX. inter absentes.

§. 453.

Exstat memoria) Non ergo hic requiritur tempus aliquod legitimum, sed sufficit, modo probatum sit, rem semper ita sese habuisse, nec meminisse quemquam, rem sese habuisse aliter, id quod plerumque per testes senectute decrepitos probari solet.

TIT. VII. DE DONATIONIBVS.

§. 454.

Non est modus acquirendi) Fuit tamen ante Constantini M. tempora, cum donatio adhuc a traditione seiungi non posset, ex quo autem Constantinus M. in *L. 25. C. de donat.* etiam ex sola promissione actionem dedit: donatio non amplius est modus acquirendi, sed titulus tantum. *L. 20. C. de pact.*

§. 455.

Non mortis causa) Differunt etiam effectu, ad quem praecipue respiciendum est, ex donatione enim inter uiuos statim transit dominium, et hinc illa irrevocabilis est, non autem ex donatione mortis causa. Vnde si uel maxime mentio facta sit mortis, si tamen statim translatum est dominium, nihilominus inter uiuos donatum esse censetur.

§. 456.

Fluctuat) Conuenit enim cum pacto, quia sine acceptione non intelligitur: at similis quo-

quoque est ultimæ voluntati, partim quia quinque testium præsentiam requirit, partim quia et circa illam uoluntas hominis est ambulatoria usque ad mortem. Vnde in §. 1. *Inst. b. t. donatio hæc per omnia fere similis legatis esse dicitur.*

§. 457.

Pater permiserit) Et tamen filius familias permittente patre non potest testamentum condere? Sed ratio differentiae in promptu est, testamenti factio enim est iuris publici, ac proinde pater circa illam dispensare non potest, si autem donare permittit, tunc renunciat iuri in fauorem sui introducto.

§. 458.

Nec inter coniuges) Quamuis enim iure nouo inter eos non amplius sit uinculum potestatis, olim tamen uxor, quæ in manum conuenerat, erat in potestate mariti; adeoque una cum isto persona; principium hoc noua iura reiiciunt: conclusiones uero mordicus retinent.

§. 459.

Ad finem) Visitatissima est hæc donatio inter rusticos, qui sæpe omnia bona transferunt in liberos, reseruato sibi iure auorum. De ea donatio merito confertur STRYKII *Dissertatio de iure auorum.*

§. 460.

Non indiget) Nullum enim periculum est, ne per donationem mortis causa pauperior quis fiat, cum ea non prius rata fiat, quam mortuo donatore, mortuus autem laedi nequeat.

Beneficio competentiae) Per illud intelligimus eius modi privilegium, quo debitor excussus utitur, ut non possit plus ipsi eripi, quam quantum facere queat. Donatoribus hoc privilegium dedisse diuum Pium, satis constat *L. 28. D. de reg. iur.*

§. 461.

Causa donatum) At quam actionem habet donator mortis causa, si conualuit, et donationem reuocare cupit? Resp. quia dominium rei donatae hic non transit, nisi mortuo donatore, consequens est, ut donator rem suam vindicare possit a donatario, et quocumque alio possessore. Videatur *L. 29. D. de donat. mort. caus.*

§. 462.

Reuocandi concedit) Adeoque re uera contra regulas bonae interpretationis haec lex ad alios casus extenditur, maxime cum liberti tanta fuerit erga patronum obligatio, ut ea apud alios frustra supponatur. Vnde etiam recentiores doctores hanc interpretationem reiiciunt,

§. 463.

Capiendi fructus) Si enim constante matrimonio fructus inde perciperet uxor, dos esset inutilis, cum tamen dari soleat ad ferenda matrimonii onera. Ius ergo uxoris in sola hypotheca tacita consistit.

TIT.

TIT. VIII.

QVIBVS ALIENARE LICET,
VEL NON.

§. 464.

Voluntas obstat) Ordinariae causae, propter quas quis alienare nequeat, sunt: prohibitio publica uel ex lege seu statuto, uel ex decreto iudicis profecta, itemque pactum de non alienando, uel fideicommissum, qualia in praecipuis familiis reperiuntur, denique non numquam ipsa personae qualitas uel rei attributa alienationem impediunt, quale quid in pupillis, nec non in rebus sacris animaduertimus.

§. 465.

Dominus dotis) Quod luculenter etiam probari potest ex *L. 9. C. de rescind. uendit.* quamuis sint, qui marito tantum uindicerent usumfructum: sed sic plane non esset exceptio paradoxica; quis enim dicat, usumfructuarium alienare posse fundum fructuarium. Conf. tamen MARC. LYKLAMA in *Membris, libr. VII. eclog. 26.*

§. 466.

Mutuum recte dat) Nam et mutuum esse alienationem, ostendimus §. 793. Hinc et generalis ista regula est; *qui alienare non potest, nec potest mutuum dare.*

§. 467.

Sollemniter) Sollemniter autem fit, si praecitata citatione ad uidendum distrahi pignus

hoc per artis peritos aestimetur, (quod taxationem uocant,) et postea plus licitanti adiudicetur.

§. 468.

Decreto magistratus) Quod interponitur praeuia causae cognitione, an non alia uia expediri aes alienum possit. Ceterum sunt etiam quaedam res, quas tutor cogitur alienare, quaecumque nimirum ita comparatae sunt, ut seruando seruari nequeant.

TIT. VIII.

PER QVAS PERSONAS CIVI- QUE ADQVIRITVR.

§. 470.

Acquirerent dominis) Et hic nulla plane est exceptio, adeo, ut si fortunae quoque beneficio aliquis lucretur seruus, e. g. si thesaurum inuenerit, illud omne ad dominum pertineat, nihilque habeat, nisi peculium profectitium consentiente domino.

§. 471.

Lex nostra) Fundamentum huius iuris est ratione usufructuarii, quod hic percipit omnes fructus ordinarios, §. 417. ratione bonae fidei possessoris autem, quod iste pro domino habetur, adeoque omnes fructus suos facit. §. 477.

§. 472.

§. 472.

Acquiri patri) Cum enim filius cum uxore et tota familia per omnem uitam in potestate esset parentis sui, nisi emancipatio sequeretur: aequum etiam uidebatur, ut patri, a quo alimenta et quaeuis necessaria exspectaret, etiam adquireret.

§. 474.

Occasione militiae) Non ergo solum per militiam. Eo enim hoc porrigitur, ut si quid acceperit euangelii loco, istud merito quoque ad peculium castrense referendum sit.

§. 475.

Filii facti) Modo bene collocati sint isti sumtus, et filius doctior domum redierit, nec postea studia deseruerit. Immo si pater in rationes retulerit hos sumtus ex consilio, ut filius in posterum eos in usum conferat, qualitatem peculii quasi casu eius omnino amittunt.

§. 476.

Contemplatione patris) I.e. ob merita patris, e.g. si quis filio patroni aliquid donet ob suffragium, quod pater tulit, uel quia causam eius tulit in iudicio.

§. 477.

Proprio labore) Scilicet ex artibus liberalibus. Nam quod filius ex studiis uel artibus liberalibus lucratur, id omnino ad peculium quasi castrense pertinet.

§. 478.

Libere disponit) Cum alias filius familias testamentum condere nequeat, cuiuscumque aetatis sit, si uel maxime pater consentiat. Vid. *pr. Instit. quib. non est permiff. facere testam.*

§. 479.

Post emancipationem) An non etiam post mortem patris? Negatur, quia tunc expediti iuris est, filium teneri conferre bona profecticia, nisi pater collationem illi expresse remiserit.

§. 480.

Quoad uiuit) Si tamen uiuus adhuc emancipabat, dimidiam partem ususfructus capiebat tamquam pretium manumissionis. §. 2. *Inft. b. t.* Id quod hodie merito cessat, cum liberi tacite plerumque exeant ex patria potestate.

§. 481.

Fit filiis) Nec tamen ideo testamentum condere potest de hoc peculio, et frustra sunt, qui a peculio castrensi uel quasi ad hoc extraordinarium argumentantur. In illo enim filius pro patre familias habetur, in hoc non habetur. Videatur *L. II. C. qui testam. fac. poss.*

TIT. X.

DE TESTAMENTIS ORDINANDIS.

§. 484.

Ab intestato) Non ergo ex pacto, quia pacta successoria iure Romano contra bonos mores, et plena tristissimi euentus esse dicuntur in *L. fin. C. de pact.* Sed idiure Germanico secus se habet, ex cuius principiis non modo inter principes notissima sunt pacta confraternitatis, (*Erbverbrüderungen*), uerum etiam pacta dotalia inter priuatos saepissime disponunt de hereditate futura, ut iam non dicamus de ganerbinatibus, nec non de unione prolium, de qua supra iam actum, plenius uero in *Elem. nostr. iur. Germ.*

§. 485.

Non posse) Hinc multi quoque testamenti factionem analogiae iuris conuenire negarunt. Ast cur eam inuexerint Romani, luculentissime docuit BYNKERSHOEKIUS, *Obscruat. II, 1. 2.*

§. 486.

Calatis facta) Haec uero uel ideo praetermittenda non fuerunt, quod inde nati sunt plerique ritus testamentarii, hodiernum recepti, quorum rationem reddere non possemus, si hanc ignoraremus. Vnde recte dixit IUSTINIANVS §. 1. *Inst. b. t. nihil antiquitatis hic penitus nos ignorare debere.*

§. 488.

§. 488.

Familiae emptor) Hinc repraesentabant heredem, neque tamen praecise heres erat: iste enim ex ceris uel tabulis erat intelligendus. Vnderecte *VLPIANVS tit. XX. §. 9.* duas esse ait huius testamenti partes: *mancipationem*, et *nuncupationem*.

§. 489.

Eas signassent) Hinc, si quaeras, an testamentum eiusmodi praetorium hodiernum ualeat? id merito negandum erit, quia paullo post audiemus, Theodosium iuniorem imperatorem tria haec testandi genera in unum conflasse, ac inde natam esse testamenti factionem hodiernam.

§. 490.

Iusta sententia) Id est *sollemnis*. (§. 570.) Sollemnitas autem non solum consistit in ritibus externis, de quibus paullo post, uerum etiam in heredis institutione. Vnde facile patet, hanc definitionem codicillis, (uti quidam suspicantur) applicari non posse,

§. 491.

Nuncupatum) Vbi obseruandum, respiciendum esse ad intentionem testatoris, uolueritne in scriptis testari, an per nuncupationem. Vnde testamentum nuncupatum manet, etiamsi postea in scripturam redactum sit.

Pluri-

Pluribusve testamentis) Quae tamen regula, uti et superior, locum tantum habet in testamentis paganorum, non in testamentis militum, quippe quae omnibus legibus testamentariis soluta sunt.

§. 492.

Nullitatis) Hinc nec ualet protestatio, se studio subtilitates testamentarias praetermisisse, qualis est in *L. 88. §. 17. D. de legat. 2.* Priuati enim uoluntas nihil potest mutare circa testamenti factionem, quae est iuris publici. *L. 3. D. qui test. fac. poss.*

§. 493.

Quaeuis uerba) Modo sint dispositiua, quia alias fideicommissum emergeret. Hinc eleganter dicitur in *L. 1. §. 3. D. de hered. instituend.* testamentum tribus uerbis constare posse: *Titius beres esto.*

§. 494.

Contextu) Haec unitas requirit 1) continuitatem actus, i. e. ut testamentum hoc fiat diuersis temporibus, 2) uniformitatem actus, ne quid immisceatur testamento, quod ad ultimam uoluntatem non pertinet. Vid. *L. 1. §. 12. D. de uulg. et pupill. substitut.*

§. 495.

Testamentifactio) Quae regula siue actiue, siue passiue explicetur, falsa est: uerissima autem, si intelligas testamentifactionem in comitiis calatis, quibus nec mulier, nec im-

impubes, nec servus, nec alii hic recensiti interesse poterant.

Ad finem) Principale negotium in testamento geritur inter testatorem et heredem. Si ergo testes cum his coniuncti essent, testimonium perhiberent in propria causa, quia pater et filius pro una persona habentur. Ea vero ratio cessat, si ipsi testes inter se coniuncti sunt.

§. 496.

Subscribat) De subsignatione testatoris iura nihil disponunt, quamvis ea plerumque adhiberi soleat, immo testatores singulis plerumque tabulis subscribant et subsignent.

§. 498.

Ad finem) Hodie fere imprimis exigitur, ut testamentum scribatur in charta sigillata certi pretii, e. g. auf einen 3. Groschen Bogen, quia et id sancitum est sub poena nullitatis.

§. 499.

Intelligentibus) Adeoque et linguae periti esse debent, qua testator ultimam suam voluntatem eloquitur, quod in testamento scripto plane non requiritur, modo sciant testes, quem in finem adhibeantur.

§. 500.

Principi) Siue id fiat personae principis, siue eius loco regimini vel cancellariae, quippe quae vice sacra iudicare censetur. Semper tamen

tamen iudex debet dare recognitionem, quod hoc uel illo die depositum sit testamentum.

TIT. XI. DE MILITARI TESTA- MENTO,

§. 501.

Priilegiata) Hinc non admittunt extensionem, adeoque falluntur, qui et in testamentis parturientium et iter facientium sollemnitates quasdam remittendas putant, et quidem ob identitatem rationis. Priuilegia enim ad exemplum non trahi, satis notum est ex *L. 1. §. 2. D. de constit. princip.*

§. 502.

Imminens periculum) Falsa itaque est ratio, quae redditur in *pr. Inst. b. 1. nec non in L. 1. et 3. C. eod.* quasi id priuilegium concessum sit militibus ob nimiam imperitiam. Veram rationem uidemus exprimi *L. 1. pr. D. de bon. poss. ex testam. milit.*

§. 503.

Praeterire) Sed quaeritur, an tunc liberis nullum plane remedium supersit aduersus tam iniquum patris testamentum? Id merito negatur, potius testamentum saluum erit, alias frustraneum esset hoc priuilegium, alimenta tamen liberos alia actione petere posse, ipsa aequitas nos dubitare non patitur.

§. 504.

§. 504.

Fortuito sermone) Multa enim huius generis milites etiam inter pocula uel iocose eloqui solent, ubi plane eorum intentio non est, ut eius modi nuncupatio effectum habeat. Elegans hac de re Traiani rescriptum ad Cutilium Seuerum superest in §. 1. *Inst. b. t.*

§. 505.

Nondum missi) Si scilicet uulnere uel casu loquendi et audiendi facultatem amiserint. Tunc enim nondum constat, an in posterum mittendi sint, an non potius pristinam recuperaturi sint ualeitudinem: id quod contra VINNI argutias obseruandum est.

§. 506.

Intra annum) Vocabatur iste annus *uacationis*, quia ueteranus uacationem etiam habebat ab omnibus muneribus publicis, itemque a tutelis per istum annum. §. 2. *Inst. de excus. tutor.* Hinc etiam intra hunc annum adhuc ualebat eius testamentum militare, quia adhuc pro milite habebatur.

§. 509.

Duo testes) Attamen adhuc obseruanda duo: 1) eiusmodi testamentum tantum ualere inter liberos, non quoad personas extraneas 2) hoc testamento liberos non solum posse institui sed et ex iustis causis exheredari.

§. 510.

§. 510.

Remissa est) Hodie tamen plerumque constituuntur notarii, quos *Vest. Notarien* uocant, quibus praesentibus et moribundi possunt uoluntatem ultimam eloqui.

§. 511.

Contrarium) Idque probandum est non ab herede instituto, sed ab eo, qui testamentum impugnaturus est: quia semper praesumptio deuoluit onus probandi in aduersarium.

§. 512.

Ad finem) Vbi tamen fraudes haud paucae nonnumquam obseruantur, quas non nulli *pias* uocant, de quibus exstat egregia differt. RECHENBERGII, *de impietate caussae piae, Vitembergae olim habita.*

TIT. XII.

QVIBVS NON EST PERMISSVM FACERE TESTAMENTVM.

§. 513.

Comitiorum) Ex hoc principio immediate fluunt conclusiones omnes: uerum autem istud esse ac indubitatum uel ex eo patet, quod antiquissimo iure testamenta non aliter fieri poterant, quam in comitiis calatis. §. 1. *Inst. de testam. ordin.*

§. 514.

Sunt) Aliud si testamentum factum sit in ciuitate: tunc enim si redierit postliminio, testamentum ualet iure postliminii; si apud hostes mortuus sit, testamentum conditum in ciuitate ualebit ex fictione Regis Corneliae, quae fingit, eum, qui apud hostes moritur, in ciuitate mortuum esse.

§. 515.

Decesserit) Ratio huius iuris quaerenda est in regula Catoniana, de qua singularis titulus existat in Digestis. Ea enim ita sese habet: *quae ab initio nulla sunt, ex postfacto non conualescunt.* Videatur *L. 29. D. de reg. iur.*

§. 516.

Consulant) I. e. si instituat heredes ab intestato; enim uero si id fecit, nemo erit, qui impugnet eiusmodi testamentum, adeoque ualebit, non quia capax fuerit prodigus testamentifactionis, sed quia nemo impugnat.

§. 517.

Sit) Itaque Icti uitia haec dicunt esse uel *coniuncta*, uel *discreta*, et priore casu testamentifactionem absolute denegant; posteriore tantum certo respectu. Elegantes eade re casus collegit STRYKIVS in libello *de iure sensuum*, ubi et iura surdorum et mutorum plena manu ferit.

§. 518.

§. 518.

Nuncupent) Et quidem non solum nomen eius pronunciando, sed et eundem describendo, ut certi simus, de quo senserit.

Signent) Quod tamen singulare hic observandum, quia alias subscriptio et subsignatio in nuncupatiuis testamentis cessat. §. 499.

§. 519.

Damnatis) Cur hoc hodie cesset, in scholio diximus. Interim observandum, capitis damnatum non posse ulterius testari, quam de eo, quod superest, deductis impensis inquisitionis, nec non banniculariis et spoliis.

TIT. XIII.

DE LIBERIS EXHEREDANDIS.

§. 520.

Scribere) Immo et praetermittere, lege enim XII. tabb. *paterfamilias uti legasset, ita ius esto*, latissima potestas tributa erat, et heredes instituendi et exheredandi, quod tamen postea interpretatione coangustatum est uel legum, uel auctoritate iura constituentium. *L. 120. D. de verb. sign.*

§. 528.

Nominatim) Et quidem in testamento, quippe ex quo deliberata et enixa uoluntas testatoris colligitur; hinc si forte schedula re-

periat, in qua facta exheredatio, uel si quando testator eiusmodi uerba inter amicos protulerit, illud ex calore iracundiae factum censetur. *L. 19. C. de inoff. testam.*

§. 529.

Prohibuerit) Immo si non exheredetur a parente, nihilo minus tamen hereditatem amittit ideo, quia fiscus eripit, tamquam indigno. Vid. *L. 24. D. de his, quae ut indign. aufer.*

Nolit) Quod tamen ad filiam non pertinet, quae tamquam mulier pro alio intercedere nequit ob S^Ctum Velleianum.

§. 530.

Ad finem) Eaedem hae sunt causae cum superioribus, at pauciores tamen, quia ob inaequalitatem societatis pluribus casibus liberi possunt ingrati esse erga parentes, quam parentes erga liberos.

§. 531.

Personam) Ergo extra hunc casum frater fratrem potest plane praeterire, solo uero instituto homine uel infami, uel levis notae macula laborante, aut exheredandus est frater, aut ille testamentum impugnabit querela inofficiosa. *L. 27. C. de inoff. testam.*

§. 532.

Ad finem) Sic e. g. quamuis *Novella CXV.* tantum de hereticis loquatur, nec meminerit apostatarum, dubium tamen non est, quin et
hi

hi possint exheredes scribi, quia haec causa est eiusdem generis.

TIT. XIII. DE HEREDIBVS INSTI- TVENDIS.

§. 534.

Ius) Non tamen in iura mere personalia, quae cum persona expirant, e. g. coniugium defuncti, uel in eiusdem usum tractum, officia publica, et similia iura.

§. 535.

Additionis) Ad quod tamen tempus non respicitur, si quaestio est de successione liberorum, quia hi tamquam heredes sui ipso iure heredes sunt, adeoque aditione non indigent. §. 588. 589.

§. 536.

Dominorum) Quidquid enim acquirit servus, id acquirit domino, adeoque tantum dispiciendum est, an dominus habilis sit, ut succedere possit in locum ciuis Romani; nam si nullum in eo impedimentum sit, axioma nostrum illi non obstat.

§. 537.

Comm. success.) Quamvis enim in hac authentica testamentifactionis passivae seu heredis institutionis nulla fiat mentio: interpretes tamen collegerunt, cui activa testa-

mentifactio competat, eidem merito competere passiuam. Vid. STRAVCHIVS in *Comment. ad hanc authent.*

§. 538.

Ecclesiae) Si dubium sit ecclesiae nomen, illa praefertur, ubi sacris interesse consuevit defunctus. De his similibusque quaestionibus prolixè differuit Cardinalis MANTICA de *coniecturis ultimarum voluntatum*.

§. 539.

Illicita) Non moraliter talia, qualia sunt quae uirtuti et bonis moribus repugnant; sed in sensu iuridico, quo illicita uocantur omnia collegia, quae priuilegium principis non impetrarunt.

§. 540.

Institutus) Vbi obseruanda elegantissima uerba principum §. 8. *Inst. quib. mod. testam. infirm. licet legibus soluti simus, attamen legibus uiuimus.*

§. 541.

Uncias) Obseruandum est, occasione huius distributionis studium iuris ciuilis efflorescere coepisse Bononiae, si uera tradidit HOSTIENSIS glossator. Ait enim: as i. e. XII. unciae, as ergo quandoque ponitur pro obulo, propter quod uerbum uenit Bononiam studium ciuile, sicuti audiui a domino meo. Vid. CONRINGIVS de *orig. iur. Germ. c. 21. p. 126.*

§. 543.

§. 543.

Habeantur) Vbi tamen praecipue ratio habetur uoluntatis testatoris, si enim certo constet, illum coniunctos non haberi uoluisse pro uno, eius uoluntati standum est. Vid. L. 80. §. 6. D. de legat. 2.

§. 544.

Habetur) Cum enim in heredis institutione ex die facta tempus adiiciatur tamquam terminus a quo, in institutione in diem tamquam terminus ad quem, utroque casu hereditas uel ex eo die uel in diem pertinere etiam deberet ad heredem ab intestato, et sic aliquis mortuus esset simul testatus et intestatus.

§. 546.

Potestatiuam) Quamuis talis proprie uix detur, cum nihil sit in nostra potestate ita positum, ut de euentu certi simus. Multa enim cadunt inter calicem, supremaque labra.

§. 547.

Pugnant) Aliud, si ex uerbis ipsis appareat, calamum praecurrisse mentem testatoris, id quod Icti uocant *orationem praepositam*, e. g. si naus cras ex Asia redierit, Titius hodie heres esto.

§. 548.

Potestatiua) Et quidem in portione, quam ultra legitimam capit. Ipsa uero legi-

tima plane libera relinquenda est ab omni onere. Hinc nata cautela Socini: *Titius meus heres esto, si Caiam uxorem duxerit: si non duxerit tantum in legitima heres esto.*

§. 549.

Non scripta) Contra contractus conditio eiusmodi impossibilis uitiat, quia in his utriusque uoluntas requiritur. Quia uero in conditionem impossibilem contentit, is uel insanire creditur, uel iocari, adeoque neutro casu obligatio ex consensu oriri potest.

TIT. XV.

DE VVLGARI SVBSTI- TUTIONE.

§. 550.

Nollet) Id quod cum ignominia coniunctum uidebatur, partim quod heres non solet repudiare hereditatem, nisi ob latitans aë alienum, partim quod destituto testamento et deficiente herede sacra domestica interibant, quod omnino nefandum uidebatur ueteribus.

§. 552.

Directis) Per quae directæ uerba hic intelliguntur *dispositiua*, quemadmodum obliqua sunt *precatina*, e. g. heredem *rogo*, *monco*, *uolo*, ut cet.

§. 553.

§. 553.

Pupillaris) Quae species trifariam differunt. Nam 1) regulariter substituit quicumque testator; pupillariter pater tantum, 2) illa substitutio pertinet ad omnes heredes; haec tantum ad suos, et quidem impuberes, 3) illa fit in casum negatium, si heres non erit; haec in casum affirmativum, si ante pubertatem obierit.

§. 555.

Contineatur) Negant id CUIACIUS in *Not. ad b. t.* quia textus hanc in rem expressus citari nequeat. Sed recte omnino sese habet haec regula, quia finis substitutionis vulgaris est, ne testamenta fiant destituta. §. 550. Destituta autem fierent omnino, si casus unus altero comprehenderetur.

§. 556.

Reciprocam) Neque tamen haec absolute necessaria est, quia heredes inter se gaudent iure ad crescendi, adeoque uno deficiente, eius portio reliquis ad crescit, ne testator pro parte testatus, pro parte intestatus decedat.

§. 557.

Adeunte) Cum enim substitutio tantum facta sit in casum negatium, si institutus heres non fuerit, per aditionem autem aliquis heres fiat; deficit sane conditio per aditionem, adeoque substitutio exstinguitur.

TIT. XVI.

DE PUPILLARI SVBSTI-
TUTIONE.

§. 559.

Decefferint) Ultra pubertatem non ualet substitutio pupillaris, quia impubes quidem testari non potest, ac proinde recte pro eo testatur pater: ratio autem illa in pubertate plane cessat, cum puberes sui iuris ipsi testari possint.

§. 560.

Testamentum) Dum propter duplicem heredis institutionem, tum quia duorum mors expectanda est, et non una sufficit aditio. Attamen non nisi simplex testamentum est ratione sollemnitatum externarum, quia septem tantum testes adhibentur, nec ulla duplicatur sollemnitas.

§. 561.

Velleiae) Quae formula ita sese habet: **FILIVS MEVS HERES ESTO, SI HIC HERES SVVS ESSE DESIERIT, NEPOS EX EO HERES ESTO, SI ET HIC INTRA PVBERTATIS ANNOS DECESSE- RIT, MEIVS IPSI SVBSTITVTVS ESTO.**

Exhereditis) Quod tamen hodie uix contingere potest, quia in impuberem non cadit tanta ingratitudo, ob quam exhereditatio fieri possit ex *Non. CXVIII.*

§. 563.

§. 563.

* *Legitima*) Quod non modo aliis praeiudiciis probauit RICHTERVS in *Decision. ad tit. de substit. pupill.* uerum etiam nuper facultas nostra illustri responso confirmauit, quod in relationibus publicis typis exscriptum est.

§. 564.

Στοργή) Hoc fundamentum probe obseruandum. Inde enim reddi poterit ratio, cur non solus pater, sed et mater, immo et auus et auia hoc modo substituere possint, quum tamen in pupillari id non procedat. Praeterea et reliqua iura, de quibus paragrapho sequente agetur, ex hoc principio manifeste fluunt.

§. 565.

Sorores) Immo plerique censent sufficere, si uel unus ex fratribus et sororibus hoc casu substituatur. Quam interpretationem etiam uerba legis admittere uidentur.

§. 566.

Resipuit) Quid uero si resipuerit quidem, et tamen testamentum non condiderit? Resp. tunc dispiciendum, an in furorem recadat, an uero ad mortem usque sanae mentis sit? Priori casu ualet substitutio quasi pupillaris, posteriore succedunt heredes ab intestato. Videatur VIGLIUS ZVICHEMVS *ad b. t. n. 19.*

§. 567.

§. 567.

Privilegiata) Ergo militis tam libera est ultima uoluntas, ut omnis substitutio ab eo facta ualeat, modo non inuoluat contradictionem in adiecto. Lex enim hic unica est, illos legi non esse alligatos.

TIT. XVII.

QVIBVS MODIS TESTA- MENTA INFIRMAN- TVR.

§. 569.

Institutionis) Est enim haec caput et fundamentum testamenti, ac proinde tunc quoque nullum est, si plane omissa sit heredis institutio nisi subiuncta sit clausula codicillaris, quae efficit, ut eiusmodi schedula ualeat tamquam codicillus.

§. 570.

Externae) Modo illae requirantur. Nam si testamentum sit minus sollemne, e.g. principi uel iudici oblatum, omissio sollemnitarum istud plane non reddit iniustum.

§. 571.

Inofficiosi) Diuersus enim effectus est testamentorum nullorum uel iniustorum, et rescissorum per querelam inofficiosi. In illis enim omnia capita testamenti corruunt, in his sola heredis institutio, reliquis capitibus saluis manentibus.

§. 572.

§. 572.

Heredes) Ne ergo per agnationem postumorum testamentum rumpatur, commendanda est cautio, ut quis euentualiter, quod uocant, instituat omnes heredes suos, qui forte imposterum adhuc nasci possent! Tunc enim quotcumque nascentur, testamentum non rumpunt.

§. 573.

Derogatoria) Etiam si iurata sit. Quamuis enim peccet testator, qui periurium admittit: nemo tamen sibi ipsi legem praescribere potest, a quo discedere nequeat. Videatur *Dissertatio elegantissima de COCCÆI de clausulis testamentorum.*

§. 574.

Solet) Et quidem uterque casus comprehendendi potest regula generali: *quoties impedimentum, ob quod testamentum ualere nequit, e medio sublatum est, toties praetor ex tabulis ruptis dat bonorum possessionem.*

§. 575.

Maximam) Reconualefcit tamen eiusmodi testamentum, si captiuus postliminio in patriam redierit, quia hoc ius fingit, illum numquam in captiuitate fuisse. Immo conualefcit ex L. Cornelia, si testator apud hostes decesserit. Fingit enim lex Cornelia, eum in patria decessisse.

Fue-

Fuerit) Ergo et hic praetor sequebatur regulam: si impedimentum, ob quod quis ex eiusmodi testamento heres esse non possit, cessauerit, se daturum esse honorum possessionem, cum tamen iure civili testamentum semel infirmatum non conualescat.

§. 576.

Redit) Adeoque et omnia capita testamenti corruunt, ueluti legata, fideicommissa. Si enim nemo subit hereditatem, omnis uis testamenti soluitur, ut ait PAVLLVS L. 187. D. de reg. iur.

TIT. XVIII. DE INOFFICIOSO TESTAMENTO.

§. 579.

Docuimus) Frustra ergo origo querelae arcescitur a lege Glicia, qualis nulla umquam fuit; frustra ex edicto praetoris, cum praetorem exheredatis non succurrere diserte testetur L. 8. pr. D. de bon. possess. contr. tabb. frustra denique ex constitutionibus principum, cum libera adhuc re publica eius querelae mentionem faciat Cicero. Videatur TETARD. SICCAMA de iudicio centumuirali.

§. 580.

Furoris) Fundamentum hoc habet in L. 2. et §. 1. D. de i. ubi demens iste fingitur, qui sine ratio-

ratione liberos bene de se meritos exheredes scribit; nec hic admittitur probatio contrarii, testatorem fuisse sanæ mentis, quia præteritio uel exhereditatio furorem satis arguit.

§. 581.

Actio) Et quidem ipsa hereditatis petitio, uti expresse uocatur in *L. 3. C. de heredit. petit.* Frustra obuertunt, actorem hereditatem nec ex testamento, nec ab intestato petere, omnino enim ab intestato succedere cupit, ac proinde rescindi petit testamentum.

§. 582.

Falsam) Vbi probatio incumbit heredi instituto, qui si deficit in probatione, causa exheredationis pro falsa habetur, ac proinde testamentum rescinditur.

§. 583.

Emancipati) Hodie autem perinde est, siue emancipati sint liberi, siue sui, siquidem omnes exigere possunt legitimam, propter *Nov. CXVIII.* Immo quod ad fratres et sorores atinet, propter eandem *Novell.* nulla amplius est differentia inter consanguineos et uterinos, quamuis *L. 27. C. de inoffic. testam.* consanguineorum tantum meminerit.

§. 584.

Fuerit) Quod fit etiam, si exheredatus legatum ex testamento paterno agnoscit, quia sufficit in uno approbatum esse testamentum.

TIT.

TIT. XVIII.
DE HEREDVM QUALITATE
ET DIFFERENTIA.

§. 185.

Tenent) Non absonum hoc axioma putabunt, quicumque intelligunt, testamentum vere esse legem domesticam, adeoque testatorem tamquam legislatorem considerari; hinc etiam in XII. tabb. occurrit uocabulum *legare*, quod nihil aliud est, quam legis modo disponere, id est uerbis imperatiuis et dispositiuis.

§. 187.

Nolint) Quod adeo uerum est, ut et furiosus possit ideo institui heres necessarius, quia non opus est deliberatione, uelitne hereditatem adire, an repudiare. *L. 63. D. de adquir. uel amitt. hered.*

§. 188.

Succedere) Hinc eleganter filius particeps uocatur a TERENT. *Heaut. act. 1. scen. 1.* Quin nec ob aliam causam herum minorem adpellatum esse filium, iam ab aliis est obseruatum.

§. 189.

Immiscuerit) Immiscuisse autem sese dicuntur liberi, qui aliquid agunt tamquam patres familias uel domini, e. g. res hereditarias uenumdando, pecuniam expendendo, cet.

§. 190.

§. 590.

Transmittant) Cum enim ipso iure sunt heredes, morientes ius, quod habent, merito transmittunt in heredes, id quod applicari nequit extraneis, qui ante aditionem nondum habent ius hereditarium, sed spem illa potiundi, spes autem ad heredes non deuoluitur.

§. 592.

Aditio) Olim aditio coniuncta erat cum cretione, quae fiebat intra centum dies, qui dies cretionis dicebatur, et quidem apprehensa re hereditaria, et pronunciatis uerbis: **QVANDOQV IDEM L. TITIVS ME HEREDEM INSTITVIT, IDEO EGO INTRA CENTVM DIES HANC HEREDITATEM ADEO CERNOQVE.**

§. 593.

Patre) Vbi tamen ponendus est casus, patrem nullam habuisse dissentienti causam. Si enim ideo prohibuerit filium hereditatem adire, quod in ea maximum latitare sciuerit aes alienum, huic iuri omnino non est locus.

§. 594.

Pars) Quod adeo uerum est, ut et uasalli filius non possit feudum adire, et allodium repudiare, sed aut utrumque agnoscere, aut utrumque repudiare teneretur. Ratio huius regulae in causis allodialibus est notum axioma: neminem pro parte testatum, pro parte intestatum decedere debere.

Adprehensam) Quod plerumque fit ope notarii et testium. Quia tamen saepissime contingit, ut res ad uim perueniat, prudenter sane in Saxonia et hisce regionibus cautum est, ut possessio ipso iure deuoluatur saltem in descendentes, nec opus sit adprehensione speciali.

§. 595.

Procuratorem) Id quod tamen frequenter fieri solet, quia actionum legis et actuum legitimorum hodie non amplius magna habetur ratio.

§. 596.

Censeatur) Tu obserua, heredem aliquando ex uero, aliquando ex quasi contractu teneri; quoties enim iam defunctus fuit obligatus, toties heres obligatur ex uero contractu, sin defunctus nihil debuit, heres autem ex testamento debet, obligatio illa ex quasi contractu est, et petitur actione personali ex testamento.

§. 598.

Annos) Ratio est, quia tamdiu durat petitio hereditatis, quamdiu uero illa nondum praescripta est, tamdiu possum hereditatem adire.

§. 599.

Non tenetur) Immo et in solutum dare quid potest, et creditoribus primum urgentibus sine ordine soluere, quin et sibi ipsi satisfacere.

facere. Quin si quaedam res in inventario inserta casu periit, illa non heredi, sed creditoribus periisse censetur.

§. 600.

Facite) Quod in primis fit, si spatium deliberandi elabi patitur, nec heredem se fore, declarat.

TIT. XX. DE LEGATIS.

§. 601.

Legatum) Equidem in §. 1. *Inst. b. t.* alia definitio occurrit, nempe quod legatum sit donatio quaedam a defuncto relicta, et ab herede praestanda. Sed hanc non esse accuratam uel inde patet, quod nec donatio sit legatum, quique quod non indiget acceptatione, nec semper ab herede praestetur, sed aliquando ab ipso legatario.

§. 604.

Differentia) De hac differentia paucis nota, quippe quae iure antiquo interpretanda est, accurate egit EM. MERILLIVS Observat. VI, 32. qui auctor hac in re reliquos omnes longo post se intervallo reliquit.

§. 605.

Effectum) Superest enim adhuc differentia quaedam, tum ratione formularum, siquidem legata uerbis directis, fideicommissa obliquis etiamnum relinquuntur, tum ratione
1 2 sollem-

sollemnitatum ; legata enim semper requirunt quinque testium praesentiam, fideicommissa etiam sine testibus ualent, modo testator heredi praesenti mandauerit, idque uel per iurisiurandi delationem, uel alio legitimo modo possit probari. Vid. *L. ult. C. de fideicommiss.*

§. 606.

Testatoris) Nectamen etiam simul transit possessio, quam etiam legatarius propria auctoritate apprehendere nequit, immo si apprehendit, heres instituere potest interdictum: quod legatorum, de quo infra §. 1296.

§. 607.

Discimus) Ergo hic conferendus est titulus: *quib. non est permiff. fac. testam.* Quicumque enim ibi uel impediuntur uel prohibentur testamentum condere, iidem etiam inhabiles censentur ad relinquendum legatum.

§. 608.

Conditione) I. e. si seruus non amplius in hereditatis potestate fuerit. Valebit ergo legatum hac formula relictum: TITIVS HERES ESTO, STICHO EIVS SERVO, LEGO CENTVM, SI TEMPORE MORTIS MEAE NON AMPLIVS IN TITII POTESTATE FVERIT.

§. 609.

Onerentur) Quaeritur uero, quousque aliquis onerari possit? Resp. eo usque, ut quarta

ta tantum salva sit ei, a quo legatum, si saluam quartam non habet, eam merito detrahit. Sed hanc quartam tantum detrahit heres, siue legata siue fideicommissa soluere teneatur: non autem legatarius, cui sufficere debet, non ultra quantitatem legati se esse oneratum.

§. 610.

Legatarii) Hinc e. g. Christiano potest legari mancipium etiam iudaicum: at Iudaeo mancipium Christianum legari nullo modo potest, quia non est in Iudaei commercio. Vid. *L. 1. C. ne Christ. mancip. haeret. uel pag. uel Iud. hab.*

§. 611.

** Diuersa propositione*) Res etiam hoc modo explicari potest. Si fundus adiectus est sine pronomine demonstratiuo, *qui, quae, quod*, tunc legatum aliquid censetur taxatiue: si testator eo pronomine usus est, demonstratiue fundum adiecisse censetur.

§. 612.

Lucratiuo) Aliud ergo, si rem uiuo testatore adquisiuit titulo oneroso uel dato pretio. Tunc enim regula ista nullo potest applicari, cui alias locus est, siue plenum alicui dominium legatum sit, siue fundus emphyteuticus. *L. 71. §. fin. D. de legat. 1.*

§. 613.

Rem) Quia qui rem habet, implicite etiam pretium habere censetur: non ideo statim rem habet, qui pretium habet.

§. 614.

Luere) Quod legatum nihilo minus utile est, quia rei oppignoratae pretium plerumque superat sortem et usuras, pro quibus oppignorata est. Quam rationem reddit *L. 57. pr. D. de legib.*

§. 615.

Fuerit) Id quod probare tenetur legatarius salua heredis reprobatione. Nec sufficit, ex inuentario constare, magnas fuisse testatoris opes, quia et locupletissimus nonnumquam potest carere pecunia parata, adeoque eo casu necessario alienat.

§. 616.

Cedat) Nomina enim, uti recte aiunt practici, ossibus inhaerere videntur, adeoque tertius possessor cambii uel cheirographi numquam ex illo actionem instituere potest, quamuis b. f. possideat, nisi creditor ipsi dederit iura cessa, quae cessio in cambiis *indossamentum* uocatur, quia dorso cambii inscribi solet.

§. 617.

Debetatur) Tunc enim insignis haec est utilitas, quod dies legati cadit statim a morte testatoris, adeoque non est differenda solutio, sed legatum statim *repraesentandum*.

§. 618.

§. 618.

Dotis) Ratio est, quia falsa demonstratio non nocet. Hinc et legatam dotem uxor accipit, quamuis ne nummulum quidem intulerit, modo certa quantitas expressa.

§. 620.

Debeatur) Atqui alioquin tria capita gregem faciunt, *L. ult. D. quib. mod. ususfr. amitt.* quemadmodum etiam tres facere solent collegium. Sed tu distingue inter constitutionem gregis uel collegii, et eiusdem conseruationem. Ad illam saltem tria capita requiruntur, ad hanc unicum sufficit, praeterquam in usufructu, de quo in scholio diximus.

§. 621.

Sanxerit) Quod et inde praesumitur, si testator uerba ad heredem direxerit, e. g. heres Titio det equum e stabulo meo. Vid. VINNIUS *ad b.t. §. 22. n. 6. seqq.*

§. 622.

Heres) Qui antea optare non poterat, si defunctus ante optionem decessisset. Vnde et dies huius legati non a morte testatoris, sed ab hereditate adita cedebat. Quae omnia hodie aliter sese habent.

§. 623.

Perire) Hinc si e. g. legatus sit equus in genere, uel si centum imperiales relict, et equum in hunc finem comparatum, uel

nummos huic legato destinatos fur improbus abstulêrit, legatum ideo non periisse censetur, quia non praecise hic equus uel hi centum imperiales legati sunt.

§. 624.

Honestâ) Immo et decora, et cum utilitate quadam legatarii coniuncta. Hinc ridiculum legatum esset, si heres damnaretur, ut ante fores Meuii saltaret.

§. 625.

Noluisse) Ergo hoc ius ad crescendi in legatis pro fundamento habet praesumptam uoluntatem testatoris, cum contra in hereditatibus alia sit huius iuris ratio, puta, ne testator pro parte testatus, pro parte intestatus decedat.

§. 626.

Incapax) Quo in primis pertinet capitis deminutio maxima et media, quippe quam passus legatum capere nequit. Generalem ergo obserua regulam: *quoties unus ex collegatariis uel non uult, uel non potest legatum capere: quoties locus est iuri ad crescendi.*

§. 628.

Tantum) Ratio denominandi in promptu est, si enim plures personae ad eandem rem uocatae diuersis propositionibus, omnino in re ipsa est coniunctio, e. g. in domo, ad quam simul uocatae sunt; uerbis autem sunt disiunctae, quia non in eadem propositione coniunguntur.

§. 630.

§. 630.

Modo) Quia posteriora uocabula hic prima uice occurrunt, obseruandum est, demonstrationem nihil aliud hic esse, quam descriptionem, quae fit per pronomen demonstrativum: *qui, quae, quod*; causam hic accipientem esse impulsuam, et modum denique nihil aliud esse, quam finem, cuius causa legatum relictum est.

§. 631.

Venit) Vnde et legatum hoc transmittitur ad heredes, si legatarius testatorem uel momento superuixit, et praeterea usurae debentur a die mortis, si heres sit in mora solvendi.

§. 632.

Incertus) Et ita quidem, ut ignoremus, et an existiturus sit, et quando; si enim tantum posterius incertum est, non pro conditione, sed pro die habetur, e. g. Titio lego centum, si morietur.

§. 633.

Obseruandum) Ratio est, quia ex promisso nascitur ius perfectum, quod omnino in heredes deuoluitur, cum contra legatum in spe admodum incerta consistat, quia uoluntas hominis est ambulatoria usque ad mortem. Et quamuis mortis demum tempore ius perfectum nascatur, et id tamen in heredes non potest transmitti, quia dies nondum cedit.

§. 634.

Ad finem) Fallit tamen haec regula, 1) si demonstratio desumpta sit a certo loco, et ibi nihil tale reperiatur, *L. 108. §. 10 D. de legat. 1.*
 2) si nulla quantitas certa expressa, *L. 75. §. ead.*
 3) si demonstratio contradictionem inuoluat.
 Vid. VINNIVS *ad §. 30. b. t. num. 1.*

§. 635.

Sciuisse) Id quod maxime inde colligitur, si legatarius dolo malo falsum quid testatori persuaserit, et hic eo errore ductus ipsi legatum reliquit, tunc enim semper legatario obstat exceptio doli mali.

§. 637.

Legatarius) Qua tamen cautione non est opus, siquidem legatum relictum est sub modo, sed quem impleri nec testatoris nec heredis interfuit, tunc enim legatarius iuri in fauorem sui introducto renunciare recte potest.

§. 638.

Captatoria) Quia haec pertinent ad iniustas artes hereditarum, quas merito auersati sunt omnes legislatores; si tamen formulam hanc, quae in paragrapho habetur, non in tempore futuro, sed praeterito conceperit, ualet legatum, et non captatorium, sed remuneratorium uocatur.

§. 638.

Iniungatur) Alias enim, si factum, quod heredi iniungitur, in se uel licitum, uel indifferens est, illud aut omnino praestandum, aut legata poenae nomine relicta soluenda sunt, quia perinde est, ac si sub conditione esset legatum.

§. 639.

Ad finem) Sunt quidem casus, quibus et aliae actiones locum habent; nam si seruitus legata, legatario competit actio confessoria, §. 2. *Inst. de seruit.* deinde si testamentum nullo uisibili uitio laborat, legatarius etiam possessionem rei legatae consequi potest, per remedium *L. ult. C. de edict. D. Hadr. toll.* denique ob legata ad pias causas singulare remedium iure canonico proditum est in *c. 19. X. de testam.*

TIT. XXI.

DE ADEMTIONE LEGATORVM.

§. 641.

Adimuntur) Quatuor ergo modi sunt, quibus legato quis excidere potest. *Adimitur* enim illud, quoties testator uoluntatem mutat; *transfertur*, quoties circa legatum aliquid mutat, *pro non scripto habetur*, quando nullum est, uel euanescit; denique *tamquam indigno auferitur*, quoties fiscus ob delictum legatarii illud sibi uindicat.

§. 642.

§. 642.

Nequeat) Adplicarunt ueteres hanc distinctionem legatis, quae tamen alias locum tantum habet in specificatione, de qua supra diximus ad §. 368. et 369.

§. 643.

Sequuta) Ceterum harum exceptionum probationem semper in se suscipere tenetur heres constitutus, cum contra, ubi ex ipso testamento de mutatione uoluntatis constat, nulla plane probatione opus sit.

§. 644.

Legatum) Vbi necessario debet fieri repetitio prioris legatarii, e. g. bibliothecam quam primo legavi, iam secundo lego; ubi talis repetitio non fit, primus et secundus pro coniunctis habentur, inter quos supra ius ad crescendi esse diximus. *L. 33. D. de legat. 1.*

§. 645.

Persona) Immo et in reliquis translationis generibus quinque testium praesentia opus est, quia omnis eiusmodi mutatio uel translatio nouum legatum inuoluit, quod sine testibus non ualet. *L. ult. C. de codicill.*

§. 646.

Perierit) Nempe si sit species legata uel indiuiduum. Genus enim et quantitatem numquam perire, iam obseruauimus.

Defecerit) Si tamen legatarius ex sua parte omnem lapidem mouerit, ut conditionem ad-

adimpleret, per eum autem solum non steterit, quo magis impleretur: ea merito pro adimplenda habetur.

§. 647.

Ad finem) Differentia inter haec pro non scriptis habita et indignis ablata haec est, quod illa in hereditate permanent, haec a fisco vindicantur, unde et ereptitia ueteribus dicebantur.

TIT. XXII.

DE LEGE FALCIDIA.

§. 648.

Liceret) Vera ergo ratio huius legis quaerenda est in uerbis XII. tabb. PATERFAMILIAS VTI LEGASSIT, ITA IVS ESTO: hac enim libertate cum abuterentur testatores, exhaustaque legatis tota hereditate heredi uix quidquam relinquerent, modum legis statuit Falcidius, ceu patet ex L. 120, D. de uerb. sign.

§. 650.

Deest) Quid uero, si heres legata iam integra praestitit? tunc cessat repetitio, si ex errore iuris praestiterit, ceu docuimus infra §. 988. si uero ipse legatarius propria auctoritate legatum occuparit, heredi datur interdictum: quod legatorum, de quo infra §. 1296.

§. 651

§. 651.

Sit) Id non ita intelligendum, ac si plures coheredes singuli detrahere possint quartam totius hereditatis, sed quod omnes simul una quarta contenti esse teneantur; adeoque quisque saluam habere debeat quartam portionis suae.

§. 652.

Factis) Sunt haec debita privilegiata, quae moto creditorum concursu in prima statim classe collocantur, ubi tamen obseruandum, ad funeris impensas etiam referri impensas in ultimum testatoris morbum factas, et pro pretio seruorum manumissorum, hodie hoc privilegio frui mercedem residuam seruorum et ancillarum.

§. 653.

Particularibus) An non et uniuersalibus? minime uero, quia his detrahitur quarta Trebellianica, de qua sequente demum titulo agitur §. 669.

§. 654.

Legata) Quippe quae plane aestimationem non recipit, adeoque nec ullam admittit detractionem.

Possit) Quamuis enim alias in quartam non imputetur, quod quis titulo singulari accepit a testatore: exceptionem tamen id patitur, si diserte eo fine accepit, ut iuri detrahendi quartam renunciet.

TIT.

TIT. XXIII.

DE FIDEICOMMISSARIIS
HEREDITATIBVS.

§. 655.

Relinquuntur) Quænam huius iuris origo sit, patet ex §. 1. *Inst. b. t.* quibus enim hereditas directe relinqui non poterat, iis per modum fideicommissi relinquebatur, cuius rei exemplum est apud C I C E R O N. de finib. II, 58. hodie tamen id per S C t u m Plancianum abrogatum, ut fideicommissum accipere nequeat, qui nec hereditatem accipere potest.

§. 656.

Pars) Scilicet pars quota, e. g. dimidia, tertia, quarta; si enim tantum pars quanta restituenta est, e. g. 600. tunc fideicommissum est singulare.

§. 657.

Fiduciarium) Si plures personæ fideicommissio occurrunt, eadem simul esse potest fiduciaria et fideicommissaria, *fiduciaria* ratione sequentis personæ, *fideicommissaria* ratione antecedentis.

§. 658.

Tacite) Modo expressum sit, cuius in fauorem tale quid iniunctum sit fiduciario; si ex uerbis patet, id factum esse in fauorem familie, oritur inde fideicommissum familie,
de

de qualibus fideicommissis eleganter egerunt
KNIPSCHILD. *de fideicommissis familiae*, et
BETSIVS *de pactis familiarum illustrium*,

§. 659.

Gradum) Praeterquam si sit fideicommissum familiae, id quod ad nullum gradum restringitur, sed tamdiu durat, quamdiu supersunt masculi ex illa familia.

§. 660.

Ab intestato) Modo fideicommissum iniungatur heredi extraneo; quod enim ad liberos attinet, isti onerari non debent in legitima, quippe quam non beneficio parentum, sed dispositioni ipsius legis debent.

§. 661.

Die) Immo plerumque fideicommissa ex die uel in diem relinquuntur, et quidem non solum certum, sed et incertum aliquando, e. g. si morietur, quod maxime in fideicommissis familiae obtrinet.

§. 663.

Augustus) Occasionem totamque historiam huius iuris reperies in §. 1. *Inst. b. t.* iuncto *pr. Inst. de codicill.* et facile patet, Augustum hic discessisse a principio iuris naturae, quod soli rogationi nullam tribuit obligationem, nullam efficaciam.

§. 664.

Obligari) Fieri ergo non poterat, quin pleraque testamenta, ex quibus fideicommissum

missum debebatur, destituta fierent, adeoque nec heres institutus, nec fideicommissarius hereditatem caperent, sed contra intentionem testatoris res rediret ad causam intestati.

§. 665.

Hereditas) Sensus itaque huius SCti est, quantum rerum hereditariorum transeat in fideicommissarium, tantumdem etiam transire debere aeris alieni, adeoque fiduciarium et fideicommissarium creditoribus teneri pro rata.

§. 666.

Falcidiam) Vere ergo hoc SCtum, nihil aliud fuit, quam extensio legis falcidiae ad fideicommissa uniuersalia, qua ideo opus fuit, ne testamenta fierent destituta, si fiduciarius nihil lucrisperare posset.

§. 668.

Pegasiano) Non tam hoc SCtum, quam eius nomen explosum, notum enim est, hodie non amplius quartam uocari Pegasianam, sed potius Trebellianicam, cum tamen ex SCto Trebell. originem non capiat. Alias dispositio SCti Pegasiani non abolita, sed cum Trebelliano in unum conflata est.

§. 671.

Posse) Immo si pertinaciter recuset, ne opus quidem est restitutione, sed fideicommissarius ipse adire potest hereditatem *Nov. I. c. 2.*

K

§. 672.

§. 672.

Prohibuerit) Quam tamen causam aliqui indubium uocant, ueluti CHRISTINAEVS *Vol. 1. Decis. 316.* ex earatione, quod ita frustra-
neum esset Actum Pegasianum. Sed haec ratio tantum docet, parum prudenter id permis-
sum esse testatoribus, non autem istud iuri repugnare.

TIT. XXIII.

DE SINGVLIS REBUS PER FIDEICOMMISSVM RELICTIS.

§. 674.

Differunt) Huc tamen referuntur uerba: *uolo, mando, impero*, quia et sic heredi aliquid iniungitur, quod alteri tamquam fideicommissario praestare debeat. §. 3. *Inst. b. t.*

§. 675.

Testibus) Aut enim relinquuntur testamento, aut codicillis: si prius, opus est septem testibus; si posterius, quinque, adeoque non potest testator heredi praesenti iniungere, ut legatum praestet.

TIT. XXV.

DE CODICILLIS.

§. 676.

Codicillis) Dicti hi a *codice*, quo uocabulo etiam testamenta ueteribus ueniebant,

bant, ueluti in illo I V V E N A L. Sat. X.

- - - - - codice sacuo

Heredes uetat esse suos.

§. 678.

Ad finem) Plura exempla tum ex iure, tum ex aliis monumentis collegit BARN. BRISSONIUS *de formulis pop. Rom. libr. VIII.*

§. 679.

Testae) Vnde mirifice falsus est DAN. HEINSIUS, qui in libello *de satyra Horatiana*, Trebatium I C t u m tamquam dubiae sanitatis hominem traduxit, quam sententiam solide profligauit G V N D L I N G I U S in *dissert. sing. de C. Trebatio Testa.*

§. 680.

Sollemnis) Ex quo facile patet, quaecumque sollemnitate exigunt, ea in codicillis exfulare debere, e. g. heredis institutionem, substitutionem, exheredationem.

§. 681.

Testato) Quamuis uero tunc unicum tantum ualere possit defuncti testamentum, nihil tamen prohibet, quo minus plures exstent codicilli, dummodo sibi inuicem non sint contrarii, tunc enim posterior derogat priori, quod secus se habet si codicilli non contraria, sed diuersa tantum heredi iniungunt.

Cadunt) Praeterquam si testamentum quærela inofficiosi rescinditur, tunc enim nihilominus ualere potest codicillus, quia tantum

K 2

heredis

heredis restitutio rescinditur, reliqua ultimæ voluntatis capita in saluo manent.

§. 682.

Donare) Immo et tutorem dare, modo testamento confirmati sint codicilli, qua de re diximus supra §. 213, 2.

§. 684.

Testamentifactio) Immo si codicilli statim post testamentum scripti sint, uocantur *scbedæ testamentaria*, et tunc etiam sine testibus ualidi sunt. Vid. BOEHMERI *Dissertat. de codicill. sine testib. ualid.* Quod uero additur de mulieribus, est quidem uerissimum, et plurimum Ictorum suffragio probatum, tutius tamen semper est adhibere masculos, quia nonnulli hic dissentiunt, ueluti VINNIUS *ad. §. 3. Inst. b. t. n. 2.*

§. 685.

Codicillaris) Cuius unicus effectus est satis magni momenti, ut institutio heredis directa mutetur in fideicommissariam, quasi dixerit testator: PROXIMI COGNATI MIHI HEREDES SVNTO, EOS VEROGO, VT DETRACTA TREBELLIANICA RELIQUAM HEREDITATEM HEREDI INSTITUTO RESTITVANT.

§. 686.

Liberorum) Non enim hic diuersa institutio flecti potest in fideicommissum, partim quia liberi aut instituendi, aut nominatim ex-
here-

heredandi sunt, §. 250. partim quia testator heredes suos non potest onere fideicommissi grauari, cum legitima istis debeatur ex prouisione legis.

§. 687.

Possit) Quod satis absurdum est, cum testamentum fiat destitutum, si heres uel nolit, uel non possit adire. Neutro autem casu potest quis fideicommissum petere, adeoque nihil proderit hic herba ista Getonica.

* * * * *

LIBER III.

TIT. XIII.

DE SVCCESIONE AB INTESTATO SECVND. NOV. CXVIII.

§. 741.

Fundamentum) Cum olim fundamentum successionis in eo consisteret, quod admitterentur tantum, qui essent de familia. Hinc excludebantur emancipati liberi, itemque cognati, quin et ipsa mater, quia hi omnes ad familiam minus pertinere uidebantur.

§. 742.

Adscenderet) Aliquando tamen adscendentes et collaterales simul admittuntur, si nimirum adsint parentes, nec non fratres uel

K 3

foro-

sorores germani, germanorumque liberi.
Tunc enim hi omnes simul admittuntur.

§. 743.

Cognatos) Quae regula in allodialibus tantum ualet. Quod enim ad feuda attinet, in istis cognati plane exclusi sunt, nisi sint simultanee instituti. Immo et in maioratibus et fideicommissis familiae soli agnati succedunt, quia hi soli ad familiam pertinent.

I. DE SVCCESIONE DESCENDENTIVM.

§. 745.

Feminas) Iure tamen Saxonico masculi praecipuas habent res expeditorias, (das *Heergewette*) feminae utensilia, (die *Gerade*) quam tamen etiam filii clerici cum sororibus communem habent, modo uere ordinati sint.

§. 746.

Stirpes) In capita succedere dicuntur, qui totam accipiunt uirilem portionem, in stirpem contra, quia simul una portione uirili contenti esse tenentur, eamque inter se diuidere.

§. 747.

Pervenerat) Id quod tamen hodie ideo cessat, quia apud nos cessant poenae secundarum nuptiarum, adeoque e. g. uxor ad secunda transiens uota non amittit proprietatem rerum,

rum, quae ex priore matrimonio ad illam peruenerant.

§. 748.

Legitimati) Qui tamen non succedunt in feudis, 2. *Feudor. c. 26. §. naturales*. Fieret enim haec legitimatio in praeiudicium agnatorum et domini. Deficientibus tamen agnatis, si dominus simul sit princeps, recte legitimatio fieri posset eo effectū, ut et filius naturalis in feudo succedat.

§. 749.

Succedunt) Scilicet patri, non autem eius uxori, siquidem adoptio quidem iura agnationis, non autem cognationis tribuit. Vid. *Nov. CXVIII. c. 1. §. 2.* ubi etiam monetur, in adoptione minus plena filium et patri naturali et adoptiuo ab intestato succedere.

§. 750.

Diuidendum) Quod tamen de eo casu intelligendum, si pater intestatus morietur. Quum enim haec non sit portio legitima: nullum est dubium, quin patri libera sit testamentifactio, adeoque et ius, illegitimum ab hereditate excludendi.

Habentur) Vbi tamen non intelligenda naturalia alimenta, quia durissimum esset, innocentes liberos ad famem et sitim damnare, sed ciuilia tantum, quae ratione conditionis paulo lautiora praebentur.

II. DE SVCCESIONE AD- SCENDENTIVM.

§. 751.

Hereditas) Quia uero parentes liberis turbato naturae ordine succedunt, ac proinde hereditatem non sine lacrymis et planctibus adeunt, leges nostrae eleganter hanc hereditatem uel successionem uocant *luctuosam*.

§. 752.

Lineas) Si scilicet ex linea materna et paterna parentes eiusdem gradus supersint. Hinc si e. g. superstites sunt auus et auia paterni, et auia materna; haec semissem capit, alterum auus et auia paterni inter se diuidunt.

§. 754.

Diuidant) Attamen pater omnino retinet usumfructum maternae etiam portionis, si filius tempore mortis adhuc in eius potestate fuit. *L. fin. C. ad SCtum Tertull.*

§. 755.

Admitti) Aliud in Saxonia, ubi parentes fratres et sorores etiam germanos excludunt, id quod Saxones uocant *den Schoßfall*. Contra iure et consuetudinibus Austriacis successioni adscendentium plane non est locus, quemadmodum et iure feudali illa plane ignorantur.

§. 756.

Potestate) Itaque haec est exceptio a regula. Regulariter enim omnis successio inter adscen-

ascendentes et descendentes est reciproca. In sola adoptione minus plena casus est contrarius, quia liberi quidem succedunt patri adoptiuo, non pater liberis.

III. DE SVCCESIONE COLLATERALIVM.

§. 759.

Vocantur) Quo tamen non obtinet iure Saxonico, quippe quod non agnoscit ius representationis inter collaterales, adeoque iure Saxonico fratres et sorores excludunt fratrum et sororum liberos, quippe gradu remotiores. Id quod tamen non obtinet in urbibus Marchicis, quibus adhuc est ius Saxonicum, uelut Grosnae, Lillichauiae, Cotbusi, et Sommerfeldae, quia casus isti de successione diserte excepti sunt.

§. 760.

Unilaterales) Et hic etiam aliter philosophantur Saxones, apud quos obtinet regula: *die halbe Geburt tritt einen Grad weiter.* E. g. frater unilateralis iure Saxonico est in gradu tertio, et hinc simul ad hereditatem admittitur cum germanis liberis.

§. 762.

Cognatis) Semper enim respiciendum est ad principium, cuius supra meminimus §. 180. ubi diximus, arrogatum in arrogatoris fa-

miliam transire, adeoque illum accipere patrem, non autem eius uxorem matrem.

IIII. DE SVCCESIONE CONIVGV.

§. 763.

Vxor) Quo casu totam hereditatem capit superstes, quia aequum visum est praetori, coniugem superstitem praeferrī fisco, qui alias bona uacantiā occupare solet.

§. 764.

Decefferit) Caeterum haec successio ex hac *authentica* hodie paullo rarior est, quia plerisque locis prospectum est coniugi superstiti de portione statutaria, eaque plerumque pinguiore, quam quae ex hac *authentica* acquiritur.

V. DE SVCCESIONE FISCI.

§. 766.

Corpora) Nectamen omnia, sed quibus per modum privilegii hoc indultum est, qualia sunt collegia decurionum. *L. 4 C. de heredit. decur. nauicular. L. 1. C. eod.* ac denique fabricensium. *L. 3. C. eod.*

TIT. XIII.

DE OBLIGATIONIBVS.

§. 767.

Teneatur) Itaque ex iure ad rem nascitur tantum actio personalis aduersus istum, qui
se

se mihi obligavit, numquam aduersus tertium, nisi actio sit in rem scripta, quippe quae reales imitatur. Notandus itaque ea de re est textus classicus, puta *L. 20. C. de pact.*

§. 768.

Egredi) Atqui ex conuentionibus etiam heredes obligantur. Resp. hos, quia succedunt in omnia iura defuncti, cum defuncto pro eadem persona haberi, adeoque et pacta eius praestare debere, quamuis haec regula in delictis fallat, quoties de poena agitur.

§. 769.

Elidit) Quo inprimis etiam pertinent restitutiones in integrum. Quae uero iure stricto ciuili ualida sunt, ea saepe praetor rescindit data restitutione in integrum, e. g. quamuis qui coactus promisit iure ciuili soluere teneatur, praetor tamen aequitate motus dat actionem quod metus causa.

§. 770.

Adpellantur) Quae etiam effectum differunt, siquidem ciuiles semper sunt perpetuae, adeoque intra XXX. annos ex iis potest agi, praetoriae autem quaedam tantum durant annum, cuius rei elegantem reddunt Institutiones nostrae *pr. tit. de perpet. et tempor. action.* „actiones, quae ex propria praetoris iurisdictione pendent, plerumque intra annum uiuere, „quia et ipsius praetoris intra annum est imperium.”

§. 771.

§. 771.

Obligatorio) Et quidem proprio. Quamuis enim LAVTERBACHIVS in *Compend. Tit. de obligat. et act. p. 621.* etiam ex alieno facto, ueluti serui uel filii familias, obligationem nasci existimet: negandum tamen uidetur, obligationem istam esse ex facto alieno, quia pater aut iussit, aut peculium dedit, aut alio facto sese obstrinxit.

§. 773.

Pactio) Vbi ante omnia obseruandum, pactionem uel pactum accipi uel in sensu latiore, uel in strictiore, et in latiore quidem contractus etiam comprehendere, in strictiore contractibus opponi.

§. 776.

Præsentem) Hinc probe obseruandum, non omne uocabulum iuridice esse nomen, sed illud demum, ex quo actio eiusdem nominis nascitur: hinc omnes istae conuentiones, ex quibus nascuntur actiones præscriptis uerbis uel in factum, uel in conditiones ex lege, non habere dicuntur nomen, sed causam saltem.

§. 777.

Est) Quæ enim pacta adiiciebantur contractibus stricti iuris, uel non in continenti, sed ex postfacto demum accedebant, nullam actionem producebant, sed exceptionem, quia pro parte istius contractus non habebantur.

tur. Vid. BYNKERSHOEK. in *dissert. ad L. Lecta de reb. cred.*

§. 778.

Nascuntur) Falluntur ergo, qui quasi contractus deriuant ex consensu tacito: tacitus enim consensus uerus est, et ex facto colligitur, cum praesumtus sola fictione nitatur, sed tali, quae fundamentum habeat in aequitate naturali.

§. 779.

Facias) Quoties in hisce contractibus obligatio est ad dandum, toties non intelligenda est pecunia numerata, (sic enim fieret contractus nominatus, e. g. emtio uel locatio) sed potius aliud quid, quod est in commercio, quale exemplum in permutatione uidemus.

§. 780.

Consensu) Ut uero hanc intelligas diuisionem, obseruandum erit, contractum ab eo nomen accipere, a quo incipit obligatio. Sic reales ideo ita uocantur, quia obligatio incipit a rei traditione, uerbales, quia a uerbis sollemnibus pronunciatis, consensuales, quia a consensu perfecto.

§. 781.

** In re*) Non fallit haec regula, nisi in unica actione ex stipulatu de dote, quippe quam Iustinianus uoluit esse bonae fidei, cum tamen alias stipulatio sit contractus stricti iuris, *L. un. C. de rei uxor. act. toll.* sed ratio est, quia haec

haec actio ex stipulatu in locum rei uxoriae successit.

§. 782.

Est) Ex quo liquet, cur actiones contrariae non sint famosae, cum tamen quaedam directae infament, ueluti actiones directae depositi, pro socio, tutelae, et mandati. Rationem eleganter reddit Ictus in *L. 6. §. 7. D. de his, qui not. inf.* quia nimirum in contrariis actionibus non de perfidia agitur, sed de calculo.

§. 783.

Damnum) Vnde hic non agitur de damno, quod delinquendo datur, quippe ex quo nascitur actio legis Aquiliae, de qua infra *libro III. tit. III.* agitur, sed de damno, quod contrahendo quis dedit, quodque plerumque emendatur actione ex ipso contractu nata.

§. 784.

Macbinatio) Breuius hae definitiones concipi possunt hunc in modum: *dolus* est propositum alterum iniuste laedendi; *culpa* est omissio diligentiae, ad quam quis obligatus; *casus* denique est euentus; qui nec proposito nostro, nec negligentiae potest imputari.

§. 785.

Antecessum) Ex quo simul ratio huius regulae erui potest, quia nimirum huiusmodi pactum homines inuitat ad peccandum, adeoque contra bonos mores est.

Tute-

Tutela) Cur autem non in reliquis contractibus? Ratio differentiae haec est, quia reliqui contractus ineuntur a quolibet cum quolibet: hi quatuor autem non nisi inter amicos, quorum in fide et industria magnam fiduciam collocauimus. Turpe autem test amicum ab amico sub specie amicitiae decipi.

Directa) Praeterquam in mandato, ubi et mandans potest infamis propter dolum fieri, si dolo malo alterum, qui pro se fideiussit, indemnem praestare nolit. *L. 6. §. 5. D. de his, qui not. inf.*

§. 787.

Solitam) Si tamen res magis ad artem et ingenium pertinet, quam ad oeconomiam, tunc loco patris familias artifex pro fundamento et mensura ponitur. *L. 9. §. 5. et L. 3. §. 5. D. loc. cond.*

§. 788.

Est) Fallit tamen hoc in tutela, quamuis enim tutor omne incommodum sine commodo subeat, nihilominus tamen ad culpam leuem praestandam tenetur, quia interest reipublicae, rem pupilli saluam esse.

TIT. XV.

QVIBVS MODIS RE CONTRAHITVR OBLIGATIO.

§. 791.

Depositum) Sed an non quartus quoque addendus est contractus realis, nempe sequestrum? Id merito negatur, quia hoc ne contractus quidem nomen meretur, quippe quod non fit consentiente utraque parte, sed plerumque inuitis litigantibus, sibi que ius possidendi vindicantibus.

§. 792.

Fiat) Quod adeo absoluit naturam mutui, ut ueteres ideo existimarint, mutuum dictum esse, quia ex meo fiat tuum. Quae etymologia, quamuis falsa sit, satis tamen indicat, ueteres existimasse, in mutuo transferri dominium.

§. 793.

Alienatio) Esse alienationem probatur manifesto, quia omnes effectus translati dominii sunt penes debitorem. Nam 1) ex meo fit tuum *L. 7. §. 2. D. de reb. cred.* 2) debitor libere disponit de rebus creditis, 3) idem casum fert et rei interitu non liberatur. *L. 1. D. de oblig. et action.* Opponit quidem *SALMASIVS L. 55. D. de solut.* ubi non alienari dicuntur nummi, qui sic dantur ut recipiantur. Sed respondetur, ibi esse sermonem de nummis commo-

datis,

dati, non mutuo dati. Deinde aes mutuo datum dicitur quidem alienum, non quia non transferatur dominium, sed quod non computatur in vires patrimonii.

§. 794.

Condicti) Vbi quaerunt, quaenam detur condictio? et manifestum est, intelligi condictioem sine causa, quia debitor pecuniam possidet sine iusto titulo. *L. 19. §. 1. D. de reb. cred.*

§. 795.

Contractus) I.e. ad ualorem internum, qualis tum erat, cum contraheretur mutuum. Hinc si postea imminutus est iste ualor, praeter summam soluendum est superpondium, quod uocant Agio; sin creuit monetae ualor, tantum detrahendum est, quantum minoris tum moneta fuit.

§. 796.

Vsuras) Hinc si quis usuras sibi solui uellet, istas sibi separatim stipulari debebat, et tunc eo nomine instituebat condictioem ex stipulatu. Id quod hodie aliter constitutum per *R. I. de anno 1600. §. so viel nun*, secundum quera usurae etiam propter solam moram debentur.

§. 797.

Fungibilis) Potest quidem et fungibilis commodari, ueluti pecunia, cuius rei exemplum existat in *L. 4. D. h. t.* sed tunc non datur

L

tam-

tamquam res fungibilis, ut consumatur, sed ut salua substantia quis utatur.

§. 798.

Dominium) Nisi res detur commodato sub certa aestimatione uenditionis causa facta, e.g. commodum tibi equum ad hoc iter, si saluus non redierit, tu pro isto dabis quinquaginta.

§. 799.

Committeret) Ob quod tamen hodie ex furto non esset agendum, uti id fiebat apud Romanos teste VAL. MAX. VIII, 2. sed potius agendum esset ad id, quod interest, quia hodierno iure factum est crimen publicum, et quidem capitale.

§. 800.

Interveniat) Differentiam iam ostendimus in scholio huius §. cui addere potes mercedem peti posse actione ex stipulatu, honorarium contra actione in factum, seu praescriptis uerbis.

§. 801.

Praestet) Primus est hic contractus, in quo de praestatione culpa quaeritur. In mutuo enim haec quaestio ideo occurrere nequit, quia in isto contractu transfertur dominium: culpa autem non in re propria, sed aliena praestari solet.

§. 802.

Teneatur) Praeterquam si in mora sit restituendi, et ea occasione res perierit. Mora enim in iure nostro pro culpa habetur.

§. 805.

§. 805.

Fecerit) Vbi sumtus modici dicuntur minores locario ordinario, immodici, qui locarium istud excedunt.

§. 806.

Mobilem) Ergo immobilis proprie non deponitur. Nec obstat *L. 186. D. de verb. sign.* ubi commendare idem esse dicitur, ac deponere. Id enim verum est, si termini sint habiles, i. e. si adsit res mobilis. Potius ergo hoc pro mandato habendum, si quis rem immobilem alteri se absente commendat. *L. 5. §. 4. D. de praescript. verb.*

§. 807.

Vsus) Nisi depositum sit irregulare, quale fit, si depositario uel expressis verbis usus conceditur, uel res dantur nec obsignatae, nec inclusae, quum tamen sint fungibiles.

§. 808.

Degenerare) Et quidem in locationem, si pecunia numerata intercedat; in contractum innominatum do ut facias, si aliud quid detur pro pecunia, u. c. medimnus frumenti.

§. 809.

Culpam) Quod non mirandum, quum ex HERODOT. *libr. I.* et IVVENAL. *Sat. XIII.* pateat, etiam consilium defraudandi deponentem tum turpe uisum esse ueteribus, ut Glaucum ideo cum tota familia interiisse scribant, quod de interuertendo deposito cogitarit.

§. 810.

Mutuum) Quo casu ex principiis iuris hodierni depositarius etiam ad usuras tenebitur propter solam moram, per ea quae notauimus ad §. 796. ex R. I. de a. 1600. §. so viel nun.

§. 811.

Irregulare) Quia tunc ex deposito fit mutuum: in mutuo autem debitor fit dominus, ac proinde merito casum sustinet.

§. 812.

Teneatur) Obseruandum hic est, olim depositarium ob dolum malum semper condemnatum esse in duplum, siue simplex esset depositum, siue miserabile, ceu docet VLPIANVS in *Fragm. b. t.* Postea uero praetor hanc distinctionem adinuenit, eaque hodie utimur.

§. 813.

* *Grauiiores*) Quales sunt omnes, quae cum praepudio irreparabili sunt coniunctae. Extra hos casus ideo prohibita est sequestratio, quia nemini debet auferri beneficium possessionis, de quo infra §. 1286, 3.

§. 815.

Potest) Quod ideo inuentum, ne obtentu harum exceptionum depositum possit abnegari. Interim iusta est exceptio, si e.g. furiosus deposuerit gladium, eumque iam repetere uelit, tunc satius est, eum restituere magistratibus

tibus uel cognatis eius, quam ipsi furioso red-
dere.

§. 817.

Indemnitate) Quo etiam pertinet aboli-
tio cautionis, nec non salarium uel honorari-
um pro administratione hactenus suscepta.

§. 818.

Pactis constituta) Notanda et alia differentia
pignoris et hypothecae, nimirum quod pig-
nus in re mobili et immobili consistere potest,
cum hypotheca in rebus mobilibus plerisque
frustranea et nullius usus sit. Praeterea ius pi-
gnoris est ex iure ciuili, ius hypothecae est ex
iure praetorio.

Persequendas) Vnde absurde ita concipitur
libellus: Daß Beklagter die verpfändete Sa-
che Klägern so lange abzutreten schuldig, bis er
wegen ausgeklagten Capitals und Interesse
seine Befriedigung erhalten.

§. 819.

Crediti) Hinc nec dominium, nec usus rei
in creditorem transit, nisi accesserit pactum
antichreticum. Vnde nec creditor possidere
dicitur iuridice uel ciuilitur pignus, quia non
potest habere animum sibi possidendi, quam-
uis naturaliter possideat.

§. 820.

Transfertur) Nisi accesserit pactum anti-
chreticum, quo res ita traditur, ut credior si-

mul fructus percipiat loco usurarum, de quo pacto paullo post. §. 822.

§. 821.

Alienas) Quid uero si rem alienam quis oppignorauerit inconsulto uel inuito Domino? tunc hoc factum incidit in crimen stellionatus, de quo §. 3. et 4. *D. de stellion.*

Litigiosas) Quum uero istae sint inalienabiles, simulac lis fuerit contestata, alienatio autem non solum fiat per translationem dominii, sed et per oppignorationem, *L. 1. C. de reb. alien. non alienand.* consequens est, ut eiusmodi res nec possint oppignorari.

§. 822.

Usurarum) Quid uero, si fructus eius modi pignoris usurarum modum excedant? Resp. tunc creditorem non teneri ad rationes reddendas, si fructus sint incerti, nisi excessus admodum sit immodicus. Ob certos autem semper tenetur, nisi excessus nullius plane sit momenti. Vritaque hoc onere quis se liberet, consultissimum erit, loco pacti antichreseos inire contractum emtionis cum pacto de retrouendendo. Tunc enim fit dominus, nec ad rationes reddendas tenetur.

§. 823.

L. 23. §. 1. D. eod.) Docuit enim NOODTIVS *Probabil. I, 4.* post uocem: *culpa*, ponendum esse *colon*, et pro *ut*, rescribendum esse, *at.*

§. 824.

§. 824.

Pignoratitia) Non confundenda tamen cum actione Seruiana uel quasi Seruiana, quae et ipsa tamen obligando pignoratitia uocari solet. Illa enim realis, haec personalis est; illa praetoria, haec ciuilis; illa creditori datur; haec directe debitori.

§. 825.

**Retentionis*) Non ergo tunc res oppignorata amplius consideratur tamquam pignus, sed creditor in eo utitur iure retentionis, quod ius omnibus competit, qui debitoris res iusto titulo possident, quamuis ista possessio tantum naturalis sit, ut rem non teneantur restituere, donec debitum exsolutum sit.

TIT. XVI.

DE VERBORVM OBLIGATIONIBVS.

§. 827.

Perficiuntur) Vnde hi non sunt contractus iuris gentium, sed iuris ciuilis, quia omnes sollemnitates sunt arbitrariae, ac proinde a legislatoris uoluntate, uel consuetudine gentium pendent. Videatur GROTIVS in *iure belli et pac. libr. II. c. II. in pr.*

§. 828.

Operarum) Cum uero operae a liberto praestarentur uel officiales (welche bloß in der Aufwartung bestunden) uel fabriles, quae pro diuersitate opificij, quod libertus exercebat diuersissi-

L 4

mae

mae erant. Illae et sine promissione debebantur, hae non nisi iureiurando intercedente promissae. Videatur *tot. tit. D. de oper. libert.*

§. 829.

Respondendo) Ex quo simul patet, cur baptismus 1. *Pet. III, 21.* uocetur *stipulatio bonae conscientiae erga Deum*. Notae enim sunt interrogationes baptismales et responsiones congruae, quas antiquissimas esse, uel ex hoc loco discimus, cui iungendus est TERTULLIANVS in libro *de baptismo*.

Obligaretur) Vnde hic contractus est accessorius, quia tamquam aliquod firmamentum reliquis omnibus contractibus accedere potest, §. 3. *Inst. de diuers. stipul. L. 1. §. 3. D. de act. emt.*

§. 830.

Factum) Immo aliquando hae stipulationes non modo incertae sunt, verum etiam ridiculae, si nimirum non genus subalternum, sed summum sit promissum, e. g. si quis Titio promiserit animal.

§. 832.

Vitiat) Rationem reddidimus supra ad §. cit. quia nempe qui in impossibilem conditionem consentit, aut insanire, aut iocari uidetur. Priore uero casu obligari non potest, posteriore non uult.

Exceptione) Id est ipso iure non tollitur obligatio, tempore elapso, sed per modum exceptionis.

ceptionis tantum eliditur. Ratio quaerenda est in *L. 17. D. de pact.* quia nempe in contractibus stricti iuris pacta adiecta exceptionem tantum producant, non autem actionem.

Retrotrahitur) Hinc si e. g. pater filio stipulatus esset 100. cum eum adhuc in potestate haberet, sub conditione, si naus domum redierit, pater potest usumfructum huius pecuniae sibi vindicare, etiam si naus emancipato iam filio domum redierit.

§. 833.

Promittentis) Nec enim cautio Muciana, de qua supra *Tit. de hered. constitut.* diximus, ad contractus, sed ad ultimas tantum voluntates pertinet. Praeterea *CVIAC. Observ. XIII, 32.* huic cautioni in stipulatione locum esse uel ideo negat, quod haec est contractus stricti iuris. Enim uero ob identitatem rationis hodie nemo dubitabit, praestandum esse promissum praestita cautione Muciana.

Stipulari) Hodie tamen aiunt ex eiusmodi promissione actionem nasci posse, quod concedo, si agat quis tamquam mandans. Fingitur enim, mandatum intercessisse, si postea accedat rati habitio, quae retrotrahitur ad initium negotii.

§. 835.

Promissit) Non autem ad usuras, quae ex contractibus stricti iuris non debentur, nisi speciatim in stipulationem deductae sint.

L 5

Aliud

Aliud hodie per *Rec. Imp. de a. 1600.* § so viel
nun.

§. 836.

Ex L. 72.) Ex ea enim et reliquis tantum
id colligitur, stipulatori esse electionem, u-
trum factum exigere malit, an id quod inter-
est, non autem promittenti, qui ex natura pa-
cti tenetur ad faciendum id, quod promissit.
Vid. THOMASII *Dissert. alleg.*

§. 837.

Adiicere) Cuius quantitas potest esse,
quamtuncumque sibi stipuletur aliquis, si al-
ter promiserit, se quid facturum. Si quid e-
nim alter daturum se pollicitus est, conuenti-
onalis ista poena non potest excedere modum
usurarum legitimarum.

§. 838.

Sunt) Quamuis enim in formulis MAR-
CVLPHE aliisque iuris Germanici monumen-
tis saepissime mentio fiat stipulationum, ibi
tamen id uocabulum non denotat interroga-
tionem et responfionem congruam, sed
stipulatam manum, qui ritus inter Germanos
est antiquissimus.

TIT.

TIT. XVII.

DE DVOBVS REIS STIPVLANDI
ET PROMITTENDI.

§. 839.

Adquirunt) Itaque regulariter obligationes tum actiuæ tum passiuæ inter plures et promittentes et stipulantes sunt diuisæ, e. g. ut si Titius et Meuius promiserint 100, singuli 50. soluant, et si duobus promissi sint 100, singulis 50. debeantur.

§. 840.

Tenantur) Hoc ita intelligendum, quod ab uno tota promissa summa possit exigi, uel unus totam summam promissam possit exigere, ita tamen, ut si unus soluerit, uel uni solutum sit, obligatio exspiret.

§. 843.

Stipulandi) Itaque correi iure Romano fiebant tantum per stipulationem, i. e. per interrogationem et responsionem congruam. Itaque duobus respondentibus ad unius interrogationem, constituebantur rei promittendi. Vno uero respondente ad duorum quaestiones, constituebantur correi stipulandi.

§. 844.

Moralle) Non numquam et Latine exprimitur hæc formula: Wir versprechen in solidum. Ceterum huiusmodi uerbis absolute est opus, alias nulla adesse censetur cor-

correalis obligatio. Hinc e. g. si duo subscripserunt cambio, quod in singulari numero conceptum est, id uocatur *AVAL*, et primus tantum tenetur tamquam debitor principalis alter tamquam fideiussor.

§. 845.

Novissimo) Scilicet si textum conferamus Graecum, a quo Latina uersio plane discrepat. Quia tamen haec in foro recepta est, dubitari nequit, quin et error hic ius fecerit. Videatur *HAHNIVS ad Wesenb. b. t. n. s.*

§. 847.

Egrediatur) I. e. nemo potest ex stipulatione conueniri, nisi is, quocum stipulatio est inita. Cum ergo inter correos nulla intercedat stipulatio, actionem quoque cessare oportebit, nisi aliud adsit fundamentum, quale etiam tunc adesse censetur, si qua obligatio utriusque titulo oneroso quaesita est.

§. 849.

Sustinet) Opponi hic solet *L. 16. D. b. t.* ubi dicitur, seruum hereditarium stipulantem nihil agere. Sed adiicitur ibi expresse, eum nihil agere, si futuro heredi nominatim stipuletur, additurque ratio, quia stipulationis tempore heres dominus eius non fuit, qui casus a nostro plane diuersus est.

§. 850.

Factum) Ratio differentiae manifesta est. Seruus enim quia non erat persona, nihil proprii

prii habere poterat, at poterat tamen et agere et pati, adeoque sibi omnes stipulationes adquirere, quae in facto consistebant.

TIT. XVIII.

DE DIVISIONE STIPULATIONVM.

§. 852.

Conventionales) Tria ergo priora stipulationum genera nituntur auctoritate publica, et personarum publicarum iussu interponuntur, ultima species tantum priuata est. Unde priores etiam cautiones uel satisfactiones uocari solent.

§. 853.

Vtriusque) Praetoriae ergo cautiones tantum praestari debent ante litis contestationem, iudiciales post eandem. Communes tum ante, tum post litem contestatam.

§. 854.

Contigerit) Tunc tamen non praestatur damnum casuale, e. g. quod per tempestatem contingit, sed quod ex uitio et ruina aedium uetustarum accidit, *L. 34. pr. D. b. t.* Si quis sibi talem cautionem praestari non curauit, alter non tenetur nisi ad rudera auerhenda. Immo et hoc onere liberatur, si rudera uelit pro derelictis habere.

§. 855.

§. 855.

Venerit) Ea tamen cautione non est opus, si uel fiscus legatum sub conditione uel die debeat, *L. 1. §. 18. D. ut legat. seru. caus. cau.* uel si in diem legata sit res immobilis, quippe quae loco moueri nequit. Vid. *L. 1. D. ut in possess. leg. caus.*

§. 856.

Restitutum) Immo si metus subsit dilapidationis, hoc casu decerni posse sequestrationem, iam supra demonstrauius ad §. 812. in *schol.*

§. 858.

Praesent) Reuera ergo haec est cautio de euitatione, quam coheres coheredi debet, etiam si istam sibi in specie non sit stipulatus. Vnde etiam sunt, qui hanc cautionem pro superflua habent, quod ego tamen minime concesserim.

§. 859.

Dubitatur) Quoties tamen praesumptio est, alterum non esse falsum procuratorem, quod colligitur ex coniunctione personarum, uel ex litteris priuatis, toties quis admittitur cum cautione de rato.

§. 860.

Contrabendarum) Ceterum hae a praetoriis in eo quoque differunt, quod praetoriae semper requirunt fideiussores, *L. 7. D. de praet. stipulat.* cum conuentionales etiam in nuda repromissione consistere possunt, uel in pignoribus, iureiurando, cet. §. 861.

§. 861.

Facta) Vocatur hoc chirographum ein Cautions-Schein, idque communicandum est cum altera parte, ut haec moneat, si uel clausula, uel renunciatio desit, uel fideiussor plane sit inidoneus. Emendatum hoc modo chirographum si actio insinuetur, satis praestita censetur cautio.

TIT. XX.

DE INVUTILIBVS STIPVLATIONIBVS.

Rubr. Inutilibus) Id est, ex quibus nec obligatio, nec actio nascitur, et nec res, nec aestimatio debetur, nec poena denique conuentionalis *L. 103. D. de uerb. oblig. et L. 69. D. eod.*

§. 863.

Stipulari) Opponitur *L. 40. D. de reg. iur.* ex qua patet, furiosi et eius, cui bonis interdictum est, nullam esse uoluntatem. Sed resp. nulla eorum uoluntas est in se obligando, non autem in stipulando, dum meliorem reddunt conditionem suam. Vid. *WISSENB. in Comment. ad tit. de reg. iur. ad hanc L. 40.*

§. 864.

Habentur) Exceptio tamen est in peculio castrensi et quasi castrensi, quia in isto filius familias pro patre familias habetur, adeoque perinde est, ac si pater sibi stipulatus esset.

§. 865.

§. 865.

Filio) Puta emancipato. Nam si adhuc in potestate est, unam cum patre personam constituit, adeoque perinde est, ac si pater sibi stipulatus esset.

§. 866.

Fore) Quam maxime enim contutorum interest, rem pupilli saluam esse, quia alias non ipse modo tutor gerens, sed et honorarii ad indemnitatem tenentur. Vnde uere non alteri stipulantur, sed sibi.

§. 867.

Commercio) Et quidem absolute, e.g. templum, uel alia res sacra, si enim tantum certo respectu et ratione certarum personarum res non sit in commercio: sufficit eam esse in commercio stipulantis. Hinc Christianus a Iudaeo sibi stipulari potest mancipium Christianum, non autem Iudaeus a Christiano. Vid. *tit. C. ne Christ. mancip. haeret. uel Iud. uel pag. hab.*

Nequeunt) Quae enim facta laedunt pietatem, existimationem, et uerecundiam nostram, et ut generaliter dixerim, quae contra bonos mores fiunt, ea nec facere nos posse credendum est, eleganter monet PAPINIANVS *L. 15. D. de condit. inst.*

§. 868.

Effecturum) Tunc enim nihil alieni promissit, sed propriam diligentiam, qua adhibita merito liberatur, nisi simul promiserit indemn-

demnitatem, quo casu ad omne damnum refarciendum obstrictus erit.

§. 869.

Desit) Quae etiam absolute necessaria est in cambiis et chirographis, si inde agere uelimus executiue. Hinc non sufficit, debitorem fateri, se debere 100. sed addi debet causa, e. g. Welche er mir in einer unzertrennten Summe baar vorgestreckt.

§. 870.

Deductae) Sed quaeritur an stipulatio etiam ualeat ad summam concurrentem, e. g. si quis alteri 100. petenti 50. promittat? affirmatur, si alter consensum suum de nouo declarer, quia contingere potest, ut 50. debere nolit.

§. 871.

Sollemnitatis) Quod et de testamentis aliisque instrumentis obseruandum est tamdiu, donec probetur contrarium. Hinc si in testamento testes dicuntur rogati, hoc creditur, donec falsum esse, demonstratur.

TIT. XXI.

DE FIDEIVSSORIBVS.

§. 872.

Fieret) Vnico excepto casu, si quis fideiussisset pro tutore; tunc enim pro fideiussore habebatur, etiam si nulla intercessisset stipula-

M

tio,

tio, immo si uel idoneum testem nominasset, quo casu nominator uocabatur. Vid. *L. 1. C. de potior. ad mun. nomin.*

§. 873.

Stipulatione) Quod tamen requisitum hodie cessat, siquidem et sine stipulatione per nudum promissum uel per chirographum alienae obligationi accedere possumus. Unde et accuratiores obseruant, moribus nostris inter fideiussionem et constitutam pecuniam nihil esse differentiae.

§. 874.

Correus) Hinc fideiussor statim primo loco poterat conueniri, secundum ueterem paroemiam iuris: Den Bürgen muß man bürgen. Id quod hodie aliter sese habet, modo beneficio ordinis non sit renunciatum, uel debitor manifesto non sit soluendo, uel non facile possit conueniri.

§. 876.

Authent.) Quamuis enim huic renunciari non possit, iure tamen canonico admittitur renunciatio, modo ista sit iurata. Siue autem SCto Velleiano, siue authenticae huic renunciet, semper praemittenda est explicatio horum beneficiorum, quam uocant certiorationem. Alias inualida est omnis renunciatio.

§. 877.

§. 877.

Immineat) Quo pertinet etiam fideiussio praestanda, si cui saluus conductus conceditur, cui semper inest duplex clausula, 1) bis etwas peinliches erkannt werde, altera, jedoch daß er sich auch geleitlich verhalte. Si ergo uel tortura saltim decernitur, uel reus nouum delictum admittit, saluus conductus statim expirat.

§. 878.

Sequuta) Quae sequitur, quoties uel debitor creditorem, uel creditor debitorem heredem instituit. Tunc enim idem fit debitor, qui creditor, adeoque necessario obligatio expirat, praeterquam, si heres institutus hereditatem adiit cum beneficio inuentarii, quia tunc omnis confusio patrimoniorum cessat. Vid. supra §. 599.

§. 879.

* *Prouocet*) Haec uero prouocatio non est actio, sed tantum prouocatur quis ad replicandum. Hinc etiam non dicitur in Sachen Titii Klägers contra Meuium Beklagten, sed in Sachen Titii Prouocanten und Meuii Prouocaten, eiusque finis est, ut nobis salua sit exceptio ordinis uel excussionis.

§. 881.

Diuidatur) Enim uero hoc beneficium supponit terminos habiles, ut omnes confideiussio-

res sint soluendo, alias manet unius ex confideiussoribus obligatio in solidum, et contra hunc solum decernitur executio. Videatur *L. 3. C. b. t.*

§. 882.

Prodest) Addendi sunt bini casus, ubi huic beneficio itidem non est locus. Nempe 6) si quis una cum femina fideiussit, *L. 48. b. t.* et 7) si fideiussor alter est principalis, alter succedaneus. *L. 27. §. fin. D. b. t.*

§. 884.

Renunciatum) Cessat etiam 4) si fideiussor se obligauerit als *Selbst-Schuldener*, 5) inter mercatores, si alius pro alio fideiussit, 6) si fideiussor negauerit fideiussionem. *L. 10. §. 1. C. b. t.*

§. 885.

**Soluatur*) Inprimis obseruandum est, cautos esse debere fideiussores circa diem et consulem sub apocha et cessione. Si enim indicat *Datum*, cessionem post solutionem factam, nulla inde dabitur actio.

TIT. XXII.

DE LITTERARVM OBLIGATIONIBVS.

§. 887.

Substantiam) Hic contractus a Iustiniano demum inuentus est. Olim enim ut in §. *un. D.*

D. b. t. ait Iustinianus, nominibus fiebat scriptura, i. e. debitor nomen suum cum summa debita inscribebat Calendario creditoris, eoque producto et agnito condemnabatur in summam soluendam, etiamsi nihil pecuniae accepisset. Vid. THEOPH. in *paraphr. b. t.*

§. 888.

Chirographo) Quemadmodum enim super litterali contractu fiunt Syngraphae, ita super contractu unilateralis chirographa conficiuntur. Si ergo hoc habet requisita omnia, nempe ut comprehendat nomen debitoris, creditoris, summam, causam debendi, et diem solutionis, tunc a Saxonibus dicitur *instrumentum guarentigiatum*, (flare Brief und Siegel) ex eoque executivae agitur, quamvis pecunia non numerata sit.

Acceperit) Origo haec est processus executivi, quem in foro vocant, cuius in eo consistit natura et indoles, ut 1) in libello non urgeatur litis contestatio, sed recognitio vel iurata diffessio 2) ut non admittantur exceptiones altioris indaginis, sed tantum in continenti liquidae, reliquis ad reconventionem remissis.

§. 889.

Mutui) Non ergo ex contractibus aliis maxime bilateralibus, quia debitor quidem cogitur blandiri creditori, eius modi autem blanditiis opus non est, si pro re, res vel pecunia datur.

§. 890.

Actorem) Notum est, hic dissentire HERM. ZOLLIVM, qui singularem tract. edidit de exceptione non numeratae pecuniae, ubi existimat *stef. V.* opposita exceptione etiam ante biennium probationem incumbere debitori, quia et elapso biennio debitorem posse eandem exceptionem opponere, modo probationem in se suscipere uelit, quae iuri Romano plane repugnant.

* *Argentarius*) Sed an non etiam renunciatione haec exceptio tollitur? Negatur, quia aequae facile creditor a debitore induci poterit ad renunciandum, quam ad dandum chirographum, ceu docuit STRYK. in *Cant. contr. sect. II. cap. 7. §. 10. seqq.*

§. 891.

N. N. P.) Ratio in promptu est, quia partim depositum est contractus bilateralis, partim etiam cessat ratio introductae huius exceptionis. Non opus enim est depositario uel deponenti blanditiis, ut iste contractus perficiatur, nec in sanum hominem cadit tanta imprudentia, ut syngraphum (einen Depositen-Schein) dare uelit, cum res numquam fuerint depositae.

§. 892.

Repetita) Facilius enim hic praesumitur, eum, qui apocham dedit, illam sub spe solutionis dare, maxime si res agatur inter amicos, uel

uel si pecunia exigatur a uiro, cui debetur ueneratio. Ceterum actio, qua intra XXX. dies apocha repetitur, est ipsa condictio sine causa.

§. 893.

Non numerat) Cautio hic idem est, ac apocha, et proinde dos cauta est, super qua apocha data est a genero. Cum uero gener socero uenerationem debeat, praesumunt iura, eum, data licet apocha, numerationem tamen dotis non nimis acerbe urgere uoluisse.

§. 894.

Reo) Quae reuera nihil aliud est, quam exceptio non numeratae pecuniae, quam tamen leges non admittunt post biennium. Doctoribus itaque hoc nouum ius debemus, qui hic aequitati cerebrinae, quam iuri scripto inhaerere maluerunt.

TIT. XXIII.

DE OBLIGATIONIBVS EX CONSENSV.

§. 895.

Exigunt) Quamuis enim et contractus consensuales maxime de rebus immobilibus in instrumenta uel scripturam redigi soleant: tamen haec non pertinent ad substantiam contractus, sed tantum ad probationem eo faciliorem, adeoque obligatio non nascitur ex instrumento, sed ex consensu.

M 4

§. 897.

§. 897.

Tribuit) I. e. constitutione singulari sanxit, ut contractus iste emphyteuticus in posterum nec ad emtionem uenditionem, nec ad locationem conductionem referatur, sed pro singulari, eoque quinto contractu consensuali habeatur.

TIT. XXIII.

DE EMTIONE ET VENDITIONE.

§. 898.

Tradenda) Non ergo de transferendo dominio, quia hic contractus etiam tunc perfectus est, quando dominium non transfertur, quod fit, quoties a non domino quid emo. Videatur MERILLIYS *Observat.* III, 28.

§. 899.

Substantiam) Vocari haec solent *essentialia* uel *substantialia* contractuum, sine quibus non potest contractus iste subsistere. Vnde ab iis differunt *naturalia*, quae quidem per leges adesse iubentur, pactis tamen possunt mutari, ac denique *accidentalibus*, quae legibus plane non definiuntur.

§. 900.

Contractus) Tunc enim non consenserunt contrahentes absolute et pure, sed sub conditione, si scriptura perfecta sit: ergo nec prius perfectus erit contractus, quam extiterit illa conditio.

§. 901.

§. 901.

Paratus sit) Hodie contrahentes in hunc casum stipulari sibi solent poenam conventionalem, quae uocatur *der Neu-Kauff*, quae tunc ei ab altero est praestanda, qui a contractu uelit recedere.

§. 902.

Publica) Talia exempla quam plurima collegit *CVIACIUS Obseruat. XXVII, 9.* eoque in primis pertinet casus, si quis in maxima annonae grauitate frumentum uendere cogatur.

§. 903.

Emtio) Eodem etiam pertinent duae istae actiones aedilitiae, *redhibitoria* et *quantimino-
ris*, quarum illa datur ad contractum rescin-
dendum, haec ad tantum de pretio restitu-
endum, quanti res minoris emi potuerit.

§. 904.

Materiae) Distinguitur ergo recte inter errorem in substantialibus et accidentalibus. Ad illa referuntur materia, subiectum de quo consenserunt contrahentes, et quantitates primariae; ad haec autem accessoria et qualitates secundariae.

§. 905.

Alienae) Quamuis enim saluum sit domi-
no ius uindicandi, ipseque uenditor conueni-
ri possit ob stellationatum admissum: eatenus
tamen rata est emtio uenditio inter contra-

hentes, ut actionibus ex illo contractu natis se inuicem possent conuenire.

§. 906.

Furtivae) Eatenus, ut si uenditae sint, emptor dominium non consequatur, ne per usucapionem quidem, quia uitium rei furtivae ad omnem possessorem ambulat cum ipsa re, nec prius purgatur, quam res ad priorem dominum redierit.

§. 907.

Consistit) Cum ergo ueteres pecunia destituti essent, eiusque loco plerumque uterentur pecudibus, facile patet, permutationem antiquiorem esse contractum, quam emtionem venditionem. Vid. *L. 1. pr. D. b. t.* et *PLINII Hist. nat. VII, 56.*

§. 908.

Praesumptio) Huius quaestionis usus maxime elucet in iure retractus, siquidem hoc locum quidem habet in emtione uenditione, non autem in permutatione. Ergo frequenter incidet haec quaestio, uter ex his contractibus sit initus?

§. 909.

Nummo) Neque huic regulae obstat *L. 16. D. de reg. iur.* quae et de emancipatione tantum loquitur, et ita explicari potest, imaginariam uenditionem non esse, quae fiat accedente pretio iusto et uero.

Enormem) Est haec laesio ultra dimidium, quae

quae paullo difficilioris solet esse probationis, quia res non aestimanda est pro hoc tempore, sed qualis fuit tempore contractus.

§. 910.

Traditionem) Et quidem ita, ut emtori simul praestet uacuam possessionem. Quamvis enim ipse emtor conductorem expellere suo iure possit, secundum notissimum axioma; *Kauff gehet vor Miethe*, ad id tamen non est obstrictus, sed id iure meritoque postulat a uenditore.

§. 911.

Perierit) Quod in primis in uenditione equorum solet considerari, si nimirum ex inspectione intestinorum appareat, equum ex morbo quodam inueterato et diuturno malo periisse. Regulariter tamen tantum ad tri-duum quibusdam locis promittere tenetur uenditor, equum esse, bibere, ut oportet.

§. 913.

Fuit) Quae actiones et praescriptione differunt, siquidem redhibitoria, quia rescissoria est, tantum sex menses; altera quanti minoris annum durat.

§. 914.

Pertinent) Immo eiusdem conditionis sunt res etiam non fixae uinctae, modo in perpetuum fundi usum sint destinatae, e. g. lecti in diuersorio, tormenta in munimentis, cet.

§. 915.

Vsuris) Si uero ipse uenditor in mora accipiendi fuit, consultissimum fuerit, pretium afferre iudicialiter et deponere. Nisi enim id fiat, emtor nihilominus ad usuras tenebitur, quia nemo potest simul rem, simul pretium habere.

TIT. XXV.

DE LOCATIONE ET CON-
DVCTIONE.

§. 916.

**Dicitur*) Eodem referas admodiationem, quando quæ totam prouinciam, e. g. ducatum uel principatum, per auersionem con-ducit. De cuius contractus natura conferendus BESOLDYS in *Tbes. pract. sub uoce: admodiatio*.

§. 917.

Mercede) In quo genere locationis conductionis istud maxime est singulare, quod locator non accipit mercedem, sed dat, cum alioquin conductor dare mercedem soleat, locator accipere.

§. 918.

Rei usus) Praecipua ergo haec est ab emtione differentia. Haec enim est titulus ad transferendum dominium habilis, illa non est; deinde per emtionem uenditionem transfertur
possef-

possessio civilis, per locationem tantum naturalis. Hic emptor per interdictum potest defendi in possessione, conductor non potest.

§. 919.

Conuenerit) Non ergo hic contractus ideo fit litteralis, quia syngrapha accedit, sed manet consensualis, quia non obligatio nascitur ex litteris, sed ex consensu, qui ex litteris probatur.

§. 920.

Decuriones) Quia hi curiae tamquam glabrae adscripti erant, de qua curialium conditione diximus supra tit. de nupt. §. 170. in schol.

L. un. C.) Sed hoc priuilegium in hac lege omnibus etiam adhibitis perspicillis uix quicumquam uidebit, et tamen istud in praxi hodie num admittitur, modo opifex cum strepitu faciens opificium non prior in possessione fuerit. Similia priuilegia permulta collegit REBUFFIVS in libello de priuilegiis studioforum, quem scholiis illustrauit LUDOVICI.

§. 921.

Solitae) I. e. illiberales, quae manu tantum praestantur, non ingenio. Quod adeo uerum est, ut ne mensor quidem actione locati conueniri possit, si falsum modum renunciauerit, sed utendum sit actione in factum aduersus mensorem, quia mensor ingenio operas praestat.

§. 922.

§. 922.

Locantur) Et quidem pro parte quantâ, quae consistit in certa mensura fructuum, e. g. pro tot medimnis. Si enim pro parte quota locatur praedium, e. g. ut colonus dimidiam partem fructuum quotannis praestet: tunc vere est societas, quia alter rem, alter operam confert, lucri in commune faciendi causa.

§. 923.

Est) Vnde hoc casu nec actioni locati locus est, sed potius institui debet actio praescriptis uerbis. §. 1. *Inst. b. l.*

§. 924.

Leuem) Cui non opponenda est §. 5. *Inst. b. l.* cum ibi quaestio sit de operis ab opifice aut artifice praestandis. Horum autem imperitiam quoque culpa leui esse adnumerandam, patet ex *L. 9. §. penult. D. b. l.*

Fatalem) Et quamuis quis in se receperit casus fortuitos, merito tamen excepti censentur insolentissimi, de quibus singularis, eaque pererudita *dissertatio* EV. OTTONIS existat.

§. 925.

Miethe) Quam singulari dissertatione defendit ZAVNSCHLIFERVS, cum contrarium tueri conaretur HERM. ZOLLIVS. Quod ad rem ipsam attinet, analogiae iuris quam maxime consentanea est prior sententia,

tia, quia successor singularis numquam tenetur praestare facta antecessoris sui, et conductor nouum emtorem neque ex contractu, neque ex iure in re sibi obstrictum habet.

§. 927.

Directae) Neque enim alteruter contrahentium demum ex postfacto obligatur: sed uterque alteri ex ipsa natura contractus est obligatus. Eo autem casu ex bilaterali contractu duas actiones directas nasci, ostendimus supra §. 782.

§. 928.

Vfuris) Eo casu etiam realis actio locum habet, si pro hac mercede aliquid sit oppignoratum, siue expresse, siue tacite. Vnde saepissime animaduertimus loco huius actionis personalis institui hypothecariam.

DE CONTRACTV EMPHYTEVSEOS.

§. 931.

Perpetuum) Canon iste uocabatur uectigal, idque distinguebatur in *decimas*, quae de agris; *scripturam*, quae de pratis et pascuis; ac denique *portoria*, quae de fluminibus similibusque bonis soluebantur. Vnde facile patet, cur in Digestis una rubrica contineantur *bona uectigalia et emphyteuticaria*.

§. 932.

§. 932.

Proximum) Et tale quidem, quod emphyteutae dat ius omnem utilitatem ex agro percipiendi, domino emphyteutae uero ius percipiendi canonem, protimiseos, et exigendi apochas ab emphyteuta ob soluta onera publica.

§. 933.

Praeslito) Caue ergo existimes, canonem hunc esse pensionem annuam uel locariam, quod pro fructibus detur. Sane enim nec fructibus proportionatus esse solet, et debetur etiam eo casu, si nihil fructuum perceptum fuerit.

§. 934.

Ecclesiasticis) In his adeo necessaria est scriptura, ut contractus hic irritus habeatur, si non accesserit, ceu praeiudiciis demonstrauit CHRISTINAEVS *Vol. III. Decis. 119. num. 5.*

§. 935.

Percipiat) Vbi frustra dissentit HARP-
PRECHT. *ad §. 3. Inst. de locat.* Ab usufructu enim, quem quis in re aliena habet, non procedit consequentia ad dominium, quod in re propria constituitur, adeoque et emphyteuta, et uasallus, et superficiarius, thesaurum merito suum faciunt, modo ultimo casu non in fundo repertus sit.

§. 936.

§. 936.

Pretii) Aliquando tamen paullo magis requiritur laudemium, prout id uel contractu ad liquidum productum est, uel consuetudine prouinciae alicuius inoleuit. Varia exempla collegit FRANZKIVS in tr. *de laudemiiis*.

§. 937.

Exspiret) Si nempe perpetuus sit iste interitus. Si enim res ad priorem statum redit, e.g. cessante inundatione: dominium etiam reuiuiscere, nullum est dubium.

§. 938.

Canonico) Quamuis uero praxis diuersa sit: pleraque tamen fora sequuntur regulam iuris canonici, quippe et aequiorem et benigniorem. Vid. CHRISTINAEVS *Vol. I. decis. 157*.

§. 940.

Debita) Adhuc notandum discrimen inter bona censitica emphyteutica. In illis enim dominium non est diuisum, sed censitus pleno dominio gaudet, quamuis ille, qui censum potest exigere, hypothecam habeat in isto fundo, ex quo census soluendus est. Ceterum cum contractus censiticus sit iuris Germanici, emphyteuticus uero peregrini: nullum est dubium, quin in dubio praesumptio sit pro contractu censitico.

TIT. XXVI. DE SOCIETATE.

§. 941.

Quasi contractus) Immo ius quoddam ex quasi contractu et dominio mixtum. Unde et actio communi diuidendo non modo personalis, sed et simul realis, adeoque mixta est, de ea dicemus infra §. 980. seqq.

§. 942.

Sint) Quam fraternitatem sociorum etiam agnouerunt maiores nostri, qui proinde hunc contractum dixerunt eine *Mascopen*, quasi *Magschaftey*, i. e. cognationem, quod uocabulum etiamnum usu receptum est.

§. 943.

Nominibus) De his etiam nota est regula iuris: *nomina ipsis offibus inhaerent*. Itaque ea nemo potest exigere, nisi qui contraxit, uel eius heres, etiam si sit bonae fidei possessor instrumenti, (ein getreuer Briefs-Innhaber.) Itaque semper opus est cessione, uel in cambiis in dossamento, alias actor ad causam se legitimum nequit.

§. 945.

Conferat) Modo illas conferat tamquam socius: si enim illas locet tantum ueluti institutor, nec lucri, nec damni particeps est, sed tantum salario suo contentus esse debet.

§. 946.

§. 946.

Sit) Eatenus nempe, ut si socius talem societatem ualere nolit, ad eam rescindendam recte agat. Si uero socius nolit istum contractum rescindi, ualebit procul dubio, non tamquam societas, sed tamquam donatio.

§. 947.

Competentiae) De quo diximus infra §. 1199. *seqq.* ubi docuimus, in hoc consistere hoc priuilegium, ut aliquis non queat in plus conueniri, quam quantum facere potest.

§. 948.

Contulit) Quamuis enim hic dissentiant CONNANVS in *Comment. iur. ciu.* II, 13. nec NON THVLDENVS in *Comment. ad tit. C. pro soc. cap. 5.* ab hisque non multum dissentiat HVBERS: praxis tamen, ipsaque naturalis aequitas magis probat acquitatem geometricam, quam arithmeticam.

§. 949.

Societatem) Si tamen ad certum tempus inita fuerit societas, et alter ante tempus discedat, non dubium est, quin aduersus eum actio competat ad id, quod interest, si nemope damnum aliquod doceri possit.

§. 951.

Heredes) Quamuis enim ipsa societas ad heredes non transeat, §. 949. obligatio tamen, quae ex hoc contractu nascitur, omnino

transit ad heredes, adeoque hi ex facto defunctorum agere et conueniri recte possunt.

TIT. XXVII. DE MANDATO.

§. 953.

** Mandabant*) Praeter locum **PLAUTI** hic laudatum eo pertinet alter **TERENTII** in *Heautont. act. 3. sc. 1. u. 84.* ubi Menedemus; *Cedo, inquit dextram, porro te idem oro, ut facias Chreme.*

§. 954.

Gestione) Attamen hic quasi contractus degenerare potest in mandatum, si re adhuc integra accedit rati habitio. *L. 50. D. b. t.* haec enim retrotrahitur ad initium negotii.

Fraudulentum) Quo etiam casus pertinet, si quis in crimine speciale subministret consilium. Hinc enim actio prodita est etiam aduersus eum, cuius ope et consilio furtum factum esse dicitur, de qua *libr. IIII. tit. 1.*

Commendatur) Quod tamen fallit inter mercatores, inter quos litterae commendatoriae uel credentiae, quas uocant, commendantem obligant tamquam fideiussorem. Vid. *GOMETZ Part. II. resol. 13. num. 5.*

Obligamus) Neque id sine ratione Ictis placuit; quia enim mandatum est contractus, et is duorum saltem consensum in idem pla-

placitum requirit: consequens est, ut pater filio, dominus seruo, nihil mandare possit propter unitatem personae.

§. 955.

Patitur) Adde etiam mandatum praesumptum, quod adesse censetur, si uel cognatus pro cognato agat, uel ex aliis indiciis constet, hunc rogatu alterius comparere. Nihilominus tamen tunc opus est cautione de rato, de qua diximus infra §. 1260.

§. 956.

Speciale) Quo opus est, quotiescumque in foro res explicanda, quae summo cum principalis praeiudicio coniuncta sit, e. g. si transigendum, iusiurandum deferendum uel referendum, uel in eius animam praestandum.

§. 958.

Agit) Differunt hi mandatarii ratione legitimationis; ille enim tenetur legitimare personam producta mandato; hic autem sese legitimare debet ad causam producta cessione, alias enim plane non admittitur si uel maxime sit b. f. possessor instrumenti.

§. 959.

Agere) In delictis tamen res aliter sese habet, quia mandans in re illicita uersatur, et excessui causam et occasionem dedit. Eleganter hoc illustrauit HERTIVS in *dissert. de obligatione mandantis et mandatarii, contemplatione* III. §. 18.

N 3

§. 960.

§. 960.

Notetur) Est ergo et hic contractus inter famosos, quia nemini mandamus, nisi in quo maximam spem collocamus ob uirtutem et amicitiam, turpe autem est amicum ab amico sub specie amicitiae circumueniri.

§. 961.

Integra) Tunc enim non interest mandatarii, adeoque nec locus est actioni mandati contrariae; potest ergo quidem et re non amplius integra mandatum reuocari, sed tunc mandans mandatario tenetur ad indemnitatem.

§. 963.

Interest) Huic petito locus est, quoties alter negotium sibi commissum non expediuit, et mandato tamen tempestiue non renunciauit; tunc enim tenetur mandatarius ad omne, quod interest, adeo ut ne restitutio in integrum peti possit a mandante, nisi excusso prius mandatario.

TIT. XXVIII.

DE OBLIGATIONIBVS QVAE
QVASI EX CONTRACTV
FLVNT.

§. 966.

Honestà) Caue ergo definitionem quasi contractuum desumas ex *pr. Inst. b. t.* (ibi enim

enim non est definitio, sed connexionis tantum ratio) multo minus tibi suaserim, ut quasi contractus derives ex consensu tacito, quia et infantes quasi contrahunt, cum nec expresse, nec tacite consentire possint; sed fundamentum quasi contractuum est consensus praesumptus uel fictus.

§. 968.

Alii) Id quod obseruandum contra WESTENBERGIVM, qui non alios statuit quasi contractus, quam hos *tit. in Instit.* recensitos. Sed illam sententiam uel sola obligatione nautarum, cauponum, et stabulariorum conuelli posse, patet, hos enim ex quasi contractu obligari, diserte dicitur in *L. 7. D. naut. caup. stabular.*

§. 969.

Negotia) Ex quo patet, negotiorum gestionem tantum uersari circa negotia extraiudicialia, feminam enim pro alio postulare non posse in foro, satis notum est ex *L. 1. D. de postul.*

§. 970.

Teneatur) Si tamen rem paulo attentius consideres, negotiorum gestor tunc reuera non praestat casum, sed culpam. Culpa enim et imprudentia est, omnes alterius facultates aleae exponere, cum prudens pater familias id facere non soleat, nisi tantae sint opes, ut iactura facile refarciri possit.

§. 971.

Intercepta) Fundamentum huius decisionis est in axioma supra tradito §. 785. ex quo patet, casum a contrahente numquam praestari, nisi uel quis in mora sit, uel casum ultro in se receperit.

§. 974.

Gestum) Quo casu consultissimum est, ut qui negotiagerit inuiti, si e. g. pro illis prohibentibus soluat, iura sibi cedi iubeat: tunc enim quamuis agere non possit tamquam negotiorum gestor, recte tamen agit ex iure cesso.

§. 975.

Diligentiam) Hinc omnino distinguendi sunt casus, an tutor conueniatur ex hoc quasi contractu, an ex delicto: prius fit, si istum compellere uelimus ad officium praestandum; posterius si agimus ad poenam ob officium non praestitum, quo pertinent actiones de suspectis tutoribus, et distrahendarum rationum.

§. 978.

St) Sed quaeritur, an hac actione et salarium quoddam petere possit? Id negatur iure Romano, quia tutela est munus publicum. Moribus tamen Germaniae multis locis obtinet, ut finita tutela tutori decernatur honorarium pro uiribus patrimonii et nauata opera, quod eo minus mirandum, quo magis con-

constat, apud Germanos olim fuisse tutelam fructuariam. Vid. IO. PET. de LVDEWIG *Dissert. de tutela fructuaria*, quae habetur in eius *Opusculis miscellis*.

§. 980.

Communio) Differunt hae communioniones ratione obiecti; in priore enim ius uniuersale, nempe hereditas, communis est; in posteriore res tantum singularis, e. g. praedium, ager, domus.

§. 981.

Duplex) Sunt uero actiones duplices, ubi uterque et actoris et rei partes sustinere potest, quo casu tamen pro actore habetur, qui prior in iudicio comparuit; si uterque simul ad iudicium prouocauit, qui prior rem proposuit; si uterque per conuicium actionem proposuit, quem fors actorem esse iubet.

§. 982.

Coheredem) Ex quo patet discrimen huius actionis ab hereditatis petitione; hic enim agimus non aduersus eum, quem pro herede agnoscimus, sed aduersus illum, qui pro herede uel possessore possidet, illa uero semper contra coheredem, quem talem agnoscimus, L. 1. §. 1. D. h. t.

Diuidendam) Ius Saxon. libr. III. art. 29. recipit paroemiam; *maior diuidit, minor eligit*. Si frater et soror coheredes sint: haec diuidit, ille eligit; quod ius etiam illis locis obtinere

animaduerti, ubi iam pridem repudium datum est iuri Saxonico.

§. 983.

Consequendas) Cum enim haec actio mixta sit, aequae ac antecedens, cum partim ex iure in re, nempe ex condominio, partim ex iure ad rem, i. e. ex quasi contractu nascatur, consequens est, ut et petitum libelli ex utroque iure proficisci debeat.

§. 985.

Censetur) Alias enim defunctus haec legata et fideicommissa non debuit, adeoque singulare adesse debet fundamentum, cur heres obstrictus sit ad ea soluenda; hoc uero non aliud est, quam aditio hereditatis, et coniunctus cum ea quasi contractus.

§. 986.

Morae) An uero aliquis in mora sit, diiudicandum est ex *Pand. quando dies legat. uel fideicommiss. ced.* modo ulla heredis culpa accesserit.

§. 987.

Accepit) Si enim sciens et uolens indebitum accepit, non utendum est conditione indebiti, sed conditione furtiua quia rem alienam inuito domino lucri faciendi causa contrectauit.

§. 988.

Mulier) Immo et miles nec non rusticus, quibus omnibus ignorantia iuris fraudi non est, quoties

quoties de damno uitando certant: quamuis, quod ad rusticos attinet, ne illi quidem sint excusandi, si iurisperitorum copia fuerit. Vid. *L. 19. de iur. et fact. ignor.*

§. 989.

Ciuili) Hinc semper distinguendum, an ius ciuile tantum exceptionem det, quemadmodum in SCto Macedoniano, an actionem et exceptionem simul, ueluti in SCto Velleiano. Priore enim casu indebiti repetitio cessat, posteriore omnino licita est.

§. 990.

Accepit) Nec obstat, quod VINNIUS ad §. 6. *b. t. num. 1.* obiicit, accipientem hic non contrectare rem alienam inuito domino. Resp. enim in *L. 43. pr. D. de furt.* eum, qui se simul et creditorem, si quid acceperit, furtum omnino facere, si nempe debitorem antea urserit.

§. 991.

Vsuris) Id quod tamen hodie aliter sese habere, si accipiens in mora sit, ostendimus supra §. 796. ex *R. I. de anno 1600.* §. so viel nun.

§. 992.

Causa) Vbi causa reuera idem est, ac titulus, adeoque huic actioni locus est, quotiescumque alter rem nostram sine titulo possidet, ueluti si chirographum dederim creditori, et is pecuniam non numerauerit.

TIT.

TIT. XXVIII.

PER QVAS PERSONAS NOBIS
OBLIGATIO ADQVIRITVR.

§. 993.

Retrotrahatur) Hinc adimpleta conditione non quaeritur, quis sit status filii familias uel serui eo tempore, quo conditio existit, sed qualis fuerit tunc, cum obligatio contraheretur. Cum ergo illo tempore adquisiuerit patri uel domino suo, huic iam etiam cedit hoc lucrum, quamuis ille non amplius sit filius familias aut seruus.

TIT. XXX.

QVIBVS MODIS TOLLITVR
OBLIGATIO.

§. 994.

Iure) Ad intelligendam hanc distinctionem in iure nostro utilissimam permultum faciet HENR. de GOCCEII *Dissert. de eo, quod sit ipso iure.*

§. 997.

Est) Quae regula in uniuerso iure tantae est utilitatis, ut ea non animaduersa, plerumque iurium rationes ostendi nequeat. Sice. g. si quis quaerat, cur confarreatae uxores dimittendae essent per diffarreationem, coemptae per emancipationem, usucaptae denique

nique per interruptionem usucapionis, rationem sane non aliam reddideris, quam ex hac ipsa regula.

§. 998.

Esst) Hinc aliud pro alio, invito obtrudi nequit. Si quis tamen sponte aliud quid accipiat, quam debetur, id non uocatur solutio, sed in solutum datio.

§. 1000.

Decreto) Quod expetere tutissimum est, quoties summa maioris momenti soluenda, ne, si pecunia in pupilli rem non uersa fuerit, ille denuo istam exigere queat, quod fieri non potest, si iudex apocham dederit.

§. 1001.

Illiquidum) Liquidum enim statim soluendum, illiquidum ad iudicalem disquisitionem remittitur. Vnde elegans paroemia iuris ab HERTIO explicata: Geld vor, Recht nach; *liquidum soluendum, de illiquido agendum.*

Loco) Hinc si iusto loco non solutum, datur condictio de eo, quod certo loco; si res extra pecuniam non iusto tempore praestita, competit condictio triticiaria, quae utraque datur ad id, quod interest.

§. 1003.

Contributio) Hinc etiam si debitum et creditum mutuum non sint eiusdem quantitatis, compensatio tamen fieri potest ad summam concurrentem, et tunc perinde est, ac si tantum

tum solutum fit, secundum ueterem iuris patroemiam: *Abrechnen ist gut zahlen.*

§. 1004.

Delicto) Scilicet quod ad poenam attinet; nam ratione satisfactionis priuatae locum omnino habet compensatio, quod vel indapatet, quod si Titio adiudicati sint C. et aduersario eius L. hic tantum L. soluit.

§. 1005.

Minuatur) Hinc et ab illo ipso momento, quo mutuum debitum et creditum esse coepit, merito cessant usurae, quia soluta obligatione principali, etiam accessoria cessat.

§. 1006.

Coalescunt) Coalescunt autem in eadem persona, quoties uel creditor debitoris vel debitor creditoris heres fit: utroque enim casu heres succedit in iura defuncti, et sic cum debitor antea tantum esset, simul fit creditor, et uice uersa.

§. 1007.

Deponit) Cuius obfignationis et depositionis duplex effectus est; alter, quod statim sistitur cursus usurarum, alter quod periculum transit in creditorem. Iam id modo addimus, non admittendam esse hanc obfignationem, nisi causa cognita, quia saepe uexandi creditoris causa a debitoribus tentatur.

§. 1010.

Est) Posset res ad duos tantum casus reduci. Qui enim in mora est, itidem in culpa uersatur,

satur, adeoque non minus ille, quam hic, omne damnum sustinet. Aliud, si iusta morae causa sit, e. g. si legatarius debuerit speciem, eaque pereat, priusquam de Falcidia certi quidquam statuere potuerit.

§. 1011.

Translatio) Vbi in primis notandum, cum detrimento coniunctam esse nouationem debiti privilegiati, quia amisso privilegio tunc reliquis creditoribus postponitur, e. g. si quis pecunias hereditarias conuertat in mutuum, uel si ancilla domino credat mercedem residuam. Vtroque enim casu expirat privilegium.

§. 1012.

Naturales.) Quo casu contingere potest et solet, ut creditor facta nouatione plane nihil accipiat, neque a priore debitore, cuius obligatio soluta est, neque a posteriore, qui tantum naturaliter debet, adeoque a iure civili ad soluendum non compellitur.

§. 1013.

Accepto) Litis enim contestatio est quasi contractus, ergo quae antea ex alio capite debebantur, e. g. ex delicto, illa facta litis contestatione debentur ex quasi contractu. Et hinc ex annuis actionibus fiunt perpetuae, et post litis contestationem heredes quoque tenentur, cum antea non tenerentur.

§. 1014.

§. 1014.

Rata est) Ergo probe obseruandum, aut priores obligationes pro noua recipiendas esse, aut illas plane abolendas, aut denique in ultima obligatione diserte declarandum, hac priores omnes esse sublatas. Nisi enim id fiat, ex omnibus simul agi potest.

§. 1016.

Soluendo) Quod secus se habet, si assignatantum facta sit. Haec autem censetur facta, quoties tertius non obligationem meam in se suscipit, sed tantum meo rogatu se pro me soluturum promisit. Tunc enim assignato non soluente ad assignantem regressus datur.

§. 1017.

Mutatur) Ex quo uel maxime discrimen inter delegationem et cessionem patet. Quemadmodum enim illa sine omnium consensu fieri non potest, ita in cessione debitori perinde esse debet, cuinam soluat. Vnde et eius consensus plane non requiritur.

§. 1019.

Detur) Hinc semper commodum est ratione actoris, si lis contestata sit, quia tunc et perpetua est actio, et contra heredes datur. Videatur GVNDLINGII *Diff. de liti's contestatione commoda semper, numquam incommoda.*

§. 1022.

Acceptum) Itaque in meras tricas abit haec acceptilatio. Cum enim ad condonationem debiti

debiti sufficiat sola uoluntas creditoris quocumque modo declarata, cum cuique liceat iuri in fauorem sui introducto renunciare: ad quid quaeso opus fuit uerborum sollemnitate? Sed ita exigebat Romanum principium, ea, quae sollemniter sint peracta, non posse sine sollemnitate tolli. Vid. C V I L C. *Obseru.* V, 36.

§. 1024.

Eiusdem) Id et hodiernum fieri potest per apocham, si contractui subscribatur, obligationem pro parte uel extinctam, uel solutam esse. E. g. von vorgemeldten Kaufgeldern sind mir Endes benannten 1000. Rthlr. wohlvergnügt, welches hiermit gebührend bescheiniget wird. Vid. L. 19. §. 1. D. de acceptilat.

§. 1027.

Deducitur) Ergo tota stipulatio Aquilliana consistit in duobus actibus. Primo enim debitum nouatur per stipulationem, deinde nouata ista obligatio tollitur per acceptilationem. Quibus obseruatis etiam intelliges formulam istam numeris Platonis obscuriorem, quae habetur §. 2. *Inst. b. t.*

§. 1031.

Ineatur) Ex quo sequitur, ut si contractus re adhuc integra mutuo dissensu solutus sit, nullae debeantur gabellae, cum contra impleto contractu dissentientibus contrahentibus duplex gabella soluenda sit, quia duplex est initus contractus.

O

LIB.

LIBER III.

TIT. I.

DE OBLIGATIONIBVS, QVAE
EX DELICTO NAS-
CVNTVR.

§. 1033.

Reparatio) Saepe tamen contingit, ut una eademque actio ad utrumque comparata sit, quae tunc uocatur mixta, i. e. simul rei persecutoria, simul poenalis; talis e. g. est actio ui bonorum raptorum.

§. 1034.

Admittitur) Et quidem ex culpa propria, non aliena; quamuis enim STRVVIUS hanc in rem allegat exempla actionum de effusis et deiectis, nec non aduersus nautas, caupones, et stabularios; hi omnes tamen non conueniuntur ex culpa imputata, sed ideo, quia homines socordes et proteruos in familiam receperunt. *L. penult. §. 2. D. de his, qui effud. uel deiec.*

§. 1035.

* *Germanicae*) Id quod ex effectu patet; nos enim ex furtis et rapinis non agimus in quadruplum et duplum, sed ipse magistratus ex officio haec delicta iudicat, et pro re nata decernit supplicia capitalia, quod Romae aliter sese habebat.

§. 1036.

§. 1036.

Sit) Debemus hanc obseruationem uiro incomparabili IO. GE. GRAEUIO, cuius integrum locum exscripsimus in *Pand. ad tit. de crimin. extraord.* Antea enim plerique Icti maxime fluctuarunt, quodnam discrimen horum criminum statuendum sit.

§. 1037.

Persequutoriae) Quo etiam referunt actiones iuris Germanici ad deprecationem Christianam, declarationem honoris, uel palinodiam, quippe quas famae persecutorias uocant, quamuis minus accurate, cum, quod amissum non est, persequi nequeamus.

§. 1038.

Tendunt) Tales dicuntur actiones, quibus persequimur pecuniariam poenam, cum tamen nobis nihil absit ex patrimonio nostro; hinc e. g. actio iniuriarum aestimatoria procul dubio ad uindictam comparata est.

Liberentur) Sed id tantum locum habet in rei persecutione uel restitutione; quod enim ad poenam attinet, ad eam singuli ita reneantur in solidum, ut uno solvente liberatio reliquis numquam obtingat.

§. 1040.

Admittere) Scilicet iure naturae non absolutò, sed hypothetico, quod certa instituta humana

pro fundamento habet, qualia sunt sermo, dominium, rerum pretium, et res publica, id quod obseruandum est contra crisin SALMA-
SII *de usuris cap. 9.*

§. 1041.

Contrectatio) Quae conclusio opposita est Stoicis, qui omnia delicta paria putarant, et hinc eum, qui uel aliquot grana ex aceruo sustulisset, furem totius acerui existimabant. Ridet hanc sententiam HORATIVS *Sat. I, 3. 115. seqq.*

*Nec uincet ratio hoc tantumdem ut peccet idem-
que*

*Qui teneros caules alieni infregerit horti,
Et qui nocturnus Diuum sacra legerit.*

§. 1042.

Proximi) Hinc numquam ad poenam corporis adflictiuam publicam procedi potest, quamuis omnino locus sit castigationi seueriori, et hinc pronunciari soleat: Daß er in dem Gefängnis tapfer mit Ruthen zu züchtigen. Memini etiam ob atrocius furtum locum fuisse ergastulo.

§. 1043.

Possessae) Hoc ita intelligendum, si possessio rei nondum apprehensa, alias enim semel apprehensa durat, etiam si res amissa sit: et hinc fur est, qui rem in uia amissam contrectat animo lucrificandi. *L. 43. §. 4. D. b. t.*

§. 1044.

§. 1044.

Amotas) Hodie quamvis non diuorti causa coniux coniugii aliquid amoveat, locus tamen non est persecutioni criminali, sed tantum ad restitutionem rei breui manu coniux condemnatur. Vid. *Const. crim. Carolin. art. 165.*

§. 1045.

Actio) Nascebatur tamen seuera castigatio; pater enim ui iuris uitae et necis ipse animaduertere poterat in filium pro arbitrio.

§. 1048.

Committitur) Id etiam committi potest in filiis familias, si non lucrifaciendi causa, sed alio consilio furripiantur, cuius rei sollemne exemplum suppeditant annales Saxonici, plagium nempe Principum Saxoniae, Ernesti et Alberti, a Conrado de Kauffungen admissum.

§. 1050.

Aufert) Sed hae duae species postremae hodie ad furtum uix referuntur, quia atrocior est apud nos furti poena, quam ut ea statui possit in delictum tam leue: hinc potius extra ordinem hoc casu agendum est ad id, quod interest.

§. 1053

Deprehenditur) Quaeri solet, cur furem manifestum grauiore poena dignum putauerint Romani, quam nec manifestum? Sed ratio est, quia plus periculi imminet a fure

manifesto, qui plerumque ad desperationem actus, nec uitae, nec sanitati aliorum parcat, modo sese contumeliae possit subducere,

§. 1057.

Exhibuit) Hodie inquisitio domestica non amplius fit auctoritate priuata, sed iussu et auspiciis iudicis per apparitores iudicii; ubi tamen cauendum est iudici prudenti, ne eiusmodi actum decernat, si non adsint urgentissima indicia, siquidem alias iniuriarum conueniri poterit; in pagis tamen cessat plerumque actio iniuriarum, si ostiatim fiat inquisitio.

§. 1059.

Abutiam) Hac lege cuius praeter GELLIUM uix quisquam meminit, omnia ista legum XII. tabb. capita abrogata sunt, quae uel bonis moribus uel decoro uidebantur repugnare. De ea adcurate egit ABR. WIELINGIUS in *Diff. de furto per lancem et licium concepto*, sub finem.

§. 1060.

Defendit) Quamuis et eo casu paullo mitius procedendum sit, si fur quidem interdix, sed loco admodum solitario, et ubi aliorum auxilium sperari nequit, deprehendatur: tunc enim quia eadem ratio est, eandem quoque esse oportere iuris dispositionem nullum est dubium.

§. 1061.

Criminaliter) Quo in primis pertinet coërcitio furum nocturnorum, quippe quos deprehen-

hensos praefectus uigilum pro modo delicti poterat coërcere et castigare. Vid. *L. 4. D. de offic. praef. uigil.*

§. 1062.

Heredes) Contra hos tamen haec actio dari non potest nisi in quantum ad heredes peruenit, ob *L. generalem unic. C. ex delict. def. in quantum hered. conuen.*

§. 1063.

Furem) Non uero aduersus eius heredes, nisi iam lis cum defuncto fuerit contestata: hoc enim facto ob nouationem, quae per litis contestationem intercessit, etiam heredes non ex delicto, sed ex quasi contractu tenentur.

§. 1064.

Locum) Generale enim obseruandum est istud principium, plures actiones ad idem tendentes concurrere tantum electiue; si uero ad diuersa tendunt, tunc concurrere dicuntur cumulatiue, i. e. ita, ut una alteram non absorbeat.

§. 1065.

Eiiciantur) Quae lex tamen prudentiae legislatoriae parum consentanea est, et hinc plerisque hodie locis fures condemnantur uel in ergastula, uel ad operas publicas, uel ad triremes, quia tunc in futurum rei publicae prospicitur.

§. 1067.

Supersunt) Immo iam ante Friderici II. tempora huius ordinariae furum poenae mentionem

faciunt leges ueteres Germanorum, quas iam hanc in rem collegit KRESSIVS in *Comment. ad art. 157. C. C. §. 1. pag. 478.*

§. 1068.

Scalas) Quamuis uero hic alternative loquatur Nemeseos Carolinae auctor, darzu gestiegen oder gebrochen: ad mitigandum tamen huius legis rigorem plerumque ICI haec requisita exigunt coniunctim, ceu ostendit KRESSIVS in *Comment. ad art. 159.*

Surripuerit) Et ista quantitas iure iurando sit confirmata, nec facta restitutio: tunc enim si prauitas uitae et fama sinistrior accedat, supplicio capitali locus est.

§. 1069.

Riuis) Quo etiam pertinent feripetae, die Wildddiebe, quippe qui etiam alienam custodiam non inuadunt, nec non fures equorum ex pascuis publicis, quamuis multorum principum edictis et fures ferarum et equorum ex pascuis supplicio capitali afficiantur, si circumstantiae certae et edictis expressae adsint.

TIT. II.

DE VI BONORVM RAPTORVM.

§. 1071.

Ablatio) Quaeritur uero, si quis rem non uiolenter abstulerit, sed ui adhibita coegerit
ut

ut sponte daret, annon et haec rapina sit? idque negant Icti, sed id factum incidere aiunt in speciale aliquod delictum, quod uocatur *conculio*.

§. 1072.

Violenta) Quae si in uia publica facta est, (qui homines tunc grassatores uocantur) tunc paullo durior poena est, durissima autem, si quis latrocinium egerit, e. g. si cruenta spolia detraxerit; tunc enim contusione membrorum puniri solet.

§. 1074.

Laeso) Cessat tamen usus legum in Saxonia, ubi istae specialibus legibus sunt abrogatae; sicubi uero sanctior est iuris Romani custodia, secundum hanc legem iure erit pronuntiandum.

§. 1075.

Pretium) Obseruant tamen rerum criminalium scriptores, aliud hic obtinere in Austria, et quibusdam Franconiae prouinciis, ubi omnino respicitur ad rei raptae pretium.

§. 1076.

Simplum) Vere ergo rapina paullo minus atrox uidebatur delictum, quam furtum, quia non esset tanto cum periculo uitae coniuncta: sed cum haec philosophia non esset publici saporis, non sane mirandum est, Ictos arbitrium dedisse actori, hac actione experiri uellet, an actione furti manifesti.

O §

§. 1078.

§. 1078.

Spoliant) Qui, ut et piratae seu praedones maritimi in crucem tolli solebant, adeoque hoc casu cessabat actio ui bonorum raptorum: plura eam in rem dixit WISSEN B. in *Notis notico-philologicis ad passionem Iesu Christi*.

§. 1079.

Publicum) Nisi quod post interregnum istud ferale diffidationes uel bella priuata inoleuissent. Si quis enim tunc alteri rapuisset res pretiosissimas, rapinam commississe non uidebatur, modo id non fecisset contra foedus, contra freugam, contra pacem Dei et denique sine diffidatione. Videatur *pax publica Alberti II. Imperat. de a. 1478.* (apud LVNIGIVM im Reichsarchiv,) *Tom. II. p. 53.*

TIT. III.

DE LEGE AQUILLIA.

§. 1080.

Iniuria datum) Per quam hic caue intelligas contumeliam, (de ea enim sequente titulo demum agitur,) sed iniuria hic est, quid quid non iure fit, (wozu man nicht befugt ist,) alias qui iure suo utitur, nemini facere iniuriam censetur.

§. 1081.

Leuissima) Quo in primis pertinet casus leuissimus in *L. II. D. de Leg. Aquill.* ex qua patet,

tet, etiam tonsorem teneri hac lege, qui servum sub dio totonderat, eique absciderat iugulum, pila in cultrum temere proiecta.

§. 1082.

Occidit) Quae requisita si non exacte observata sint, non quidem ista caedes pro moderamine inculpatae tutelae haberi potest, sed tamen etiam non statim meretur poenam homicidii: sed qualiscumque excessus extra ordinem puniri solet.

§. 1083.

Praestat) Id quod tamen aliter se habet, si quis eo tempore, quo casu damnum datum, nec in re licita nec loco licito versatus sit: quo pertinet elegans exemplum §. 4. *Inst. h. t.* de milite iaculis sese exercitante.

§. 1084.

Vulneratus) Datur tamen haec actio utilis ad restituendum Sostrum, operas cessantes resarciendas, omniaque damna restituenda, immo in Saxonia etiam aliquantulum solet adiudicari pro dolore, id quod vocant das Schmerzgeld.

§. 1086.

Sunt) De iis dubitatum esse, patet ex §. 1. *Inst. h. t.* quamvis enim facile viderentur Icti, pecudes esse sues, quippe gregatim

tim pasci solitos: dubitabant tamen, an essent quadrupedes, quia dorso et collo non domentur. Vtilitatis tamen causa receptum est, ut et sues habeantur pecudes quadrupedes.

§. 1087.

Heredem) Cuius rei elegans ratio redditur §. 9. *Inst. b. t.* quia non tantum soluitur, quantum deperditum est, adeoque haec actio non rei persecutoria, sed poenalis habetur.

§. 1089.

Proximis) Et quamvis hic omissum sit vocabulum *plurimis*: illud tamen subintelligendum esse, monetur §. 15. *Inst. b. t.* adeoque eadem omnia obtinent, quae de *cap. 1.* diximus.

§. 1091.

Infamat) Ratio repetenda est ex §. 1081. Non enim hic tantum vindicatur damnum dolo vel culpa lata datum, sed etiam quod ex culpa leuissima profectum est. Ob leuissimam autem culpam famam alicuius fugillari, esset omnino iniquissimum.

§. 1092.

Deformitatis) Quarum tamen ratio habetur, si non ex lege Aquillia, sed iniuriarum quis agat, quia posteriore casu non solum aestimatur, quod nobis ex re nostra abest, sed et quidquid uergit in contemptum et contumeli-
am.

§. 1095.

Crescit) Cum ergo haec tantum naturam
huius

huius legis absoluant reliqua ex ipso iure naturae et gentium sint : facile patet, actionem in foris nostris receptam perperam uocari actionem legis Aquilliae. Videatur THOMASII *Diff. de larua legis Aquilliae actioni de damno dato detracta.*

TIT. IIII. DE INIURIIS.

§. 1097.

Insignitum) Obserua hic discrimen inter *iniuriam scriptam* et *libellum famosum*. Illa omnes satyras, et si quae alia in alterius contemptum uel contumeliam scripta sunt, comprehendit, hic alteri exprobrant aliquod uitium uel delictum, cum infamia coniunctum. Videatur *C. C. art. 110.*

§. 1098.

Illata) Quo in primis pertinet iniuria ministris ecclesiae inter sacra dolo mala illata, quam capitalem esse uolunt leges nostrae. Videatur *L. 13. C. de episc. et cleric.*

§. 1099.

Cedat) Satis liquida autem haec est probatio, 1) si actor ostendat reum, e. g. sacerdotem, non obseruasse gradus admonitionis; 2) si ipse elenchus, quo usus est, non fuerit cum mansuetudine animi coniunctus, sed uerbis atrocissimis ipsam peccantis personam depinxerit.

§. 1100.

§. 1100.

Maritum) Indecorum enim uisum est, maritum ab uxore defendi, cum uxor potius defendenda esset a marito. Ergo si ipsa simul contumelia affecta sit, ueluti si quis maritum cornutum dixerit, tunc non alienam sed propriam iniuriam uindicare censetur.

§. 1102.

Aestimauerit) Salua tamen moderatione iudicis, qui partim ad actoris personam et conditionem, partim ad dolum a reo commissum, ipsiusque facti atrocitatem attendere solet. Quin plerisque locis ob insignem huius actionis turpitudinem aestimatio iniuriae plane prohibita est.

§. 1103.

Sparsumne) Voluerunt enim legislatores hic obtinere poenam talionis, ut ea poena afficiatur libelli auctor, qua afficiendus esset actor, si imputatum ipsi delictum uerum esset. Videatur *C. C. art. 110*. Sed hodie ultra fustigationem et relegationem perpetuam uix proceditur.

§. 1106.

Infligendam) Ergo nulla est inter has et praetorias actiones differentia, nisi partim ratione obiecti, seu iniuriae illatae, cuius hic tres species tantum supponuntur, et ratione durationis de qua §. sequ. dicemus.

§. 1107.

§. 1107.

Exspirat) Huius diuersae durationis rationes habes infra *tit. de perpet. ac tempor. action.* §. 1271. et 1272.

§. 1108.

Exstingui) Ex quo facile patet, prudentiores hoc remedium non magni facere, in primis cum manifesto repugnet principiis Christianismi, ceu praeclare docuit PFANNKUCHIVS singulari schediasmate, cui epistolam praeposuit SLEVOGTIVS, *len. 1678.*

§. 1109.

Affori) Id hodie tum in Saxonia, tum in terris Prussicis obtinet, ubi proceditur per modum denunciationis, ita tamen, ut si causa sit leuior, uerba in factum temperentur, et iudex abstineat a uocabulis: *Inquisition, Inquisit, articuli inquisitionales*, sed eorum loco dicat *denunciatio, denunciatio, Vernehmung über gewisse Puncta.*

§. 1110.

Palinodiam) Haec actiones omnes, quamuis in iure Romano fundamentum non repariant, approbatae tamen sunt per *R. I. de A. 1530. §. item als*, nec non per *Ordinationem camalem P. II. tit. 28.*

§. 1111.

Passi.) Huius rei uera ratio est, quia actiones iniuriarum ad uindictam sunt comparatae, tales uero actiones ad heredes numquam transeunt.

TIT.

TIT. V.

DE OBLIGATIONIBVS, QVAE
QVASI EX DELICTO
NASCVNTVR.

§. III2.

Culpa) Atqui damnum iniuria datum, quamvis ex culpa tantum proficiscatur, tamen tantum verum delictum est? Resp. potius tamen verum, quam quasi delictum esse potest, prout vel dolo vel culpa datum est, quamvis a potiore desumpta denominatione verum delictum adpellari soleat. Videantur THOMASII Schol. ad HUBER. b. t.

§. III3.

In factum) Veluti hodie uocant de syndicato: quia tamen ipse, qui eius modi sententiam vires rei iudicatae acquirere passus est, sua culpa damnum sensit, raro admodum utilis erit haec actio. Videat. THOMASII Dissert. sing. de exiguo usu doctrinae Instit. de iudice, litem suam faciente.

§. III4.

Praetereuntibus) Et horum etiam bono introducta est haec actio, ne operosius inquirere teneantur, quis illis hoc damnum dederit. Semper enim praecipua cura fuit Romanorum iis de securitate prospicere, qui locis publicis commeant.

§. III5.

§. 1115.

Interest) Quod tamen semper intelligendum est salvo regressu aduersus eum, qui effudit et deiecit. Aduersus hunc autem inquilinus non experitur ex quasi delicto, sed ex locato uel alio contractu, qui cum isto intercedit.

§. 1116.

Datur) Prior actio ne heredi, nec aduersus heredes datur, quia ad uindictam solum tendit. §. 1273. posterior perpetua est, quia non tam ex edicto praetoris promanauit, quam ex ipsis XII. tabb. uel lege Aquillia, quamuis praetor circa poenam aliquid innouauerit.

§. 1118.

Habitantem) Nisi ipse uel poni iusserit, uel positum esse passus sit, cum facultas fuerit prohibendi. L. 5. §. 9. et 10. D. b. r.

§. 1119.

Datur) Olim et hoc casu locus erat actionibus noxalibus, ceu infra ostendimus §. 1228. Hodie uero actio iudicati de peculio aduersus patrem ideo datur, quia illa non est ex quasi delicto, sed ex quasi contractu litis contestationis, quemadmodum ostendimus supra §. 1013. et 1019.

§. 1120.

Stabularios) Immo ob similitudinem rationis hoc edictum pertinet etiam ad magistr

stros cursus publici, qui ubi res aliorum receperunt, ex quasi delicto tenentur, si quis ex illorum familia (ein Possilion) illas surripuit, ex quasi contractu autem, si id fecit extraneus, qui eodem curru usus est. Videatur STRYK. de actionibus caute inuestigandis, sect. 1. membr. 9. §. 35.

§. 1122.

Duplum) Nectamen consultum est, hanc potius, quam illam actionem instituere. Praeterquam enim quod actiones in duplum hodie exigui usus sunt, difficillima etiam erit probatio. Probandum enim erit, aliquem ex nautae uel cauponis familia furtum fecisse, damnumue dedisse.

§. 1123.

Prohibere) Alias enim cessante obligatione ex una parte cessat etiam ius ex altera. Iure autem cessante actio non etiam cessare oportet.

§. 1124.

Populares) Loco harum apud nos unicuique ex populo datur facultas denunciandi. Qua facta denunciatione iudex rem ex officio persequitur, et plerumque interpositis mandatis poenalibus aliisque remediis publicae securitati consulit.

TIT. VI.

DE ACTIONIBVS.

§. 1126.

Debetur) At minus adcurata est haec definitio, partim quia actionem hic non consideramus tamquam ius, uel partem patrimonii nostri, sed tamquam medium aliquod ius nostrum consequendi: partim quod sic reuera tantum definitur actio in personam, cum generalem omnium actionum definitionem quaeramus.

§. 1127.

In rem) Quaecumque nimirum ex iure in re oriuntur, ueluti dominio, iure hereditario, seruitute, et pignore. Nec obstat actio pignoratitia sua natura personalis, quippe quae non ex pignore nascitur, quatenus est ius in re, sed quatenus est contractus. Qui conceptus omnino non sunt confundendi.

§. 1129.

Nequeat) Ita scilicet, ut pro fundamento actionis ponat dominium. Alias enim dominus saepe rem suam condicit. Verum non ratione dominii, sed ex contractu, e.g. comodato, locato cet.

§. 1130.

Possessionis) Quemadmodum enim malae fidei possessor omnes fructus restituit, etiam percipien-

cupiendos, ita possessor bonae fidei lucratur fructus omnes, praeter exstantes. Moribus tamen Germaniae hic quoque tenetur restituere fructus consumptos, quibus factus est locupletior. Vid. STRYKII *Vfus mod.* ad b. l. §. 12.

§. 1131.

Actionem) Et quidem ideo, quia rei vindicatio omnium actionum difficillima est, propter probationem dominii quae actori incumbit. Proinde praetor eum, qui bona fide iustoque titulo rem traditam accepit, dominum esse fingit, cum non sit.

§. 1132.

Absenti) Vbi observandum, hanc actionem plane eiusdem naturae esse cum Publiciana. Vti enim in hac praetor fingit, illum usucepisse, qui non usucepit: ita in rescissoria non usucepisse fingit, qui usucepit tamen. Vnde et utraque in iure nostro Publiciana vocatur.

§. 1133.

Omni causa) Cum vero de uiribus hereditatis nondum constet, petitum libelli ita formari solet: Daß Beklagter angehalten werde, ein beglaubtes Inventarium oder eydliche Specification zu ediren, und nach demselben die Erbschaft anzutreten.

§. 1134.

Petitionis) Petit enim filius ex iusta causa, sed falsa tamen exheredatus, ut ab intestato ad legi-

legitimam portionem admittatur. Et ratione solius huius capitis testamentum corrumpit. Reliqua enim eius capita salua sunt, e.g. legata, fideicommissa, cet.

§. 1135.

Iurium) Quod singulari et diffuso opere: *de usu actionis confessoriae et negatoriae* demonstrauit SCHWENDENDOERFFERVS ubi inter alia integro uolumine usum huius actionis in causis consistorialibus ostendit.

§. 1136.

Liberi) Itaque semper hic prouocat actor ad libertatem naturalem, qua fundus suus uel ipse gaudeat. Sed obseruandum, ubicumque naturalis libertas lege publica restricta est, ibi semper cessare actionem negatoriam, eatenus, ut onus probandi in reum non deuoluatur.

§. 1137.

Triumphare) Eique plerumque suffragantur I Cti Wittebergenses, ex quibus HORNIVS singularem ea de re differt. scripsit, quam simul excussa est cum FVLVII PACIANI noua editione libri *de probationibus*. Conferatur HERTIVS *de quasi possessoris probatione*.

§. 1140.

Possidentem) Quamuis ipse non sit debitor. Si tamen contra testium possessorem agam, huic in mundo erit exceptio ordinis uel excussionis, ob *Nov. IIII. cap. 2. et CXII. cap. 1.*

§. 1141.

Est) Quo sensu a Iustiniano realis dicatur, in scholio ostendimus. Iam observa, possessores gratis restituere debere has res alienatas, et quidem si titulo oneroso adquisierunt, modo sint fraudis conscii: si titulo benefico, absolute, siue conscii sint, siue non sint.

§. 1142.

Praeiudiciales) Ita uero adpellantur, quia antea tractandae sunt et ad finem perducendae, quam alia causa primaria decidi possit. Sic e. g. non potest quis agere ad successionem feudalem obtinendam, nisi prius ad liquidum perducatur, an sit filius.

§. 1143.

Renocetur) Quale quid contigit Barbario Philippo, de quo in *L. 3. D. de offic. praet.* agitur, hodieum homines proprii quoque uindicari possunt, modo praescriptione nondum sublatum sit ius agendi, id quod uocatur das Besatzungs-Recht, de quo exstat MEVII tract. vom Zustand und Abforderung der Bauren.

§. 1144.

Alatur) Quo casu filius nihil probat, quam matrem in iusto matrimonio rei uixisse. Pater enim est, quem iustae nuptiae

ptiae demonstrant, nisi ipsa temporis ratio repugnet, e. g. si ei, qui per sex annos abfuit, domum reduci aniculus offeratur.

§. 1145.

Nascuntur) Vel quod perinde est, ex obligatione. Quotiescumque ergo siue ex contractu, siue ex delicto, siue ex aequitate naturali ago, semper in personam ago.

§. 1147.

Aequitate) Sed illa tamen tantum, cui ius scriptum adfistit. Si quis enim aequitatem fingit contra leges et ius scriptum, illa cerebrina uocari solet a Ictis. Videatur THOMASII *Dissert. de aequitate cerebrina* L. 2. C. de rescind. uendit.

§. 1148.

Interest) Et hinc reus ab actore iure exigere potest iusiurandum calumniae, daß er die libellirte Sache nicht gefährlicher Weise zu sehen verlange.

Rationes) Vel alia instrumenta publica et priuata: ubi si reus negat se possidere, iurare tenetur: Daß er das libellirte Document nicht habe, noch wisse, wo sich dasselbe befinde, noch es gefährlicher Weise, von handen kommen lassen.

§. 1150.

Integrum) Vbi semper supponenda requisita: 1) ut quis laesus sit, eamque laesionem possit probare, 2) ut una ex causis restitutionis hierēcenfitis adsit, 3) ut negotium stricto iure ualidum sit, et ob solam aequitatem rescindatur.

§. 1151.

Inito) Iustus hic uocatur, qui cadit in uirum constantem, adeoque opponitur terrori panico. Alias uero iustus etiam metus uocatur, quem quis iure suo alteri infert, e. g. si magistratus morosum debitorem cogit, ut soluat. Et ob hunc non datur in integrum restitutio.

§. 1152.

Heredem) Est enim haec actio famosa, ac proinde non potest institui aduersus eos, quibus reuerentia quaedam debetur, e. g. aduersus parentes, patronos, dominos feudi, contra quos potius in factum agendum est. Ob eandem causam haec actio tantum biennium durat, cum reliquae restitutiones saltim quadriennium uiuant.

§. 1153.

Recipiat) Adeoque et minores tunc restituant, quod ad ipsos peruenit, immo et impensas in illam rem factas, si prius per homines idoneos et iureiurando adactos aestimatio meliorationum facta fuerit.

§. 1154.

§. 1154.

Hic sunt) A Pauliana enim tantum in hoc differunt, quod ea creditores reuocent, quae in fraudem suam alienata sunt; his uero patronus agit ad recipienda illa, quae libertus in fraudem suam alienauit.

§. 1155.

Expressum est) Hinc conditione ex lege hodiernum utimur, quoribus uel ex noua principis constitutione, uel ex pacto aliquo legitimo agimus, e. g. ex donatione, ex pactis dotalibus.

§. 1156.

Moribus) Haec a doctoribus tantum introducta est ad exemplum conditionis ex lege: quin cum ex iure canonico remedia quaedam fluant; illa doctores uocare solent conditiones ex canone, quae omnia ius civile plane ignorat.

§. 1157.

Insunt) Nimirum pacta contractibus bonae fidei adiecta pro eorum parte habentur, et hinc in producenda actione pars imitatur totum: i. e. pactum adiectum producit eandem actionem, quam contractus, cui adiiciuntur.

§. 1158.

Constituit) Constituere autem est promittere quid iterato in certum diem, et merito turpe uisum est praetori, fidem etiam iterato

datam falli. Cum uero hodie et simplex promissio ualeat, facile patet, inter pactum nudum et constitutum quoad effectum apud nos nullam esse differentiam.

§. 1159.

Iuratum) Nec quaeritur, an recte iurauerit, nec ne? omne enim iusiurandum, quod pars parti defert, pro ueritate, transactione, et re iudicata habetur: id uero aliter sese habet, si iudex ex officio iusiurandum uel purgatorium uel suppletorium alicui detulit; tunc enim nouis emergentibus indiciis nihil obstat, quo minus possit resummi uel retractari.

§. 1161.

Mutuo) Quae datur quidem ad sortem recuperandam, non autem ad usuras; si enim non promissae sunt, actione stricti iuris non petuntur: si promissae, eo nomine instituenda est actio ex stipulatu, quod aliter sese habere supra monuimus.

§. 1162.

Certi et incerti) Quarum illa instituitur, si species quaedam promissa; haec si genus: hoc enim casu nescio, quid, quale et quantum promissum sit, quod prioribus casibus certo scio.

Chirographo) Quae hodie uocatur processus executiuus, cuius haec natura est, ut non agatur ad litem contestandam, sed ad documentum.

mentum, uel recognoscendum, uel iurato diffitendum; facta recognitione solae admittuntur exceptiones in continenti liquidae, reliquis altioris indaginis ad reconuentionem remissis.

§. 1163.

Socio) Haec datur ad communicandum lucrum et damnum; si enim de rebus ipsis diuidundis agitur, non hac actione experiundum est, sed iudicio communi diuidundo, de quo paullo post.

§. 1164.

Nascitur) Vbi fundamenti loco obseruandum, in solis his contractibus innominatis locum esse poenitentiae, quamdiu alter nondum quod promiserat, adimpleuit, id quod in nominatis fieri non potest, nisi re adhuc integra et mutuo consensu.

§. 1165.

Mixtae sint) I. e. tam in rem, quam in personam, §. 20. *Inst. b. t.* idque ideo, quia non modo ex quasi contractu, uerum etiam ex iure hereditario et dominio, adeoque etiam ex iure in re oriuntur.

Recepto) Quae datur ob omne damnum, praeterquam fatale. Tale autem habetur, quod extra nauem uel diuersorium initium cepit.

Restituendas) Hoc ideo additur, quia est haec actio priuilegiata, et hi sumtus in prima
statim

statim classe creditorum solvuntur. Quod ideo repertum, quia ueteres existimabant, animas infepulorum ex campis elysiis exsulare, adeoque sepelientem utiliter negotia defuncti gessisse *L. 3. pr. D. de negot. gest.*

§. 1168.

Aureas) Hodie qui edicta magistratuum nostrorum uiolant dolo malo, extra ordinem puniuntur, praeuia uel denunciatione uel inquisitione ex officio instituta.

Obtemperantem) Huius delicti reus esse censetur, qui iudicato non statim satisfacit, sed rem ad exsequutionem peruenire patitur, ceu apparet ex *L. un. D. si quis ius dic. non obtemp.*

Exemit) Cui actioni hodie locus non est in caussis ciuilibus, quia cessat in ius uocatio. Si tamen in caussis criminalibus, uel arresti personalistale quid contigerit, actio haec adhuc hodie institui potest.

§. 1169.

Dominus) Immo utilis haec actio datur etiam coniugi, immo et parenti, ob coniugem uel liberos corruptos, quamuis hodie uix in duplum concepta sit, per ea, quae docuit THOMASIVS in *dissert. de exiguo usu actionum poenaliu in foris Germaniae.*

§. 1172.

Constitutam) Quod ad effectum attinet, inter actiones rei persecutorias et poenas etiam haec differentia est, quod illae non sine famo-

famosae, etiam si ex delicto descendant, hae autem omnino infament, si quis ex dolo condemnatur.

§. 1173.

Miserabili) Habes ergo hic actionem poenalem ex contractu: est etiam unica ex ultima voluntate eiusdem generis, qua agitur ab ecclesia uel alio pio loco aduersus heredem, qui legatum uel tardius soluit, uel negat, in duplum.

§. 1175.

Quadruplum.) Cui frustra obuertitur, poenam aliquando uniuersis delinquentis facultates exhaurire posse, si eius bona publicentur: id enim uerum est de delictis uel criminibus publicis, de quibus *tit. ultimo* agitur; nos autem hic loquimur de actionibus priuatis, quae numquam ultra quadruplum dantur.

§. 1176.

Est) Hinc generalis notanda regula: quoties actioni praetoriae poenali temporariae praescriptum est, toties non amplius agi potest uel in duplum uel in quadruplum, sed in simplum tantum.

§. 1177.

Facto) Vel magis perspicue certo respectu, si nempe reus uel in dolo est, uel in contumacia uersatur, quo in primis pertinent actiones inficiando crescentes.

§. 1178.

§. 1178.

** Dimidium*) De quo more quaedam erudite monuit FRANC. IVRETVS in *Not. ad SYMMACHI Epist. IIII, 55.* sed cum hodie sportulae non aestimentur ex summa libello expressa, uerum ex lege prouinciali, quae uocari solet, die Tax oder Sportelordnung, nullum hodie huius actionis usum esse facile patet.

§. 1179.

Litium) Non confundenda haec actio cum illa, cuius superiore paragrapho meminimus, illa enim dabatur in triplum aduersus actorem, qui maiorem summam libello complexus erat, haec in quadruplum aduersus ipsos litium exsequeutores, qui plus iusto extorserunt.

§. 1180.

Memini) Immo etiam in duplum condemnatum esse depositarium, qui depositum miserabile abnegauerat, refert PHILIPPI in *Vsu hodierno Instit. ad Tit. de act.* reliquas actiones poenales hodie rei persecutorias esse, recte obseruarunt GVDELINVS in *Iure nouissimo*, III, 13. et GROENEWEGEN ad *Rubr. C. de poen.*

§. 1181.

§. 1182.

Condemna) Semper in iudiciis stricti iuris certa summa exprimebatur, non autem in iudiciis bonae fidei. Vnde eleganter *SENECA l. c. melior videtur causae bonae conditio, si ad iudicem, quam si ad arbitrium mittatur, quia illud formula includit, et certos, quos non excedat, terminos ponit; huius libera et nullis constricta vinculis religio est.*

§. 1185.

Potest) V. g. in quadruplum, ueluti in actione quod metus causa, uel ut admitatur actor ad iusiurandum in litem, i. e. ut iuret, quanti rem ex affectione aestimet.

§. 1186.

§. 28. *Inst. b. t.*) Haec paragraphus longum et accuratum textum catalogum actionum b. f. nec ulla ideo omittitur, praeter funerariam, quae tamen cum sit species negotiorum gestionis, sub actione negotiorum gestorum implicite continetur.

§. 1187.

Arbitrariae sunt) Tu observa regulam generalem: quaecumque actiones ex negotio unilateralis oriuntur, istae omnes sunt stricti iuris, quae ex bilateralis, bonae fidei.

§. 1188.

§. 1188.

Regundorum) Quae actio ut exitum reperiatur, praecipue opus est inspectione oculari, ut termini ueteres indagentur: si isti reperiri nequeant, mensor adhibendus est, et ichnographia conficienda, quo facto tum demum partes admittuntur ad positiones mutuas (*zu Einbringung ihrer Größe.*)

§. 1189.

Communicaret) Ergo reuera hic Iustinianus regulas prudentiae legislatoriae parum obseruauit, dum uocabulo actionis abrogationem ipsam reliquit intactam. Id quod tamen numquam facere solent principes boni, quorum non est, legum numerum praeter rationem amplificare.

§. 1190.

Non producant) Hinc tantum ex hisce pactis contractibus stricti iuris adiectis nascitur exceptio pacti uel doli mali, modo non repugnent naturae contractuum.

§. 1192.

Exprimatur) Non semper uero hoc fieri potest, in primis in iudiciis uniuersalibus, ubi uel rerum uel iurium uniuersitatem prosequor. Sic e. g. in hereditatis petitione peto aditionem inuentarii, et ut hereditas secundum illud restituatur.

§. 1193.

§. 1193.

Potest) Mutare autem libellum non licet post litis contestationem, nisi prius restituantur omnes expensae. Differunt autem libelli mutatio et emendatio, quod per illam aliud genus actionis eligatur, haec uero tantum certam circumstantiam facti mutet.

§. 1195.

Cadebat) Quod ex stricto iure formulario procedit. Nam et is causa cadebat, qui in formula pronuncianda aberrauerat. Cessante ergo isto rigore, iuris formularii hunc etiam pluris petitionis effectum cessare oportuisse facile animaduertes.

§. 1196.

Instantia) Si nempe pluris petitio animaduertatur post litis contestationem. Si enim actor illam antea emendat: non condemnari in expensas solet, quia perinde est reo, siue ad priorem, siue ad emendatum libellum respondeat.

§. 1197.

Peculio est) Peculium enim dando pater consensit, ut filius contrahat de isto peculio, ac proinde etiam eatenus tenetur. Ex quo simul consequitur, ut haec actio ob delictum filii non competat, ad quod perpetrandum pater filio non dedit peculium.

Q. §. 1199.

§. 1199.

Possit) Vbi res redit ad aestimationem iudicis, quia non tam rationem habet conditionis debitoris, quam facultatum eius. Et hinc modicum aliquid seponitur tamquam fors, cuius usurae debitori quotannis soluuntur ad dies vitae, ut inde uictum et amictum sibi compareret.

§. 1200.

Adfinitate) Ea autem soluebatur iure Romano solutis nuptiis, siue per diuortium siue per mortem, ceu ex instituto demonstraui-mus in *Comment. nost. ad leg. Iul. et Pap.* Id quod hodie aliter omnino sese habet, cum uinculum adfinitatis mortua etiam persona durare censeatur.

§. 1201.

Praeferunt) Immo ne isti quidem milites Teutonici et S. Ioannis seu Melitenses id beneficium sibi uindicare possunt, nisi actu militent, quod uocant den Creuzzug thun, oder die Carafane verrichten.

§. 1202.

Competit) Immo omnibus, qui ex liberalitate sua conueniuntur. Vnde id recte adplicatur etiam ei casui, si focer genero dotem paulo maiorem promiserit, et postea uix sit soluendo.

§. 1203.

Exheredatis) His hodie hoc beneficium com-

competere non potest, quia emancipatio neminem priuat hereditate paterna; exhereditatio autem fieri non potest nisi ob ingratitudinis causam. Talis uero exhereditatus beneficio indignus est, quippe qui hanc calamitatem suo sibi iumento adtraxit.

TIT. VII.

QVOD CVM EO, QVI IN ALIENA POTESTATE EST, NEGOTIVM GESTVM DICITVR.

§. 1205.

Personae) Immo et ob adquaestum, quem pater ex filii rebus, dominus ex serui operis sibi uindicat: naturaliter autem ita comparatum est; ut quem penes commodum est, eum et incommodum merito sequatur.

§. 1207.

Habuerunt) Quia rati habitio retrotrahitur ad initium negotii. Ceterum obseruandum hic est, mandatum et iussum ita differre, quod illud supponit duas personas, hoc patrem et filium, uel dominum et seruum, qui pro una persona habentur.

§. 1208.

In solidum) Ratio ergo aequitatis in eo consistit, quod iubens pro auctore actionis et causa morali habetur: quia perinde est, ac si ipsi iubenti sit creditum, quia non filii, sed patris iubentis fidem sequutus est.

§. 1210.

Praepositus est) Et quidem secundum legem praepositionis (nach seiner Instruction:) unde frustra actio exercitoria institueretur de delictis magistri, uel ob pecuniam ex legibus ludorum debitam. Eius enim rei causa exercitor magistrum nauium numquam praeposuit.

§. 1212.

Praesunt) Id et circa alia officia obseruandum est. Quodenim quisque ratione officii egit uel contraxit, de eo non tenetur finito officio, e. g. si quis tamquam quaestor principis cambium acceptarit.

§. 1213.

Nequeant) Hodie semper exercitor agit etiam aduersus extraneum, modo iura cessa acceperit a magistro nauis, et tunc plane non opus est restitutione praetoria.

§. 1215.

In solidum) Belgas plerique alii hac in re imitati sunt, quamuis hoc ius sit iniustissimum, cum extraneus scire non potuerit, plures esse exercitores diuersis locis habitantes, et praeterea ita haec actio finem suum non amplius consequatur, qui est fauor extranei, non exercitoris.

§. 1217.

Tribuentem) Ergo pater hic erat iudex ueluti domesticus filii sui, et hinc etiam quo ordine

ordine creditoribus esset solvendum, suo arbitrio decernebat. Quo officio si male functus esset parens, tunc demum creditoribus recursus patebat ad praetorem.

§. 1219.

Prius) Quod ipsum singulare est in hac actione. In tributoria enim et reliquis pater nihil deducit, sed ipse cum creditoribus in tributum ire tenetur. *L. 1. pr. de tribus. act.*

§. 1222.

Est) Ergo hic non agitur peculiotenus, sed in solidum, nec quaeritur, an filius tantum in peculio habeat, sed an tota ista summa in patris utilitatem versa sit.

§. 1223.

Dedisset) Hic verus est casus, quo locum habet SCtum Macedonianum, adeoque illud frustra opponitur a filio familias, qui ex emto, locato, aliisque contractibus debet.

§. 1224.

Pertinere) Solet tamen similis dispositio observari in academiis etiam ob alios contractus, si studioso res ad voluptatem potius, quam studia pertinentes, creditae sint; ut nimirum ex edictis non plus, quam certa summa creditoribus adiudicetur, quamvis id magis in odium creditorum, quam in fauorem debitorum inuectum sit.

§. 1225.

Solvendo) Immo et si partem tantum usurarum soluit, tacite renunciassse uidetur huic SCto, adeoque non amplius auditur.

§. 1226.

Indebitum) In promptu caussa est. Conditio enim indebiti non datur illis, qui naturaliter debent, ceu ostendimus supra §. 989. Naturaliter autem debere filium familias, nemo sanus dubitauerit, cum haec exceptio tantum ex iure ciuili sit.

TIT. VIII.

DE NOXALIBVS ACTIONIBVS.

§. 1228.

Noxaliter) Tu hic obserua differentiam uocabulorum. Vti enim liber homo *damnum iniuria facere* dicitur, ita seruus *noxiam committit*, quadrupes *pauperiem facit*.

§. 1229.

Vocatur) Quamuis hanc differentiam obseruet Iustinianus *l. c.* ICti tamen in Pandectis hisce uocibus fere promiscue utuntur, ceu iam obseruauit BRISSONIVS *de uerb. signif.* sub uoc. *noxa*.

§. 1231.

Caput) Huius regulae sensus est, eum, qui seruum possidet, etiam actionem noxalem excipere debere, et uel damnum refarcire, uel seruum noxae dare.

§. 1232.

§. 1232.

Laesi sunt) Non ergo dominus hanc actionem instituit, si serui delicto laesus sit, eiusque rei elegans ratio redditur in *L. ult. C. an seruus pro suo fact.* nimirum seruum posse domi conueniri.

§. 1234.

Soluunt) Vbi conferenda elegans RIVINI *Dissert. de paroemia iuris: qui non habet in aere, luat in corpore.*

TIT. VIIII.

SI QVADRVES PAUPERIEM
FECISSE DICATUR.

§. 1235.

Datum) Nec hic ui uocabuli requiritur, ut aliquid deminutum sit ex patrimonio alicuius; nam et si bos cornu petat, uel equus calce feriat, pauperies facta dicitur.

§. 1236.

Dedit) Semper autem quadrupes contra naturam damnum dedisse censetur, si tale quid egerit, quod non omnia eiusdem generis animalia agere solent. Sic e. g. non omnes equi sunt calcitrosi, nec omnes boues cornu petae.

§. 1239.

Pecorum) Cum ergo haec actio parum differat ab altera de pauperie: non mirum est, eam non tanti uisam esse Iustiniano, ut de ea prolixius ageret. Vnde et paucissimis locis huius actionis in iure nostro fit mentio.

§. 1240.

Iudex) Condemnabatur tunc dominus eius modi bestiae 1) ad restituendum sostrum, 2) deinde ad praestandam aestimationem operarum cessantium, ac 3) denique ad restituendas omnes impensas. Egregie hoc edictum illustravit E V. O T T O in libro de *iustela niarum Part. II. cap. 3.*

§. 1241.

Prussia) Aliis plerisque locis non nisi culpa domini punitur, quae tunc demum manifesta est, si perspectam habuit animalis ferociam, et istud tamen non coërcuit aut recte custodiuit. Tunc enim omnino ad restituendum sostrum et operas cessantes potest condemnari.

§. 1242.

Dominus) In primis uero insignis est pignorationis effectus, quod ea ipsa iura nostra conseruemus aduersus eum, qui nos in possessione turbare conatur. Iudici autem pignus ideo offerendum est, ut pignoratio discerni possit a fractione pacis publicae. Quae de re multa dixerunt G A I L L I V S in *tractat. de pignoration.* et P H I L. D A T T I V S de *pace publica.*

TIT.

TIT. X.

DE IIS, PER QVOS AGERE
POSSVMVS.

§. 1244.

Posse) Ac proinde XII. tabb. cautum fuerat, quod si quis per morbum uel senectutem pedibus uti non possit, tunc ei in ius uocato iumentum esse dandum, nec opus esse ut arceretur. Qua rigida sane lege non fuisset opus, si ius Romanum procuratores admisisset.

§. 1245.

Effect) Hi primi admittebantur pro aliis, et singularia nomina obtinebant. Qui enim agebat pro populo, *Syndicus*, uel *actor* dicebatur; qui pro libertate, *adsertor*, qui pro pupillo, *tutor*; qui denique pro capto uel absente rei publicae causa, *defensor*.

§. 1247.

Occuparet) Quamuis ergo mandatum in se non sit titulus ad transferendum dominium habilis: aliud tamen dicendum, si quis alteri mandet, ut rem occupet, sibi que habeat, quia tunc perinde est, ac si donarit: donationem autem esse titulum ad transferendum dominium habilem, nemo dubitat.

§. 1248.

Administret) Quod mandatum ex moribus Germaniae concipiendum etiam est nomine

heredum, ac praeterea exprimere debet nomen procuratoris, actoris, rei, causam, quae in iudicium deducitur, praecipuos actus a procuratore expediendos, ac denique clausulam de rato sub hypotheca bonorum. Accedere denique debet subscriptio et subsignatio, uel adicienda uerba: in Ermangelung meines Pettschafts.

§. 1249.

**Constituunt*) Hi uero personam suam legitimant non solum per mandatum, quemadmodum reliqui procuratores, uerum etiam per tutoris tutorium, ac proinde hac formula utuntur: Ich erscheine actorio nomine Titii, Vormundes Meui, und will zur Legitimation meiner Person so wohl meines Constituenten mandatum sub litt. A. als auch dessen tutorium sub litt. B. ad acta überreichet haben.

§. 1250.

Infamia) Neque obstat allegata §. ult. *Inst. de except.* Ea enim loquitur de exceptione infamiae, de qua prius disputandum est, i. e. quae non in continenti liquida fieri potest, adeoque ad hunc casum, ubi manifesta est infamia, haec paragraphus proferri nequit.

§. 1251.

Effet) Simulac enim inquisitus respondit ad articulos inquisitionales, petere potest, ut sibi constituatur defensor: quin iudex ex officio

ficio curare debet, ne reus indefensus condemnatur: quo casu et impensas ferre debet, si inquisitus nihil in bonis habeat.

§. 1252.

Contestationem) Quo casu cum nondum operas praestiterit procurator, quia ne dominum quidem consequutus sit, nec causae cognitione, nec restitutione expensarum opus est.

Soluntur) Immo et officium procuratoris morte hodie procul dubio cessat, quia personae industria electa est, heres autem in herede non eandem fiduciam collocat fidei et industriae, quam defunctus in defuncto collocauerat.

§. 1253.

Mandantem) Nec obstat, quod hodiernum in supremis imperii iudiciis sententiae concipi soleant aduersus procuratores (*wider die Anwalde.*) Id enim tantum fit in exordio sententiae, cum postea sententia ipsa in principales omnino dirigatur, et aduersus hos quoque decerni soleat exsequutio.

TIT. XI.

DE SATISDATIONIBVS.

§. 1256.

Possunt) Vnde hodie non quaeritur, an sint personae illustres, uel an immobilia possideant, (siquidem hoc posteriore casu
inra

iuratoria cautione ne quidem opus est) sed an quis sit uir honestus et integrae famae, et an probabiliter nec fideiussores nec pignora reperire potuerit.

§. 1257.

Sisti) Qua cautione reus hodie non oneratur, nisi unico casu, si de fuga suspectus, et ideo arresto constrictus sit. Tunc enim arrestum non relaxatur, priusquam de iudicio sisti et iudicatum solui satisfecerit.

§. 1258.

Restitutum) Quae cautio hodie cessat, nisi quod apud nos omnes actores cautionem praestant pro reconuentione et expensis, non autem pro decima parte litis loco expensarum praestanda.

§. 1259.

Iudicium) Quod ipsum quoque hodie cessat, quia in causis civilibus perinde est, siue ipsis principalibus, siue eorum procuratoribus publicetur sententia. Cauet tamen pro procuratore principalis, sub hypotheca bonorum, ceu ad superiorem titulum ostendimus.

§. 1260.

Agat) Immo hi ne indigent quidem cautione de rato, modo tutorium uel curatorium suum ad acta producant, uel rogent saltem secretarium iudicii, ut in margine testetur,

tur, illum in isto iudicio tutorem uel curatorem constitutum esse.

§. 1261.

Sisti) Ethinc cautio committitur statim, si in termino quodam non comparuerit, nisi in tempore i. e. ante terminum absentiam suam excusarit, et termini prorogationem petierit. Vbi consultissimum est, impedimentum addito attestato statim demonstrare.

§. 1262.

Est) Quod ius in Saxonia praecipue obseruatur. Vbi enim ius commune uiget, ibi conuentio et reconuentio simultaneo processu expediuntur, adeoque eo casu nulla opus est cautione.

TIT. XII.

DE PERPETVIS ET TEMPORALIBVS ACTIONIBVS, ET QVAE AD HEREDES ET IN HEREDES TRANSEVNT.

§. 1263.

Exspirare) Quod nouae constitutiones principum inuexerunt, ne lites infinitae essent ac immortales, *pr. Inst. h. t.* ex quo simul discimus, olim omnes actiones uere fuisse perpetuas, nullaque praescriptione excludi potuisse.

§. 1264.

§. 1264.

**Spatium*) Perpetuum enim Latinis non solum est, quod fine caret, sed et continuum non interruptum. Sic CAESAR *perpetuam pacem* dixit non interruptam; TERENCE *perpetuum biennium*, continuum.

§. 1265.

Usucapiat). Non enim semper usucapio ex parte alterius procedit, e. g. si desit bona fides, uel iustus titulus, uel res sit uitiosa, uel possessio interrupta, quibus omnibus casibus rei uindicatio, aliaeque omnes actiones reales XXX. annos durant.

§. 1266.

Discontinuas) Continuas autem uocant, quas quis sine interruptione perpetuo exercet, e. g. seruitus oneris, tigni immittendi, discontinuas contra, quas certis tantum anni temporibus, uel, prout necessitas exigit, exercemus, e. g. ius uiae, ius pascendi.

§. 1267.

Possideat) Hic enim non potest non sibi conscius esse, rem, quam possidet, hypotheca affici, adeoque in continua mala fide est, ac proinde tempore ordinario praescribere nequit.

§. 1268.

Annis) Quod etiam dicendum est de actione familiae heriscundae, quae tamquam mixta itidem XXX. annos durat.

§. 1269.

§. 1269.

Est) Quatenus enim in quadruplum agitur, annum tantum utilem durat, adeoque tunc plane temporalis est, ob regulam tertiam.

§. 1270.

Quadriennium) Cum enim darentur olim intra annum utilem, in istum uero tantum computarentur dies fasti; Iustiniano placuit faciliorem reddere hanc computationem, et pro anno utili introducere quadriennium. *L. ult. C. de temp. in integr. restit.*

§. 1271.

Dilectis) Omnium harum exceptionum haec ratio est, quod hae actiones origine uere sunt civiles, quippe ex XII. tabb. natae, quamuis postea praetor eas emendarit, poenamque immutauerit. Vid. quae diximus in *Pand. ad tit. de Lege Aquillia.*

§. 1272.

Adulterii) Immo in omnibus delictis carnis, adeo ut ne crimen digamiae excipiendum esset demonstrarit THOMASIVS in *dissert. Lips. de praescriptione criminis digamiae.* Sunt etiam qui in crimine homicidii praescriptionem omnem cessare putant, quia poena ex ipso iure diuino fit.

§. 1273.

Vindictam) Ad uindictam autem comparatae dicuntur omnes actiones, quibus persequimur aliquid, quod nobis ex re nostra non

non abest, uindictam autem mortuus, dum non uindicauit, remisisse censetur, ceu recte obseruauit VINNIUS ad §. 1. *Inst. b. t. num. 6.*

§. 1274.

Dantur) Vbi obseruandus textus admodum notabilis *L. un. C. ex delict. defunct. hered. quomod. conuen.* ubi generalis traditur regula, heredem ex delicto defuncti conueniri non posse, nisi quantum ad ipsum peruenit. Vid. CUIACIUS *Obseruat. VII, 37. et XIII, 39.*

§. 1275.

Contractu) Obiiciunt equidem, poenam conuentionalem etiam ab heredibus exigi posse; uerum haec poena nec ex delicto est, nec ex contractu, sed ex stipulatu, adeoque nec actionem poenalem instituo, sed actionem ex stipulatu. Vid. §. ult. *Inst. de uerb. obligat.*

TIT. XIII.

DE EXCEPTIONIBVS.

§. 1276.

Actionis) Prius ueteres Icti uocabant *inficiationem*, posterius *depulsionem*: priore casu exceptione peremptoria non erat opus, sed expectabatur tantum, an actor actionem probare possit; posteriore casu adiicienda erat exceptio, eaque a reo probanda.

§. 1277.

Appellentur) Inprimis hic conferendi sunt duo scriptores egregii ZANGERVS et RIVINVS,

NVS, quorum prior de omnibus *exceptionibus dilatoriis et peremptoriis*, posterior de *dilatoriis* singularem edidit tractatum.

§. 1278.

Prætoriae) Sed haec diuisio in exceptionibus non tantae utilitatis est, quam in materia de actionibus, uti enim actiones ciuiles et prætoriae ratione durationis differunt, ita regulariter omnes exceptiones sunt perpetuae, quia per me stat quando agere uelim, non quando excipere, singulare tamen quid habet exceptio non numeratae pecuniae, quam ultra biennium non durare, iam supra ostendimus §. 890.

§. 1279.

Dilatoriae) Differunt etiam haec exceptiones ratione modi proponendi, dilatoriae enim hodie praemittendae sunt litis contestationi, peremptoriae eidem subiiciendae, quamuis olim aliter se rem habuisse ex §§. ultimis pateat.

§. 1280.

Egrediuntur) Tales sunt omnes, quae priuilegio personali nituntur, e. g. priuilegio fori uel pacto in specialem alicuius personam concepto, e. g. ego a te, quoad uixeris, hanc summam non petam.

§. 1282.

Impediunt) Tales sunt omnes peremptoriae, quae instrumentis guarentigiatis in continen-

R

ti

ti probari possunt ; eo casu ne opus quidem est litis contestatione, sed statim decernitur: daß Beklagter auf die erhobene Klage sich einzulassen nicht schuldig, sondern Kläger die verursachte Unkosten demselben zu erstatten pflichtig.

TIT. XIII.

DE REPLICATIONIBVS.

§. 1285.

Habet) Sed plerumque noua adferri solent in ultima positione et proinde conclusionis rescissio petitur : sed satius est, rescissionem istam denegare et decernere : daß auf die angegebene noua in sententionando nicht reflectiret werden solle ; quae praxis in nostris regionibus perpetua est.

TIT. XV.

DE INTERDICTIS.

§. 1286.

Liberantur) Excepto solo casu, si priuatus a fisco conueniatur de regalibus, e.g. iure uenandi, metalla fodendi, tunc enim qui possidet, aut litteras inuestiturae aut priuilegium proferre tenetur, sine quo omnis priuati possessio uitiosa censetur.

Probauerit) Vnde et prohibita est rei litigiosae sequestratio, nisi certis casibus, de quibus supra §. 813.

§. 1287.

§. 1287.

Possessione) Nam non omnia interdicta ex possessione sunt, sed quaedam etiam a praetore data ad ius publicum tuendum, e.g. ne quid in loco publico uel itinere publico fiat, quaedam etiam ob res, quae moram non ferunt, e.g. si quis ui uel clam aedificare uelit.

§. 1288.

Habendi) Et haec uera est possessio iuridica, ex qua sola interdicta nascuntur, quamuis iure canonico ex naturali etiam possessione nascatur actio spoli, uel remedium ex *can. redintegranda 3. caus. 3. qu. 1.*

§. 1289.

Oriuntur) Quo pertinent interdicta de glande legenda, de tabulis exhibendis, de libero homine exhibendo, et similia, de quibus tamen in Pandectis tantum agitur.

§. 1294.

Persequimur) Adde et tertium discrimen, quod hereditatis petitio processu ordinario expediri debet, interdictum uero quorum bonorum summario tantum, adeo ut levis saltem demonstratio (*eine Bescheinigung*) sufficiat, cum ibi sollemni probatione opus sit.

§. 1295.

Petit) Id quod tamen uix alter fieri solet, quam confecto inuentario, et praestita

idonea cautione, actorem totam hereditatem restitutum cum fructibus, si reus in petitorio uictoriam obtinuerit.

§. 1296.

Condemnetur) Attamen heres tunc praestare tenetur cautionem, se rem legatam detracta Falcidia sine dolo malo restitutum.

§. 1298.

Colonum) Quae primaria est interdicti et actionis quasi Seruianae differentia; haec enim est actio realis, illud, quemadmodum omnia interdicta, personale tantum. *L. 1. §. 3. D. de interdict.*

§. 1300.

Immobilem) Et hoc obiecto solo differt interdictum hoc ab altero utrubi, quippe quod competit ei, qui in possessione rei mobilis turbatur, alioquin enim per omnia conueniunt.

§. 1302.

Protulit) Cum uero iura proprie non possideantur, sed quasi possideantur, quoties de his agitur utendum est formula: *weil ich mich nun in possessione uel quasi dieser Gerechtigkeit befinde.*

§. 1303.

Resarciendum) Id damnum iure nostro aestimari solet per iusiurandum Zenonianum, cuius sedes est in *L. p. C. unde ui*; cum uero hoc iusiurandum praestet actor; in Saxonia reum potius admittere solent ad iusiurandum
mino-

minorationis, (zum Verminderungs-Gid,) cuius tamen iniquitatem ipsi doctores Saxonici agnoscunt. Vid. GE. BEYER *erudita dissert. de iurciurando Zenoniano.*

§. 1304.

Possessorem) Modo iste conscius sit spoliij, per c. 18. X. de restit. spoliat. ergo aduersus tertium b. fidei possessorem hoc remedium non competit.

§. 1305.

Vtrubi) Quibus adde tertium de superficiebus, de quo agitur in L. 1. pr. et §. 2. D. de superf.

§. 1308.

Strepitu) Quod discrimen maxime elucet in probatione; in ordinario enim requiritur sollemnis probatio; in summario sufficit demonstratio, (eine Bescheinigung,) quae perfici potest etiam per rotulum a notario conscriptum.

TIT. XVI.

DE POENA TEMERE LITIGANTIVM.

§. 1309.

Temeritatem) Ergo plane non in sensu proprio accipitur poena, quod uel inde patet, quod iusiurandum calumniae temeritatem litigando non sequitur, sed antecedit contra naturam poenarum.

R 3

§. 1310.

§. 1310.

Aduocatus) Quin ex iure canonico etiam procuratores. *c. 2. de iuram. calumn. in VI.* Enimuero cum hoc iusiurandum occasionem daret sexcentis periuriis, cum in Saxonia, tum in aliis prouinciis istud plane est abrogatum.

§. 1311.

Reuerentia) Quid uero si pupillus uel actor, uel reus sit? Tunc hoc iusiurandum praestare tenetur tutor. *L. 2. §. 2. C. de iureiur. propt. calumn. dand.*

§. 1312.

Pragmaticis) Quibus iuramentis praestitis respondendum est ad singulas positiones, et quidem si illae facta aliena concernunt, uerbis: *glaube wahr! glaube nicht wahr;* ad reliquas: *Sage wahr! Sage nicht wahr!* Sed cum haec et periuriis soleant occasionem dare, et praeterea plerumque frustrata sint: multo rectius consulunt partibus, qui litis contestationem specialem introducunt.

§. 1314.

Litigandi) Talis uero adesse censetur, 1) si litigatum fuerit super quaestione iuris admodum ambigua, 2) si sententiae non fuerint conformes, sed modo pro actore, modo pro reo latae sint, 3) si inter se litigent personae necessariae et coniunctae, et 4) si quis
pro

pro se impetrauerit responsum iuridicum, modo species facti ueritati per omnia congruat.

§. 1315.

Dolo) Vnde infames non fiunt, qui uerbis in factum temperatis actione facti conueniuntur, quod fieri debet, quoties agendum est contra personas, quibus debetur reuerentia.

TIT. XVII.

DE OFFICIO IUDICIS.

§. 1317.

Cognitiones) Quales plerumque erant, quae moram non uidebantur ferre, e. g. salaria aduocatorum, honoraria praeceptorum, munera publica, quae celeriter expediri rei-publicae intererat.

§. 1318.

Armata) Ergo huc pertinet omnis uis et coactio, qua iudex contra refractarios de iure utitur, adeoque et pignoris capio, corporis apprehensio, mulctae dictio et immissio in bona.

§. 1320.

Est) Quod obseruandum contra GER. NOODT, qui in *libro de iurisdictione I. cap. 1. et 2.* merum interpretatus uehemens excellens, summum, cum mixtum ipsi idem sit, ac lene uel temperatum, cum tamen ne uerba quidem hanc significationem ferant.

R 4

§. 1321.

§. 1321.

Facinorosos) Quod imperium recte merum uocatur, quia hic omnia uere ad coactionem redeunt. Nam et inuitus in ius uocatur reus, et in uincula ducitur, et diris quaestionibus ad confessionem adigitur, ac denique ab ipso sumitur supplicium. Quae omnia in causis civilibus cessant.

§. 1322.

Merum) Itaque ex litteris inuestiturarum colligendum est, quid cuius concessum sit. Vocabulum enim plurale, die Gerichte, nihil comprehendit praeter iurisdictionem civilem. Aliud, si concessa sint alle und jede Gerichte, uel Erb- und peinliche Gerichte, Vogten und Zent, Gerichte und Fraysh.

§. 1323.

Potestas) Exceptae tamen sunt causae uoluntariae iurisdictionis, quarum periculum ad magistratum pertinet, eae enim non explicari possunt, nisi coram iudice competente, e. g. si decretum interponendum sit de alienandis rebus minorum. Vnde hi actus mixtae iurisdictionis a doctoribus appellari solent. Vid. ERIC. MAVRICIUS *de potestate principis, lege regia, et iurisdictione*, §. 35.

§. 1324.

Datio) Quod quamuis hodie plerumque cesset, non tamen extra omnem usum est, siquidem et Halae nostrae iudicia civilia sunt penes

penes principem, et tutorum tamen datio magistratui oppidano speciali lege permiffa est.

§. 1325.

Præfcripto) Consensu fit prorogatio, uel ex pacto, si quis promiserit se in ius uenturum in alieno iudicio. Ex præfcripto autem legis, si quis reconuentionem aduersus actorem instituat. In quo foro enim conuentio tractatur, in eodem et reconuentio expedienda est.

§. 1326.

Indutam) Quae diuiditur in uniuerfalem, quae per totum tractum alicui subiectum porrigitur, et particularem, quae tantum locum habet in praediis subditorum, non autem in agro et uiis publicis. Vnde uocari solet iurisdictio circum septa, die *Zaungerichte*, de qua singularis exstat SAM. STRYCKII dissertatio.

§. 1327.

Fuerunt) Simile tamen quid obtinet in iudiciis superioribus, ubi testes audiri et rotulus fieri solet per commissarios, de quorum hac in re officio multa egregia disseruit RVTG. RVLANDVS *tr. de commissariis et commissionibus*.

§. 1329.

Mercenarium) Caue ergo existimes mercenarium officium uocari, ob quod merces exigí possit, (sic enim mercenarium opponendum esset non nobili, sed gratuito,) uerum ubi iudex nihil decernit, nisi rogatus. Sic

R 5

e. g.

e. g. non decernitur arrestum in causis civilibus, nisi praeuia imploratione et periculo petentis.

§. 1330.

Deueniendum) Hinc inter principia sanioris iurisprudentiae hoc ueluti primo loco collocandum est, quod ius Romanum et canonicum apud nos tantum in subsidium receptum sit, ut tunc demum ad illud fiat recursus, si quis casus iure patrio non sit decisus. Vid. STRYKII *Dissert. praelim. ad usum modernum Digestorum*.

§. 1332.

Restituenda) Si scilicet reus eam possideat, alias enim si res in alterius possessione sit, cautionem praestare tenetur de ea restituenda: quo et pertinebat satisfactio de seruo persequendo, qui in fuga est, de qua diximus supra §. 857.

§. 1333.

Est) Ergo in tribus his iudiciis non opus est actione rei iudicatae, sed res statim uindicare potest a quocumque possessore.

TIT. XVIII.

DE PVBLICIS IVDICIIS.

§. 1335.

Est) Quemadmodum enim in causis priuatis occurrunt actor et reus, Kläger und Beklagter:

flagiter : ita in publicis iudiciis accusator et accusatus, *Unfläger* uel *peinlicher Unfläger* et accusatus seu *peinlich Beflagter*.

§. 1337.

Privatio) Quo uero secundum ius Romanum referas poenam carceris! Resp. neque ad capitales, neque ad non capitales, quia haec poena legibus Romanis plane inhibita erat. Vid. *L. 35. D. de poen.*

§. 1339.

Exstant) Vbi obseruandum, plerasque leges Iulias originem debere Augusto imperatori, Cornelias L. Cornelio Sullae dictatori perpetuo, Pompeiam Cn. Pompeio, Caesaris aemulo. Reliquarum legum auctores pene ignorantur.

§. 1341.

Animo) Id quod ipsum perduellionis uocabulum indicat. Bellum enim ueteribus erat duellum, adeoque perduellis idem erat ac hostis; hostis uero peregrinum notabat, ueluti in uerbis XII. tabb. **ADVERSVS HOSTEM AETERNA AVCTORITAS ESTO.**

§. 1342.

Administros) Vnde procul dubio *auctor Aureae Bullae* hoc adplicauit Electoribus Imperii. Ex quo colligunt Publicistae, posse quidem id crimen admitti etiam contra reliquos Principes imperii, sed non nisi

nisi ab eorum subditis, cum aduersus Electores id ab omnibus Germanis committi queat.

§. 1343.

Restricta) Quam non quidem expectare potest a patre, sed a matre tantum uel auo materno. Has autem paullo mitius tractandas putarunt legislatores, quia minus uidebatur ab illis imminere periculum, quam a filiis, qui fortassis cupiissent aliquando patri interitu patriae parentare.

§. 1344.

Extenditur) Immo saepe generosi principes eiusmodi infaniam commiseratione potius, quam poena dignam iudicant, eoque pertinet L. insignis un. C. si quis Imp. maledix. quamuis ista constitutio reliquis Principibus non dicat legem.

§. 1345.

Abhorrent) Quamuis in Anglia praecedat suspendium: in Francia uero reus quatuor equis illigatus discerpatur. Mores itaque hac in re admodum uarii sunt.

§. 1346.

Fuit) Quod hodie secus se habet, siquidem meretrices aliquamdiu ergastulis solent mancipari, uel aliis poenis ad ignominiam pertinentibus affici, immo et relegari.

§. 1347.

Canonici) Quem conceptum etiam nos hodie sequimur, adeo ut et maritus adulterium com-

commisisse uideatur, si cum muliere soluta rem habuerit. Vnde distinctio iuris Germanici in adulterium duplicatum et simplex, de quo paullo post erit dicendi locus.

§. 1348.

Adulterium) Non ergo haec poena est ex ipsa lege Iulia, cu §. 4. *Inst. b. t.* dicitur, sed ex constitutione Constantini in hanc legem Iuliam facta, et quam ueteres pro parte legis Iuliae habere solebant.

§. 1349.

Vxorem) I. e. ut impune id ferat maritus. Si enim etiam excessum admisit, non ideo poena ordinaria afficitur, sed ob iustum dolorem extra ordinem punitur.

§. 1350.

Saxonia) Poena tamen haec ordinaria mitigari potest ob intercessionem coniugis innocentis, modo uxor in Saxonia una cum curatore deprecata sit. Interim intercedens coniux adulterum relegatum comitari tenetur (sie ist demselben mit wesentlicher Wohnung zu folgen schuldig).

§. 1352.

Obtinet) Et ita quidem, ut semper haec illicita coniunctio dirimatur, nisi forte princeps dispensationem, quam uocant, impertierit. Id quod omnino facere potest.

§. 1353.

§. 1353.

Illatum) Istius coercitio proprie ad legem Iuliam de ui publica pertinet, ubi tamen monendum, non praesumi stuprum ui illatum, nisi persona istud passa statim uel familiae suae, uel iudici denunciarit.

§. 1354.

Cogatur) Immo et alimenta praebere infanti, ad quae etiam condemnatur, si concubitus passus sit, quamuis se neget parentem esse, id quod uocatur decretum prouisionale uel interimisticum.

§. 1356.

Sit) I. e. tali, ex quo probabiliter mors sequi potest, e. g. si quis sclopetum in alterum exploserit. Inde ergo praesumptio petitur etiam ad torturam sufficiens.

Solent) Quid uero si sententia non sit expressum, an a cruribus, an uero a ceruice incipiendum sit? Resp. tunc semper praefendam esse benigniorem sententiam, adeoque a ceruice inchoandum.

§. 1357.

Est) Et iure quidem, si odiosis eiusmodi artibus et arcanis uel uitae alicuius uel bonis irreparabile damnum intulerit. Quod enim in *C. C. art. 109.* uiui comburii poena statuitur in istos istasque, qui quaeue pactum expressum cum cacodaemone inierint, istud tot
erro-

erroribus est implicatum, ut ipsum delictum hodie uix fidem inueniat.

§. 1358.

Suffocantur) Quae grauior poena ideo statuta est, quia insidiosissimum est hoc homicidii genus, quod uix quisquam, omni licet diligentia adhibita, euitarit. Accedit, quod periculum hoc non ad unum alterumue, sed saepe ad uniuersas familias pertinet.

§. 1359.

Occiderit) Liberatorum in ista lege nulla fit mentio, quia tempore liberae publicae patres adhuc iure uitae et necis udebant in liberos. Nihilominus tamen ad hos postea porrecta est lex Pompeia. *L. J. D. ad leg. Pomp. de parricid.*

§. 1361.

Probat) In quo articulo C. C. etiam animalium istorum fit mentio. Quia tamen horum quaedam sunt rariora et pretiosiora, imprimis simiae, et in re ipsa non multum momenti positum sit: animalia ista raro culleo simul insuuntur.

§. 1362.

Committant) Et haec uera sunt crimina falsi, quibus ex SCto Liboniano adiiciendus est casus, si quis sibi, uel ei, qui in eius potestate est, legatum uel fideicommissum

sum adscripserit. Reliqui enim casus potius pro stellionatu habentur. *L. 3. §. 1. D. de stellionat.*

§. 1363.

Expendit) In eadem *C. C.* adiicitur domum publicandam esse, quam quis sciens dolo malo falsis monetariis concesserit. Quod ad confiscationem omnium bonorum non est extendendum.

§. 1365.

Obtinet) Immo in Germania id pro crimine fractae pacis habetur, si quis ui armata utatur, ac non potius iudiciorum supremorum imploret auxilium.

§. 1366.

Furantur) Si quis ipse administrat pecuniam eiusmodi publicam, ex eaque aliquid subtrahit, crimen id dicitur *de residuis*.

§. 1367.

Discernatur) Discernitur tamen in Saxonia, ubi sacrilegi rotae imponi solent, quamvis id pro exasperatione poenae uix sit habendum.

§. 1369.

Ambitu) In primis hoc crimen hodie poena uacat iis locis, ubi publica officia publica auctoritate uenduntur, quia tunc qui iure suo utitur, nemini facit iniuriam.

F I N I S.

265





105650144

